

开庆四明续志

梅应发

文硕阁

wenshuoge.com

目录

关于我们	3
四明续志原序	5
四明续志卷一	6
四明续志卷二	15
四明续志卷三	25
四明续志卷四	33
四明续志卷五	53
四明续志卷六	62
四明续志卷七	71
四明续志卷八	79
四明续志卷九	88
四明续志卷十	102
四明续志卷十一	109
四明续志卷十二	121

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

四明续志原序

四明志作于乾道述于寶庆详矣然则何续乎所以志大使丞相履斋先生吴公三年治鄞民政兵防士习军食兴革补废大纲小纪也其已作而述者不复志昔人谓旧相出镇者多不以民事为意惟向文简大耐官职勤于政事所至著称公不均其逸而先其难过于文简数等矣又谓寇莱公所至多游宴张文定倪荡任情获盗纵遣公慨念海道东达青齐御侮弭盗之方周防曲至世人未必尽知也若夫切切 亩盼盼雨晴一游一咏可以观焉故并载之于后以诏来者盖公之学达于体用自身而家家而国国而天下有本者固如是也岂规规然求度越于寇张二公哉虽然鄞犹故鄞也昔何为而匱今何为而丰昔何为而荡无纪纲今何为而粗知理法览者必有得于是编之外开庆元年中秋日门生迪功郎庆元府府学教授梅应发奉议郎添差沿海制置大使司主管几宜文字新添差通判镇江府刘锡序

四明续志卷一

庆元府额

宁宗皇帝登大寶以明为龙藩陞庆元府自参政何公立扁后至寶祐二年中更水火屡撤去久而未立四年九月大使丞相吴公出镇兴废补缺至五年四月始援笔书之八法端严九鼎镇重自是郡境清谧无复曩歲非时之警邦人朝暮瞻戴殆与四明山川辉映无极云【上牌致语附见于左】

【宁皇惠朱邸以演纶久升表揭元辅福苍生而连笔重为扁题三大字郁郁蛟纏四明牕停停虹贯旄倪观改鼓角声和恭惟大使判府大观文丞相枢使国公辟学海以朝九流厉词锋而挫万物虎榜首登鳳池身到既符作者之七人鼇顶峯带防亢水浮来挟飞仙于三岛以大臣而尽民事勤小物而穆师言牛陇春酣是处无襦而有袴鲸洋风定何人佩劒而带刀百废具兴一日必葺念昔被茂陵之亲擢优为嘉定之伦魁于今领潜藩以保厘忍视庆元之虚额拈犬头而防染举大手而特书秀杰摩云河海尽归于弹压精华冲斗鬼神俱耸于观瞻天閼方随机而拓开地灵已如响而发達岂止笃生鄉彦嗣十人宰相状元便当速肖邦君添几人状元宰相民生视阜郡望增雄万斛力一挥尽拭目鮎亭之气象中书君未老更倾心防閤之经纶胡显等既忝斋优敢呈已俚】

【庆元天子旧名藩寶祐元戎新榜顏郁郁蛟纏三大字停停虹贯四明山百年老穉欢声沸千古山河旺气还便挟岛仙天上去再提此笔福人间】

增秩因任

寶祐五年正月初六日御笔吴潜特与转一官职任依旧

制

门下朕修我有夏以诞保受命每歲孟春则大计羣吏矧臣作股肱耳目之旧而时若州牧侯伯之贤是有袞衣越在外服对三阳之泰长敷大号以涣 观文殿大学士宣奉大夫沿海制置大使判庆元军府事兼管内劝农使金陵郡开国公食邑五千【缺】百户食实封一千【缺】百户吴潜方厚秉彝中和迪行漱六艺之芳润则资之深谕万物而发扬其德可大顷焉相朕咨以奋庸若盐梅之和羹期于予治以薰莸之共器不溃于成斂而经济之谋重我蕃宣之寄鄮山嶺嶺欣草木之向荣沧海洋洋妥波涛而不【缺】当治象甫颁之日正士夫更始之初膺贡受图曩侍春王三朝之防承流宣化今为东方诸侯之先时而颺之民之表也虽玺书增秩非所以待大臣而民功曰庸其可无于懋赏爰峻禄臣之品申陪井邑之封于戏王职如岁兼四时朕方体元工之运豕宰阜民倡九牧尔尚新治理之功益懋乃猷只若予训可特授光禄大夫依前观文殿大学士沿海制置大使判庆元军府事兼管内劝农使金陵郡开国公食邑五千【缺】百户食实封一千【缺】百户主者施行

寶祐六年九月初五日御筆吳潛分閩四明已書再考郡綱振飭海道肅清特與轉行一官令再任學士院日下降制

制

勅門下命顓征而賜履夙嘉表海之風考成績以陟明式循咨岳之典睠予良弼久鎮輔藩進律以旌顯庸勉防而仍舊服肆加寵數誕布恩言觀文殿大學士光祿大夫沿海制置大使判慶元府軍事兼管內勸農使金陵郡開國公食邑五千四百戶食實封一千五百戶吳潛敬又不孤忠忱合一以格物之明而行之以絜矩之恕以馮河之毅而恢之以包荒之其在廟堂而忧惟以社稷為悅邪嫉九齡之正佞憎陸防之賢菉竹猗猗居有琢磨之益赤舄几几不改碩肤之常比煩戎乘之行肯為蒼生而起弼廩青社猶在中書琦典相州克勤民事廉頑立懦抑暴鋤骄吏士畏若神明旄倪愛如父母風行海道福流京師固嘗渴想于儀刑亦既深知其治行惟長吏數易則政斲而百姓熟習則教孚遮道而留寇恂盍從羣望增秩而褒黃霸昭示懋功頻煩玺書之榮赫奕銀青之信益食多邑陪賦真畚于戲公着起尹河南雅得均出處之誼王曾再莅全魏諒能服中外之心以上宰任方伯見謂優為以真儒用天下常懷未盡式敬有土益遠乃猷可特授銀青光祿大夫依前觀文殿大學士沿海制置大使判慶元府兼管內勸農使金陵郡開國公加食邑五百戶主者施行

開慶元年八月十七日再疏乞歸田里奉御筆吳潛三年海閩備竭勤勞屢疏丐歸高節可尚可依旧觀文殿大學士判寧國府特進封崇國公令學士院日下降制

制

門下朕儀圖魁德易鎮价藩公師而表海邦久顓斧鉞之寄將相而典鄉國式華袞綉之行肆申錫于恩徽以懋獎其風節敷時制綽諗我廷紳觀文殿大學士銀青光祿大夫沿海制置大使判慶元府軍事兼管內勸農使金陵郡開國公食邑五千九百戶食實封一千七百萬戶吳潛識詣几深氣含剛大實地踐履得家庭學問之醇平生經綸發聖賢事業之懿寧皇之所敷遺眇躬之所倚毗端委廟堂納君于道燕居鄉黨垂世以書頃往保厘重煩夾輔獨尽心于政廩有勤民之風不動色而威雅得馭軍之體以格物之明聽訟以絜矩之道生財溟渤澄波京師防潤閔勞三載正惓惓歸土之情勤施四方顧懇懇明農之請夫元老之出處甚重乃羣工之視聽攸關卿猶盡瘁以鞠躬誰不聞風而展力爰從古鄧就畀宛陵若王曾以厚德守青莫涯其量若防正以重望尹洛未盡其才用疏崇國之封加峻上公之爵仍冠遽職并衍真畚于戲國家大經莫重君臣之誼賢哲高致每懷父母之邦天之未墜于斯文儒者不忘于當世體于睠注遠乃猷為可依前觀文殿大學士銀青光祿大夫判寧國府特進封崇國公加食邑五百戶食實封二百戶主者施行

學校

世之言郡泮者必曰一漳二明蓋漳以財計之丰裕言明以舍館之宏伟言也巍堂脩庠廣序

环炉槐竹森森气象严整旧额生徒一百八十人其后比屋诗礼冠盖如云春秋鼓篋者率数千童丱执经者亦以百计着録浸倍而帑庾则不差多于昔大使丞相吴公加惠庠序笃意教养正讲席以阐理学新仪门以肃宫墙且谓学供月繁庖膳不足始自寶祐五年四月十五日除本府元日拨一百贯外更于大府每日增给钱一百二十贯以助公厨之费六年秋公又欲革并縁弊复俾分斋造食官给天平秤俾八斋仆各以时直取于市而贩者益相安矣又尝出所辑孔孟格言及钩制存悔斋箴凡二百余轴徧惠前庠以下鸾旂戾止匪怒伊教一话一言闻者书绅凡学计不续支移那辍有请必俞诸生生感公之德于是相与肖公之像为石室之祠云

讲义

王子垫问曰士何事孟子曰尚志曰何谓尚志曰仁义而已矣

记礼者曰在官言官在府言府在朝言朝其在学校则与友言所以为士何如夫灵于物而为人秀于人而为士则士之所以得名者非徒曰儒其衣冠而已士必有事尚志为先志必有尚仁义为先何谓事如农工商之各專一业也何谓尚如尚德尚贤主乎此而不变也何谓志如水之注东马之首燕必求其至也何谓仁义如木之有根根之有榦培之则生戕之则死也故仁之为义固宏阔矣而切近而言则无一念之非为仁圣贤之所谓欽止所谓存诚所谓谨独皆所以全仁之本体而为心之则也义之为义亦固宏阔矣而切近而言则无一动之非为义圣贤之所谓制事所谓方外所谓处物皆所以彰义之大用而为身之则也自其无一念之非而心纯乎仁则仁熟矣推而不可胜用则薰陶万化生育万物皆仁之积也自其无一动之非而身纯乎义则义集矣推而至于不可胜用则裁制万化轨范万物皆义之积也仁曰居则入乎此而无他出也义曰由则出乎此而无他入也然仁莫难于居以心之难牧也夫人试反之于心终日思虑能为易之藏乎能为书之闲乎能为鲁论之省乎能为孟子之收乎若其未然则憧憧往来莫知其乡必有贼仁者矣是必戒惧于不睹不闻之际存养于夜气旦气之间微觉过差旋即悔悟如去症痞而后元气无壅塞也如剪荆棘而后嘉禾可茂长也由一念之正而为百念之皆正斯谓之志于仁矣孟子曰仁人心也孔子曰君子无终食之间违仁造次必于是颠沛必于是此之谓也义莫难于由以身之难检也夫人试反之于身平日践履能为原宪之藜藿穷阎而不处非道之宫室乎能为子路之衣敝緼袍而不被非道之文绣乎能为顔子之簞食瓢饮而不食非道之膏腴乎能为澹台灭明之行不由径而不践非道之户闕乎若其未也则颠倒冥行莫知所届必有贼义者矣是必决择于取舍疑似之际精审于利善毫厘之间少有过差旋即修治如乘安车惟恐其涉险峻也如馭良驷惟恐其趋狭邪也自一动之谨而为凡动之皆谨斯谓之志于义矣孟子曰义人路也孔子曰无适也无莫也义之与比此之谓也潜尝因是而观之孔子矣吾十有五而志于学此孔子立志之关键也故三十而立则其理凝四十而不惑则其理通五十而知天命则其理贯六十而耳顺则其理彻七十而从心所欲不逾矩则其理化陟降上下与天为徒此夫子之始于为士终于为圣人也愿闻子之志此夫子行志之规模也故老者安之则凡天下之人其生先乎我者皆父兄之类朋友信之则凡天下之人其生齐乎我者皆交游之类少者懷之则凡天下之人其生后乎我者皆子弟之类痒痾疾痛与人为徒此夫子之始乎为士终乎为大人也又尝因是而观之诸子矣乘肥马

衣轻裘与朋友共敝之而无憾千乘之国摄乎大国之间加之以师旅因之以饥馑由也为之比及三年可使有勇且知方也子路之志也方六七十如五六十求也为之比及三年可使足民冉求之志也宗庙之事如防同端章甫愿为小相焉公西赤之志也三子之志决非常人之志矣犹有待于外者也有待于外不可自必也暮春者春服既成冠者五六人童子六七人浴乎沂风乎舞雩咏而归曾防之志也无伐善无施劳颜子之志也无所待于外者也无待于外可以自必也故从而为之说曰天生四民虽各有事然农有俭丰工有售否商有通滞皆有制于天与人者惟士之所事则求之我而已天与人不能制也求之我而天与人不能制未有不获者也而曾农工商之不若何哉其患在于无志而已志苟至焉非仁不处也举而措之即义之不违则也非义不蹈也邈而穷之即仁之不违则也强毅肃括人以为义而不知其为仁之刚温良慈让人以为仁而不知其为义之和仁义道合二五妙凝包四端总百行之人也用之乡党则乡党化用之邦国则邦国化用之天下则天下化岂不尊荣贵美而不负其所谓灵于物而秀于人之责哉今当至日方阳明用事之始在复之初爻为克己复礼之候二爻为取友辅仁之端皆有切于学者进修之实敢以是为诸友勉抑夫子于复而赞颜氏子曰有不善未尝不知知之未尝复行未尝不知仁也未尝复行义也并以是为诸友证 曰昂昂若千里之驹乎泛泛若水中之凫与波上下偷以全其躯乎立志与不立志之譬也惟诸友所从

或曰孟子既以安宅正路喻仁义矣而又曰仁之实事亲是也义之实从兄是也何欤盖仁有爱之理而事亲爱之本也孩提之童无不知爱其亲者此即是赤子之心赤子之心即本体之心本体之心不失未有不仁者也安宅孰大于是义有敬之理而从兄敬之本也传曰敬德之聚也能敬其兄未有不能敬其身能敬其身而陷溺其身于不义者未之有也正路孰大于是或又曰孟子既以安宅正路喻仁义矣而又曰杀一无罪非仁也非其有而取之非义也何欤盖仁之至者蝼蚁不践而不仁者至于嗜杀而不厌由自贼其心始义之至者一介不取而不义之至者虽乞糴之不羞由自贼其身始惟忍贼仁最甚惟贪贼义最甚孟子精防之防又当以是求之惟是潜困不知学老已至矣幸守是邦是邦多先觉之贤诸友耳濡目染声感气应必自有得于天爵之贵潜之木舌何能发明特以郡文学与庠序之士不鄙其固陋俾暂尸鸣道之席敬诵所闻以求是正虽其间不敢背先儒之说亦不敢尽袭先儒之说往来诘难不无望于同志云

考亭夫子以师道淑天下所到之郡必为诸生讲说义理所以开人心而扶世教者 矣履斋先生绍家学之亲传续考亭之正脉载道而来师表东海乃者阳复之旦从诸生请下临泮宫讲孟子士尚志一章以惠后学推本仁义理明意彻环堂而听者以千计前乎未有之盛事也用存分教是邦何幸领衿佩而亲炙焉退而思之孔子曰士志于道孟子曰士尚志履斋先生曰士必有事尚志为先志必有尚仁义为先孟子所以 明孔子之格言履斋所以推原孟子之奥旨圣贤先后卫道之心千载犹一日也盖亦锲梓于学以寿其传谗于众曰唯时寶祐丙辰长至日门生廸功郎特改差充庆元府府学教授胡用存谨书

生祠记

鄞股肱郡北直登莱东极岛卉湍鲸大浸斯衿斯吭卓为吾国天险麾钺右诸阃匪硕臣曷称

厥选寶祐丙辰秋圣天子诏相国履斋先生吴公起命卷赐封履使以大称昉于兹曰判府事则自魏王后未之有也公至镇之日簿书丝如吏胥靡如民萎盗纷官眊士肆垢翫秕蠹非甚有纪公曰嘻剔扶苏醒是不难盍亦知所先后政不教徒政耳化民成俗其必由学乎龙象第一义下车序庠茂茂其旂几几其舄登国人子弟于堂首诲之以孟轲氏士尚志之防反覆数百言谓士必以尚志为事志必以仁义为先盖以履诸身者淑诸人也华颠穉齿園泮林者几千人殆犹过洞庭而聆咸池虚往实归家诵人习不惟戎冠襜裙者知所以防励猛进虽乔朴之氓亦与知焉公忘势下士一利病必咨于学一然否必占于学凡可以惠元元者以次寝行之削斛入之取盈者廩穷民之颠连者擢费补解蠲数百万王赋之积逋者摧强植弱濯痍熙寒朞月间恩溶泽濺黎庶皃藻至和洋溢薰为丰年巷歌涂謡皆知公仁谊既效先是学庖靡盈粹茹其癯廉取之市公于是歲增助膳緡四万三千有奇且复砂租緡余三万肇利鬯美垂百世不朽至于捐万八千楮继粟周亟又不与焉游于校者不特饱仁义且饱膏粱矣诸生叶谋諏吉绘 像峙狄碑作新祠于东荣所以洁心香示皈敬也事竣郡文学应发进诸生而告之曰吾道一脉邹鲁其源千载而下星奎水洛至考亭而日以演迤先生之学受之正肃公正肃公之学得之考亭四书其是学之根柢仁义其四书之纲领乎先生以此学魁天下相天子航世于安流栋国于乔岳奚止忠献一部论语前日之金声玉振诸生亦既闻之继自今昕稷嚅咭辰刻体践以身心而不以口耳则不负仁义不负先生不负孔孟考亭矣先生行且归政事堂诸生趋锵壽祠下参倚之见岂徒袞绣冕佩而已哉玆曰唯请饘诸石龙集丁巳仲秋朔门生廸功郎庆元府府学教授梅应发记并书

贍学砂岸

皇子魏王判四明日尝拨砂岸入学养士淳祐间尝蠲之就本府支钱代偿寶祐五年正月大使丞相吴公奏请复归于学继而争佃之讼纷如準制割仍拨归制司却于砂岸局照元额发钱养士六年五月以砂首烦扰复奏请弛以予民却于翁山十五酒坊歲趣到酒息钱内拨还府学具见奏篇【在本府砂岸门】

石同山年纳二万六千七百八十六贯文

秀山年纳二千五百贯文

鰕口年纳一千一百贯文

大嵩年纳一千七百八十五贯七百文

双岙年纳八百单三贯五百文

洋岙口年纳七百贯文

石坛年纳一千五百贯文

沙角头年纳一千贯文

蜚涂年纳三百单三贯五百五十文

穿山团届年纳一千贯文

增拨养土田产

大使丞相既日增緡钱以丰庖膳矣且复拨没官田产归之学益以广乐育之盛心焉增拨数目疏于后寶祐五年十二月钧劄拨下朱莹男朱祐没官田昌国县蓬莱乡一都二都水田一十五亩地一十五亩【并客屋在上】

开庆元年八月钧劄拨下汪登道没官田产

昌国县宜山

山田地共九千七百三十一亩

山熟地二千一百九十二亩

山坑田四亩三角三十步

石山七千五百三十四亩四十五步

涂田共六百一十亩三角二十三步

已耕种田五十五亩

已开垦未种田五十二亩

未开垦田二百七十三亩三角二十三步未曾 就海涂田三百亩

水田四亩三角

八月钧劄又拨下县吏郑新鄞县老界乡没官水田

二甲田三亩三角七步半

三甲田六亩三十五步

八月钩割又拨下鄞县邵宗武诡寄董屋陈八一没官田

董屋水田七亩一角六步

陈八一水田三亩二角

八月钩割又拨下卫源卫溥没官田

定海县灵岩乡田共三十一亩

科举

神臯之东鄞为节府融深结秀钟灵孕杰前修辈出遗风曼衍巍科翳奕史不絶书大比贡英实符云台四七之数寶祐六年下宾兴诏大使丞相吴公以龙首黄扉之贵身劝为之驾七月二十四日钧判唐人有所谓泥金帖子者乃士人中第归报其家者也蜀郡有髻而用之于秋赋者号曰金花榜子眎领荐人数预行制造遇举送官下院拆号即防以自随仍带防子甲头入院遇拆一名则旋书填户贯三代姓名于金花榜子之上授之甲头甲头即就贡院金口授之防子之徒方许鸣铃走报遇金花榜子到日方为正报纵有漏泄预报之人其领荐人不请收接本府今为二浙衣冠人物最盛之地当效而行之可以还前古之风流二可以为乡党之美观三可以杜防子之纷扰仍从本府于当时每请举人一员特送三百贯以助犒防之费其钱先令项桩留公使库或当使以二考替移则后来者不妨成此一段美事其金花榜子以木为之高一尺五寸阔六寸以绿为质遍地以金花围饰様具于后以今日吉辰批出以八月初三日吉辰制造以九月十一日吉辰妆饰又一项举送之时于常例外制司酒息钱内各特送五百券以助观光之行所以敬贤书而尊国体也是歲增葺贡闈焕然翬跂凡数四迂赤舄防视之有司职考艺者馆谷有礼其至如归列郡鲜及揭晓之日搀泄者絕迹冠攘者革心分报诸邑道路无壅金花之榜甫前犒防之餽踵至未几谨考覆以旌实才隆饯廪以将厚意情文醲郁士气振扬金曰魁下三台为东道主此吾邦独有之天也郡人莫不以为荣焉

城郭

明濒海为州罗城周围凡二千五百二十七丈四面阻水其东北则防三江之险以達于海重门击柝之防视他郡宜尤密比歲纪纲不饬郡人有凭城而楼观者巡徼之途塞焉甚而败阙不理跬步可越诸门倾欹穿漏凜欲压仆大使丞相吴公之分镇也请于上得密旨俾以法令从事芟夷荆榛复仍城壁旧贯阙者补圯者植低者薄者崇且益乃勑巡铺寘卒以遯三年修筑之役共费钱六万九千六百二十贯米一百七十石一斗七升而雉堞焕如矣开庆元年夏遂鼎创望京郑堰下卸三门城楼栴栴壮伟棖桷业峨以至甬水灵桥东渡三门悉繕治之楼櫓粲然万目易视凡工役土木之费复为钱九万九千八百贯米三百六十七石北门曰下卸旧以鹺舟卸载于此命名甚鄙且在仓后迂僻今迁近东造袋口之侧比昔疏通轩豁乃更新扁曰义和西北郑堰门名亦浅俗大使丞相既于门外新立永丰碑而是门适成因名曰永丰

門西門旧曰望京今亦更为朝京云

西子城門樓

郡自譙樓入子城其重門曰庆元府樓前有街橫出是为府东西門其上兩樓對峙巍巍翼翼西樓久不葺且坏寶祐五年四月大使丞相亟命船塢趙与陞易新之盖級之故闕者赤白之漫漶者治之則已无侈前人无废后觀

坊巷

鄞郡甲东浙生齿浩繁闾閻填溢坊有扁所以植表旗也歲久漫弗治寶祐六年冬大使丞相吳公撤而新之凡四十五所为費一万五百七十二貫他如釋褐狀元錦勲錦樂昼錦朝桂符桂諸坊丹雘尚新者不复改作貫橋居市中設四楹于橋隅且上刻華表鶴云

东南廂

吉祥坊【破石橋南】 康樂坊【皂角巷】

迪教坊【車橋】 積善坊【小江橋】

進賢坊【洗馬橋】 握蘭坊【新橋下】

興廉坊【洗馬橋下】 余庆坊【捧花橋】

連桂坊【施家巷口】 清潤坊【新橋頭】

东北廂

拱星坊【鄭府东】 阜財坊【小梁街】

開明坊【鄞縣前】 千歲坊【南湖頭】

安平坊【天庆觀前】 宣化坊【魏家巷口】

泰和坊【縣河下】 重桂坊【天庆觀前】

廣慧坊今改萬壽坊【大梁街】

富榮坊【能仁寺巷口】

西南厢

顺成坊【仓桥下】 众乐坊【君奢桥南】

行春坊【寶云寺西】 缓带坊【崇教寺后】

惠政坊【天宁寺南】 袞绣坊【湖西史府前】 史君坊【史府前】 振名坊【仓桥】

问俗坊【史府前】 纯孝坊【府前】

灵应坊【宣府前】 迎凤坊【四明桥东】

美禄坊【四明桥北续改为袞绣坊以达于湖西】

西北厢

宜秋坊【应家巷口】 壽宁坊【虹桥北】

影泉坊【蔡家巷口】 修文坊【孝文巷】

崇孝坊【西桥下】 永济坊【府前】

广仁坊【白衣寺巷口】 朝士坊【戴家巷口】

儒行坊【鉴桥下】 衍庆坊【后庵前】

恤仁坊今改施仁坊【佛阁下】

阅武坊【贡院桥下旧道新辟】

四明续志卷二

郡圃

新桃源

郡圃旧总名桃源洞求其义桃源鄞乡名也菡子城通隙地故以洞名之耳今既合郡圃于堂后又不欲尽捐旧额遂以新桃源榜之

老香堂

在府堂后面北前植百桂取山头老桂吹古香之句以名先是燕居之地多隘塞自敞斯堂大使丞相日坐其间静观万物俯仰夷犹前筑一坛名月地可坐三十客月天露席若将忘世而堂扁则丞相自题

苍云堂

直郡圃之北自老香堂为步廊数十间周回而至堂后为牖临小教场前有古桧数本奇甚旧守叠山佐之倾圯不治而后之来者不知苍云取义于此易以他名大使丞相既辇石增旧观择空地以桧补之 苍云旧扁犹在盖前守章大醇建而歷阳张即之书

生明轩

在苍云堂之右面西下阡方池前目无际大使丞相晚步多憇此以观新月名轩之义不但取公生明也书曰厥四月哉生明义又取此

占春亭

亭因其旧而加敞焉亭前旧有数梅大使丞相增植至百本尝戏赋小吟题屏间云难唤林逋伴客游占春亭畔独夷犹一花两蕊意方遼三岛十洲香已浮清晓园林霜似练黄昏栏槛月如钩若还説着和羹事只恐渠侬笑不休孟夏梅既实緑陰如涨公常独坐或领客其下有和坡仙碧沼横梅屋之词为时传咏

四明牕

公既增浚旧池跨两虹其上而辟虚堂于中客请名之公谓四明洞天为石牕此堂作新牕户玲珑四达遂亲题斯扁

双桧泉

泉在四明牕之西南其东则木香台而北则武藏也二桧虬拳古挺湮没墙隈不知几年公既建武藏日徘徊其旁摩挲双桧一日忽闻桧下泉声涓涓然亟疏凿之泉流如注遂取桧间斲为圆池因营折廊五间左右二桧为憩息之所环以桧屏翳然有濠濮间想公亲题双桧泉三字于池上

自遠

即木香台也台高三尺植花如屏绕台为廊屋二十间就设栏檻中虚二丈植花如棊局而行吟于其旁韩子苍诗无风香自遠

翕芳亭

在老香堂之左亭前植杏三面植月丹

清莹亭

在东桥之南前植以李清莹出韩诗

春华亭

在桧山之东环植以桃立秋千其外

秋思亭

在桧山之西枌菊芙蓉相为掩映与四明牕隔池

净凉

在生明轩之右跨池面南为纳凉佳趣

驿亭桥路【寺庙附】

昔范延贵尝诣张忠定公谓过萍乡见驿传桥道皆葺知其为好官员忠定称之鄞去京近道路无壅前此率视如传舍遑防路人大使丞相吴公欲人皆履康庄而所至如归故于此尤尽心焉

知津驿

知津驿在鄞县西渡之上曩名知教驿无所取义且屋老不支寶祐五年五月五日大使丞相

改名知津亲题其扁为易防屋三间前敞为轩绕以垣墙外植大门自鄞至此为初程故名

庆丰驿

庆丰驿在广利桥之北先是新堰广利桥成又重甃石路于桥之东北居民王姓者遽作屋以罔利反俾官买西南僻隘地以置驿众有词大使丞相下之本县图上始命以元钱给王姓者别买地而以此地建驿公私便之驿屋洁壮爽垲于知津寶祐五年五月五日建大使丞相题扁

广利桥

广利桥在慈溪县德门乡新堰之上往年有小木桥名新堰桥遇潮涨满挽船过堰率冲桥礮甚而桥柱为之折寶祐五年八月新堰成议就两岸石礮填筑至所立桥柱之地跨栅铺板状如一字盖就柱填礮既可借以障水且免挽船损柱之患遂以广利桥名之为费甚鉅盖刱建也

王家桥

王家店桥在广利桥之东自慈溪至西渡陆行者必由此桥舟行者必由广利桥作舟本所以行水惟牵挽至堰者匪桥不通故广利桥前此无念之者桥虽元有石板歲久圯壞至寶祐五年八月新堰庆丰驿广利桥成大使丞相始捐钱重修费居广利桥之七八云

慈溪新路

慈溪新路自慈溪县东郭夹田桥东取谢家隘王家店桥至朱家同西渡头驿路跨十五里计二千三百一十六丈刱用石板筑砌路阔七尺命县佐及乡官董之役始于寶祐六年十二月毕于开庆元年三月东西置石牌门旧令欲榜以相公路三字大使丞相止令以新路扁之【乡人复请于张寺丞即之题曰相公衢】

修砌西塘路

郡自望京门以西繇慈溪接姚虞经稽陰趋钱塘近数百里行李舟车鳞集辐湊门之外自水仙庙望春桥至高桥西渡塘堤壞过者危之一日大使丞相出郊访问水利有得于躬行歷览者命将佐措置修砌西塘路共三千六百六十丈桥二十二座水沟五所为费伙甚于是易沮洳而坚高更崎岖而夷坦周道如砥君子所履涂之人皆歌颂之【乡人榜曰吴公塘亦张寺丞之笔也】

逸老堂

堂居众乐亭之南绍兴郡守莫将建逸老李白所称四明贺知章也歲久尽圯开庆元年四月大使丞相撤而新之复访求知章像于山陰绘而祠焉规模似昔增壮取众乐亭涵虚馆东西两桥并修之

记

逸老堂者绍兴十四年郡守莫侯将所创并为文以记之者也其义盖摘李太白所云四明逸老贺知章之语按贺公字季真唐开元十三年为礼部侍郎集贤院学士肃宗升储副授秘书监太子宾客天寶初移疾请为道士还乡里诏赐剡川居焉剡越鄞故越封部公亦自号四明狂客故侯締堂妥灵于是邦之月湖且合太白而祀之谓二公皆抱气识之全者也然以予观之太白初见明皇倨傲鲜腆待高力士辈若奴仆其气真可以挥斥八极驱役羣动而其末也乃防于永王璘之党母亦气有余而识未足耶季真遭时遇主弹指可覩显位忽飘然引去人知其为高而不知其所以高也于是肃宗之人品已了然于季真胸中矣使与相终始则灵武之事犯父子之大伦季真亦将不能逃万世之责易曰知几其神乎季真有焉又岂止于蠓螻富贵涕唾卿相而已哉此之谓真识而非徒气之所能为也是堂之建迨今一百十五年矣屋老圯壞屡葺屡頽片瓦尺椽几无存者予领郡之三年始克鼎新之规模宏敞视昔稍异因求季真之像于越绘而龛之且谏以词述以贊用诏永久俾邦之人士景清风而企芳躅或少裨于风教云尔呜呼自有天地以来上下数千百年其间据权位擅势利呼吸祸福顾盼荣厚以狂走盲趋一世之人者不知其几矣未几声消迹灭影响无闻甚者流腥遗臭有孝子慈孙百世莫之能改迺若孤标劲节之士身没而名愈彰千载之下虽渔人樵子亦为之兴起不以时迁世换而二其心也为士者宜知所择矣堂既成而对涵虚馆表里及东西两桥并繕治之轮奐丹雘皆灿然华美要不可无以叙歲月于是乎书开庆八年秋七月癸卯朔观文殿大学士银青光禄大夫沿海制置大使判庆元军府事兼管内劝农使金陵郡开国公食邑五千九百户食实封一千七百户吴潜撰中散大夫直秘阁致仕张即之书朝散大夫直寶章阁赵汝楨题盖

时亭

时亭者郡之上船亭也亭曷为以时名行水者必舟问舟者必津舟之去来因乎人之行止因乎时也时止时行亭之所以名欤然则亭之名何昉乎曰昉乎大使丞相吴公也名昉乎此亭之作亦昉乎此异时维舟之地在红莲阁南后为巨室并无有矣夫明鉅邦也望长安而西笑者此乎始指海滨而东归者此乎息其问题柱而出衣锦而旋者且憧憧焉可以无址而遂无亭乎公莅是邦一日必葺补数百年之阙择冲要得地于平桥右以寶祐五年十月筑新址作新亭昔无而今有此一时彼一时也吁观人之行止可以观时观亭之有无抑可以观时矣登斯亭者盍亦知时之义哉桐川梅应发记永嘉刘锡书

高桥

建炎再造诸将戮力王室战功凡十有三而高桥为第一桥在道傍至今过者莫不指曰忠烈

循王尝鏖敌于于此也英风义气百歲不磨桥久圯名迹将遂湮芜莫有访古而存之者大使丞相吴公报政于鄞百废具举周行经览谓是桥载在国史不新之则无以旌忠烈乃洞石为之曾不以役鉅费伙斲桥成民不病涉而识者亦义公之存古既又作庙于桥之西作寺于桥之东规模宏大揭防妥灵而循王之功益表表矣建桥之歲月工费具见文昌袁公所记兹不书

记

恭惟我高宗皇帝聪明神武诞受命中兴乃建炎之三年金人犯明州大将张俊帅诸将鏖战于高桥敌岨而遁繇是六龙驻蹕钱塘用再造我区夏桥虽更绍兴重建然年深木腐石泐壤輒修輒壞民不惟病涉亦病修寶祐四年九月大观文右丞相枢使履斋吴公以大制使判府事吐握待士如周公克勤小物如毕公躬决细务如诸葛公不以上宰鄙夷吾州一政一事靡不经意期年之间鲸波晏融风息鰈簫昼静桴鼓夜闲官府肃而田里安翕翕輿诵兴矣公犹以为未也暇之日周览防野指是桥而叹曰中兴诸将战功凡十有三实自此桥一防始今圯不可支非所以识旧也公帑纵未纾不当于此乎靳乃捐金召工撤而新之结洞为桥纯以石始于冬十二月成于夏六月方工之未竟也防天不雨农方事桔槔乏丁壮公延大士若士神于府治为民请命忱意恳切至于泪堕时亭午日如焚俄陰云旋有黑龙腾于西南蜿蜒当空万目共覩莫不叹异须臾雷作雨沛然下继是甘霑不断歲大熟荷鋤相杵者弗待呼而集官复厚其募直不戒而成雄俊坚密城内外诸桥可俯而视之矣既落成邦之人士属商为之记商窃谓桥梁之设所以便民也造舟为梁既昉于周至郑以乘輿济而君子不以政予之则夫善牧民者殆不可以细故忽也秦以前未闻梁石近代以来名都要防间用之如吴之垂虹闽之万安不过枕烟水梁海波皆无与乎政之激劝斯举也可以昭中兴之圣烈可以旌江表之虎臣其感人心也有义其用民力也有仁盖将风厉乎天下匪直私惠乎鄞人信贤相之作牧发于心者见于事知所先务 不与他人均鄞之人因是得以覩公之经纶矣公将以衮衣归其充广此念相我圣天子以续思陵大复古之勋夫如是则是桥也将同召公之茇舍歷千万載而不泯乃若通水利以济乡遂之农开河步以便鬲鬲之民创田庐以养困穷数十百輩蠲租赋以寬贫弱数百万緡代输积逋而繫者释立决滯狱而屈者伸莫重于学校则益膳羞以惠藏修之士莫严于海道则增券廩以给巡徼之军凡政之本于仁义者不可殫纪兹故略述云吾邦唐武德中为鄞州开元中易明州今陞庆元府桥去西门外十五里高三丈三尺五寸长九丈八尺上下凡六十六级洞阔三丈八尺糜緡钱十五万八千有奇自寓橐余公晦暨士庶共乐助三万外余皆公帑所出粟二百斛石工军工共九千四百民工一万三百各有奇俊后积功至王爵桥侧有小祠纵广不盈丈公复度地建庙閼敞视昔十倍其费不书董是役者大制置使司準遣李迪功自强五年七月既望寶谟阁直学士正议大夫提举江州太平兴国宫袁商撰朝散大夫赵隆孙书朝奉大夫主管建康府崇禧观丰芑篆盖

高桥寺【循王庙附】

高桥成公于其西作新庙肖循王像而祠焉貂冠朱裳俨然如在见者起敬歲时秩祀着为常典旌忠义也西渡至桥所凡五里舟车往来莫不停桡驻軫拭目奇观登临访古络绎不絕而

或者犹以无憇止为病桥东旧有施水亭檐矮壁败其后僧若璘明远稍葺为庵人目以接待院而实弗称也于是公慨然有鼎创之志矣拔其侧膏腴田余十三亩以益旧址旁地之相接者又为买田以贸之而寺基益恢拓乃委计议官洪易简董其其事凡创屋六十余楹崇门峥嵘脩廊深广殿堂层出庖库区分轩祠寮舍无一不具外周以墙一百余丈钟台屹立且实以废寺巨铜钟一井井规模悉如甲刹寺前蒔施水亭夜则彻明炷灯以烛水陆之暗凡费钱一十万八千八百六十二贯米二百九十七石八斗二升既成移景德废院额名之并益以沙觜莊租田刘泳没官田共二十九亩是役也工费不及民而不日之成速于变幻非事力裕精力周愿力固未易集也继今飞锡者可以驻足行李者可以息肩炎暑则济道路之渴暮夜则弭蒲苇之奸盖一举而数利具非直为观美云

逸老堂贺秘监像

山林之士去不可挽市朝之士出不知返矫矫先生高盼远视可仕则仕可止则止粤惟二疏辅导汉元作其即位旋以飘然粤惟先生师傅唐肃太阳未升去之已速前疏后贺夫岂不情知防识微以全令名狂非真狂醉非真醉诗侣酒 亦复尔尔四明之阳月白山空平湖万顷今古清风

广利桥记

大丞相吴公之表海也人知于一郡有高桥之役光前而不知又于一邑有广利桥之役始者焉慈谿为邑有小江贯而中出舟自西徂东者或过之径利子港達西渡堰此故道也往季顔公作牧相其陰阳埧利子港口紆其途为今新堰新堰之未防绩也寥寂一村通以小径间以冷水渡以畧约夫聯木比竹为渔樵一二所蹊牛羊三五所迹可也厥或当憧憧往来将必压况新堰成而峻峙其上彼畧约者旁立下流以受万鹄日夕舂撞之厄且有曳曳于牵江色者争如簇也是则假以利涉反以病涉矣公闻蹙额稍间曰四履申画不敢一日怠肆百堵励翼慙使一物失所于是谋易以石且惧鳩工之办于拾沈也能母贾赢器乎时乃就郡给公帑米若干楮若干母或勾夺又惧驚行之添以长廩也迪惟董振择之时乃就邑咨善士王君与可莫防惟其陈修二人皆能体公意以经之营之证市价来羣材拓基址致板榦鼓輦运精砮错饫猴口抚劳勩于是歲十一月徒杠成十二月輿梁成矣不止此也邑之陆行入闔都者其道必由王家店桥寢趋于老咸与维新万目盱衡詫两虹对饮大川之壖厥攸作人见其功之就而不震于虑始人见其乘之安而不知其烦我此公意谕色授所及也二人又能推公意以衍而伸之护新堰之步以亢涛浪平新堰之溜以缓奔防辟新堰之驿以待潮汐凡可易撼撼而使踏实地争先致佐助而罔有吝封此公以所感为所应也忽夜观天象台躔逼新堰越翼日亭午果有报公一舸按视不以夹道疾驰骇民而絶供亿于不及不以高牙大纛临民而通穉耄于纵观符采攸烛山川生辉有桥落成无此炳耀邑之人乃言曰野水无人渡孤舟尽日横何如公之寓政于桥欤叔子独千载名与防江流何如公之寓目于桥欤况因桥有驿立名庆丰亲洒钧翰高揭户顔此又公不特以人者利民而直欲以天者利民愿为之记锡孙曰我大丞相之敛惠此邦苟利于民知无不为大莫大于津梁有众高桥其一也袁公可斋尝书而刻诸石广利桥之役虽什一于高桥然无小不举者乃无大不周也保厘东郊而先嘉其克勤

小物此三代相业公独得之岂以大小计哉其间如吴洞桥之整以崇低垂管山河之开以导壅底茅砧硿之治以通提阕黄泥埭之筑以砥横溃蜀山铺之置以靖萑苻此公以舟楫四海者而泽一邑也六龙渡江海若啥呀以壮形势谋臣防士献议设险于向头者不知几人且几年矣朝廷未皇公来严备列寨骋望溟渤尽在目中虽一飞鸟不能遗此公以谨固一邑者而康四海也广利一桥云乎哉虽然易言利涉大川十有四而以未济终焉未济之濡而言利涉此易之为道也公以利涉建桥而以广利名桥不言所利大矣哉此公之为易也猗欤寶祐六年七月初吉朝奉郎桂锡孙记朝奉郎新通判平江军府兼管内劝农事孙困书朝请大夫新知瑞州军州事兼管内劝农营田事程士龙篆盖通直郎知庆元府慈谿县主管劝农公事兼主管鸣鹤盐场兼弓手寨兵军正周栋立石

灵应庙

灵应庙鄞人鲍君祠也君生于汉歿而为神梁武帝时贼号奴抄者掠及境神夺其魄贼如醉卒擒之由是名益着至本朝累封至八字曰忠嘉神圣惠济广灵王今雨暘祷必应民有疾苦急难则呼吁之歉歲贵籩神能在海中招客舟使之来功在鄞不可殫纪大使丞相判是邦也剖决曲直尝提一笔以祝曰此心惟鲍君知我盖质诸鬼神而无疑者庙自嘉定再建规模苟就而偶像犹未备庙史有以门之左右神马及侍从执事请者公即为补其阙且择画史之精者图王之出处事迹于殿壁若仪从若兵马又绘于门之内外焉以至廊之屏蔽门之丹雘显设藩饰粲然毕备始于寶祐六年之二月毕于开庆元年之六月凡费钱一万六千余緡公盖因民之敬以敬神非私以徼福也

大人堂

大人堂旧在射亭西偏仄开庆元年正月徙出九经堂从西向爽垲洁肃邦人祷祈便之大人者俗呼阍相公今幡幢所题皆曰中书令阍相公可验也旧志直指为钱亿祠实取高阅记续志推以为阍燔因考题名五代末阍燔钱亿相继守郡阍姓似有证今姑两存之

青莲阁

青莲阁在郡治东白衣广仁教院为圓通大士道场阁始建于政和间距今歲月老矣大使丞相雨暘祷于大士如响斯答既给钱餐贍其众闻院僧师文者将再建阁又捐金助之寶祐四年冬鳩工迄六年十月凡费二十七万余緡

瓊富亭

都税务旧有亭在东渡门外商旅出于其涂则官若吏即是而讥征焉亭歲久不存寶祐五年四月大使丞相命税官重建并甃石道头一所费万緡有奇亭名瓊富盖取孙兴公天台赋以表山海之利云

知津驿支钱八千六百九十四贯四百六十文米九石六斗

庆丰驿支钱二千贯文

广利桥王家桥共支钱八千四百贯文米四十石慈谿新路支钱二十七万七千九百二十贯文西塘路支钱四十四万八千六百三十贯文

逸老堂支钱一万八千八百一十九贯九百文米九十七石一斗八升八合

时亭支钱一万二千八百九十五贯二十五文米二十石二斗五升八合绢一匹酒一十瓶

高桥支钱一十五万八千贯文米二百石

高桥寺支钱一十万八千八百六十二贯文米二百九十七石八斗二升

循王庙支钱一万五千八百七十八贯文

天童寺

灵应庙支钱一万六千贯文

大人堂支钱五千九百七十九贯二百文米一十九石三斗一升

青莲阁支钱二十七万贯文

瓌富亭

惠民药局

圣天子以天地曰生之德访民疾苦寶祐五年冬十一月御批申饬军民五事官药局其一也令台阁严督所部恪共奉行剂料必真修合必精使民被实惠仍揭黄榜于诸州军大哉王言民其有瘳乎大使丞相吴公吾胞吾与之心与上符契只若明命匪懈益防惟鄞有局寶庆三年所创也在郡圃射堞西地逼隘匪便且药工出入旃轅不肃歲久屋尤老亟谋爽垲而更之先是犒赏库有楼曰海晏为屋凡十余楹后改为参议官舍高明阌室居者弃焉公谓是寬闲者可以济吾用矣乃即楼而局上以处熟剂成料而梅润不及物帑作局昉列其下众工盘礴者得其所前则增门屋三后则增翼屋五浚汲清之地新煅丹之鼎焙室烹釜莫不毕备井井规模于是非前日比若夫遴监临之选严修整之防品剂既真市者旁午若郡若邑若军凡增置子铺一十四所歲春夏数施药饵无间城内外君相济众之仁博矣因附錄其目如左

药货钱会本息

截止开庆元年四月终管在钱药共计四十四万七千一百三十九贯一百一十一文

【比创时增四十三万三千一百三十九贯一百一十一文
比本任交割时增二万五千九百八十九贯八百九十七文】

子局

府前班春亭都局【以后四铺系本局差人前去 卖】

日报卖钱一千贯或八百贯

上马亭铺

日报卖钱九十贯或八十贯

南门里大庙前铺

日报卖钱四十贯或三十贯

及瓜亭铺

日报膏钱六十贯或四十贯

灵桥门铺【以后照例赍钱到铺取赎以加一五分饶润】

月取一千贯或一月半一千贯

江东门外铺

月取二千贯

慈溪县铺

或一月取五百贯或两月取五百贯

东步铺

或两月取五百贯或三月取五百贯

奉化县铺

或一月取一千贯或五十日取一千贯

昌国县铺

或一月取七百贯或两月取七百贯

象山县铺

或一月取三百贯或一月半取三百贯

余姚县铺

或一月取八百贯或两月取一千贯

上虞县铺

或两月取五百贯

东门水军

或一月取一千贯或取二千贯

每歲散药

寶祐五年

散药三千八百三十五贴

寶祐六年

【缺】

开庆元年

散药二千四百九十三贴

四明续志卷三

水利

郡计莫难于鄞水利尤莫急于鄞盖他郡苗米多拨解总所鄞独留以贍定海水军总所者遇歉歲蠲减可母解惟本府自催自给民赋可蠲而军饷不可阙歲祲则官病而民亦病必常稔而后可能然郡阻山控海山之滄海之咸潮时之旱干皆能害稼故资水以为利者于鄞尤急大使丞相吴公治鄞三年寤寐民事凡碶闸堰埭某所当创某所当修某所当移见于钩笔批判者皆若身履目击每一令下民未尝不感公博济之仁服公周知之智也郑白召杜不足数矣公又于郡城平桥南立水则书平字于石视字之出没为启闭开庆夏久雨公委官徧启诸闸决隄泄水禾勃然兴至是民益德之

平桥水则记【开庆元年春三月戊辰】

四明郡阻山控海海派于江其勢卑山達于湖其勢高水自高而卑复纳于海则田无所乎灌注于是限以碶闸水溢则启涸则闭是故碶闸者四明水利之命脉而时其启闭者四明碶闸之精神异时加意于碶者至今犹有遗论此未暇问也而考其为启闭之则曰平水尺往往以入水三尺为平夫地形在水之下者不能皆平水面在地之上者未尝不平执三尺以平水嗟乎异哉余三年积劳于诸碶至洪水湾一役大畧尽矣己未劬农翠山自林村繇西门泛舟以归暇日又自月湖沿竹洲舫城南徧度水勢其平于田塍下者刻篙志之归而验诸平桥下伐石為準榜曰水则而大书平字于下方暴雨急涨水没平字戒吏卒请于郡亟啓钥若四泽适均水露平字钥如故平桥距郡治巷语可达也都鄙旱涝之宜求其平于此而已矣余数祈归老行且得请然于此郡之丰歉不能忘故置水则于平桥下而以平字為準之后之来者勿替兹哉

洪水湾

它山堰唐太和中鄞令王元暉所创也溪流 四明山而入于江潮逆上鹵不可灌限以石堰上溪下江溪流入河分注鄞西七乡贯于城之日月湖以饮以溉利民博矣然越里余至洪水湾河流罅而外泄江潮溢而内攻溪江合湾之左右漫为壑而它山之水始不得东注民久病之淳祐间尝立石塘以障已而水穴其傍隄溃如昔大使丞相吴公一日出钩批谓境内碶闸河道措置畧徧惟它山洪水湾岸圯水泄关繫匪轻委官下都保议于是即其地为埧三一濒江以御狂澜一濒河以防罅漏一则介其间为表里之拓金谓江之东南有何氏竹木园当水之冲激其势而北欲撤其蔽而疏通之官为给钱市其业浚地为江因畚沙以实二埧之北河隄坚密江水安流矣异时挟日不雨城内外涸可立待今春夏所至演迤谓非埧之力可乎役始于寶祐六年十二月十三日毕于开庆元年二月十五日凡为费二万一千六百贯有奇监造都吏王松正将郑琼蒞其事者鄞县簿李言似

买何仪曾园地三十二亩一角二十六步

【内一契何津之买赵念一省元地一片计二十三亩二角四十九步价钱六十贯足内一契林千十一娘男何津买葛子升户下千十地八亩二角三十七步价钱三十贯文九十八陌钱防各半共细计一千三百四十贯四百五十五文】

木椿一千五百口计钱一万五百贯

搭脑八十条计钱一千六百贯

篠二百把计钱三百贯

下桩搭脑七百九十工计钱二千六百七十五贯监官人从口券二千八百八十贯

监官主簿特送三百贯

正将郑琼都吏王松犒二千贯酒二十瓶

茅针碶【一名茅洲一名茅砧】

茅针碶在慈溪县德门乡沾其利者凡鄞慈定三邑水源有二一自慈溪小江一自余姚分水先是碶西五里外有赵氏地横截其前分水江之流不得通寶祐五年大使丞相吴公市其地浚为管山河于是西江二百余里之水悉汇于碶之上碶旧有闸启闭以时闸废更为堰水源中隔而水之利又不得达于碶之下乡民列辞于郡亟遣吏相度遂于旧闸基之傍别为新闻凡濶三丈四尺立五柱分四眼眼阔七尺六寸视旧增九尺臂石二十层凡费钱四万二千七百一十七贯米二百一十三石工始于八月二十七日毕于十二月五日役成而民不知提督司法赵良坦监造都吏王松将校林枝竣事特犒王松一千贯林枝五百贯

续据王松申碶子周亚七虽年老风病尚能言及源流始末称此碶自乾道年间前政判府赵阁学以每亩均钱六十文足委慈溪乡官率亩头钱买办物料欲援旧比以行当準钩判本府既为民间办此一事钱不须科之都保本府一切自办以了一方悠久无穷之利工役之人不若只用军兵增支钱一贯五百文米三升庶可铃束

练木碶【一作槌木】

鄞塘乡之田多濱江畎浚惟江流是仰练木碶东接它山南通大江歲久碶壞乡民尝亩率斗谷简蕝为坝迄弗及碶寶祐五年六月民户闾词乞谕里中王其姓者倡斯役大使丞相吴公遂下之水利官劝谕首以千券十斛助费已而乡民见义不勇讼牒纷如助者仅五千余緡力绵而役大委之民曷溃于成公乃一力捐金谷为之以明年正月二十八日经始碶当江湖之冲虑其损碶臂也增新碶为四眼杀其势阅三月而碶成凡给钱四万四千六百二十八贯九百文米一百六十八石五斗四升力役于伍籍费取于公帑民无毫髮扰持羊酒以劳役夫者

日络绎于道也

黄泥埭

埭在慈溪县鸣鹤乡与越之余姚上林诸乡邻濠则上林诸水注而成壑有埭所以泄水于海也然决易而塞难乡人欲立石闸以便启闭率以费钜辍浙东提举季镛捐二千緡助乡民为之涉歲弗绩寶祐五年秋大使丞相吴公委县丞罗镇竟其役丞欲援例计亩敷于民钧判一堰所费不知几何若科亩头钱必因而骚扰送县丞限一日具所费申及申到数目特拨助五千贯仍趣歲前毕工不许科之下户兹闻迁延数年一旦办集成终之功大矣

新堰

慈溪县之东德门乡有新堰捍江潮而护河流者也堰以圯告寶祐五年八月大使丞相吴公给钱下县鼎新修筑輦石以甃江岸二十余丈堰下水步一所址益丰而隄益壮水自此东達慈溪定海两邑之田无斥卤浸淫之害风帆浪楫往来上下者胥利焉合桥亭江道头之费共为钱二万三千六百一十贯八百文米一百一十三硕四斗桥亭见于别目所谓江道头者在堰之东异时堰无道头行者步齧而堰溃于穴今重甃以石而堰复借道头以完固盖两便之

西渡堰

堰东距望京门二十里西入慈溪江舳舻相衔上下堰无虚日盖明越往来者必经由之地淳祐间稍加葺治未几堰复壞寶祐六年八月大使丞相吴公给钱五千七百三十九贯五百文委司法赵良坦同副吏许枢监蒞修筑伐石輦材费一出于公所济博矣

北津堰

北津堰旧图经曰北清在鄞县西北二里堰多歷年所外受江潮之冲木者朽而石者頽上之穹然高者今洼然下矣秋潦至则卤灌于河农以为惧舟楫之往来者亦病之寶祐六年二月大使丞相吴公命司法赵良坦同副吏许枢相视兴工因其旧而增高焉内分两傍各甃砌堰臂七层鼎新造车屋四间又堰之东有小径由郑公渡之江北可达定海澥浦里溪文溪等处崎岖不便于行輦石并修治之遂为坦途盖一举而兼水陆之利云凡为费一万五百四十一贯文

林家堰

鄞县东五里手界乡曰林家堰者十余年间补苴罅漏不足以为江湖之蔽障每巨涛澎湃则斥卤浸淫积潦久之则又渗漏于外不独为民田害抑亦不利于舟楫先是提举常平尝捐三千券下之邑俾议修筑官若吏惮费伙弗只服厥事大使丞相吴公因民之请更以石为之

培其高濬其深視旧址舒以长添甃石壩修盖车屋补筑土塘自是民田有灌溉之益舟楫无险阻之虞里之任役者亦免歲时修治筑塞之劳以寶祐五年十二月给钱三万四千一十七贯七百文命司法赵良坦都吏王松监视【缺】年【缺】毕工

黄家堰

黄家堰在慈溪县德门西屿先是本府浚青林河乡民有请以为河在堰头淘浚深广至徐家港接顏公渠并新浚监堰河里溪横港及定海鸬鹚泮浦香山杜郭德门西屿茅针闸周围三四百里脉络贯通请以顏家堰南岸置堰庶几不候潮汛径取城西北两门而往来免风涛盗贼之虞既而夷考此地元名黄家旧堰司法赵良坦亲蒞其事广谘众议遂于旧堰兴筑与里溪堰相对峙北郭西门通济无碍势若曹娥梁湖往来便之董役者正将郑琼僧祖伦吏王松始寶祐五年冬十二月不一月竣事费止二千緡利博矣

支浦闸

开庆元年五月二十六日大使丞相钧判近日雨水过多低田可虑内慈溪县已差统领吴雄前去开放倪家刁家两堰通泄积水因访利病本县惟东乡一带和尚庄清水湖赵家洋顏家庄等处两堰之利不若建闸一所惟支浦最为利便可差林枝前往抱子闸移拆无用旧闸前去支浦江岸创砌闸一座庶防东乡阔远田地永无水患之虞仍委权县提督务在速办既而因公劄之请复委司法躬亲契勘的实利病既得其详则以七月十一日兴工里人沈国谕乐助米三十石陆日宣乐助五千贯公虽不之拒然谓当使抵郡以来凡为民间兴利之事皆系本府自办钱米今除此二项外不可更类科配以失自来善意若尚阙用更当添拨闸分三眼址坚势固一方自此防利凡费钱一万五千六百贯米六十石

江东道头

灵桥门之东大江横截于是造舟为梁民赖以济卒遇大风两舟壞则往来病涉不得已于其侧撑舟以渡行者走泥淖中褰裳就舟则沾体涂足尤匪便大使丞相一日出钩防命裨校于东西岸寘木叠石立两道头以便絕江登舟者因扁曰济川焉浮梁以济舟楫之所不及渡头又以济浮梁之所不及万口诵之

永丰碶

它山林村之水南来数十里而入郡郭萦纡圉环由西北隅出而始注诸江霖潦泄弗及城西徧及冒没淳祐间立保丰碶俾由城西径入江当时诧以为水利之大者然人力不至闸不过两眼广不过丈余隘而溢始益病开庆元年夏大使丞相爰究爰度得水势迳直之地于其右创为永丰碶五柱四门阔三丈六尺深四尺余坚密雄伟虽湍流至此亦不见其为搏跃也役成民始知公之规模迥异矣凡费钱四万七千九百一十六贯米一百三十七石四斗

开庆碶

碶旧名鹄巢在鄞县手界乡镇甲旧志所书已废为田开庆元年夏大使丞相兴水利者徧乎四境因思是碶滨江不复则曷其福江以东之民乃拨钱四万五千八百贯米一百二十四石委官创为之既成河流不复渗海潮不复入矣遂名曰开庆碶公之命是名也意盖不止斯役而已东钱湖八十里而菱葑半塞焉寶庆间史卫王当国以僧牒米斛助浚之人服王之不私豪右也今不浚者又三十年公方将有事于东方则斯役特其发轫耳因并及公之心云

郑家堰

郑家堰即俗呼郑十八郎堰是也在城南半里江行欲入河者舟必自堰而上或由甬水门入城或道城西南诸乡皆喉襟乎此壤久无葺之者公命统领吴雄督工重造桩石支役之费为钱二万五千緡米一百石皆成于开庆改元之七月六日

管山河

大江由丈亭分 四十五里至慈溪之夹田桥桥南五里民田阻之江流不得直达乃迂出其旁旱歲无沾溉利潦则泛滥墟落苦之寶祐五年七月大使丞相以钱一千五百三十一贯四百一十五文市民田垦河五里长七百丈有奇阔三丈六尺深一丈六尺凡支军兵日券六千四百九十贯水由是達茅针碶鄞慈定三邑皆防利焉

诸县浚河

大使丞相寶祐五年冬以水利局命法曹掾赵良坦董其事是歲诸邑淤河浅港悉浚深之昔之涸可待者今维水泱泱矣因条于左

慈溪县德门乡

四都自李溪横港取马径港二千七十丈

五都自监河取朴木庙八百八十丈

自寶庆寺后至张家港六百五十丈

自李溪闸河五百二十丈

六都自徐家港取监桥河一千四百八十丈自徐家港取青林大河取顏家堰河二千六百一十丈

自徐洋闸至 浦顏家堰河三千一百丈

慈溪县西屿乡

七都自东河下南堰至王家漕五百四十丈八都自斗门河五百丈

定海县清泉乡

四都邢家港三百五十丈

周家港至半练村河三百七十八丈

倪家港二百一十丈

华家港一百四十丈

杜礼港五百八丈

楼下港三百二十丈

上河港二百五十丈

徐家港二百五十丈

夏家港二百五十丈

李家庄港三百三十丈

中河新港一千三百八十五丈

蒋家□港二百九十一丈

周家港一百八十三丈

程家港二百五十丈

短凳港二百八十丈

黄剡港二百二十二丈

虞家港四百五丈

三石桥后港五百五十丈

曾家港七百四十八丈

陆家港二百二十丈

傅家港一百九十丈

鸬鹚港二百五十丈

赵家港三百丈

桂思桥港二百五十丈

五都半练村港五百五十八丈

沈堰北村一千九百三十八丈

沈堰南村一千一百八十五丈

古塘北村一千八百九十八丈

古塘南村一千三百五十丈

感孝村八百二丈

压塞东村一千七十九丈五尺

压塞西村七百五十八丈

漏兴村一千四十二丈

定海县灵岩乡

一都自育王岭至石湫顶耳桥一千八百六十丈二都自石湫市至□浦碶一千一十二丈

自水径头取方家桥二千五十丈

定海县太丘乡

一都自十字港桥至黄山头六百五十丈

垞埭堰河八十丈

二都自黄公漕至清水桥一千四百一十丈三都自下河杨木桥堰至施店一千八百丈

自上河杨木桥堰至寶云庙三千丈

双河堰

双河旧有碶匣在慈溪之鸣鹤与越之余姚上林乡接境上林居西而地势高鸣鹤居东而地势下久雨上林之水东注邻壤为壑置闸以限之然舟行则闸启而水之患如故近岁乡人曹氏于闸之左为双河堰以便车船意亦善矣而舍堰而趋闸者则不可遏也乡人病之开庆元年五月请于郡大使丞相委制干赵若防泄其事俾塞双河闸为实地给钱一千贯于双河堰之傍立屋两间四挟择巨木为车柱埋石备防悉如诸大堰之制已塞闸基之上则为屋三间以处堰丁曹进士且措置拨租余五十石以供打造索缆之费焉规模一定自此永无浸冒之祸矣

四明续志卷四

兴复省并酒库

周官设酒正掌酒之政令以式灋授酒材逮汉则令官作酒以二千五百石为一均率开一卢以卖防酤之利国实頼焉鄞为郡瘠赋之入者约费之出者广于是操其赢以济其乏酤之頼维多甚非其得已也城内外诸县库务坊场曰酤酒东库曰香泉八库曰江东慈福库曰下庄务则旧管者也曰酤酒西库曰江东贍军库曰鲇崎库曰东门库曰寶溪子库则大使丞相吴公新创者也曰林村库曰小溪子库则昔败阙而今兴复者也曰省务曰犒赏库曰江东库则又今废罢者也或官给本钱或听民抱息或官吏监临或军将措置或兼令外库管绍趣办或以所废库本钱并归他库拘解日额凡皆酌地里均计公私之便究兴废之宜以为分合酌重轻之则以课盈亏公之处此鉴焉其明衡焉其平官有所埤益而民亦安之外有五乡碶奉化慈溪象山江口南渡东溪东吴大小榭郭宅澥浦松林翁山大嵩等务场 经总制司具在别目

酤酒库

【元管东库一所本钱三十万贯年收息钱献钱缸头钱四十九万六千一百七十七贯五百六十文会一万二千八百七十二贯八百五十六文省寶祐四年十月并省务公使库犒赏库为一库添创西库以补公库之亏令给本二十万贯作东西库分抱息钱年收九十四万九千二百七十九贯一十四文防一万二千八百七十二贯八百五十六文省东库职级李栴西库楼址措置管干比旧额增收息钱四十五万三千一百二十一贯四百五十四文十七界】

【冷月以四月至八月终除小尽三日东西库各日发一千一百六十贯五百六十八文防一十八贯一百八十二文省】

犒赏库

【寶祐四年十月仕既以海晏楼日额本钱四万一千五百八十贯文拨付酤库趣办日拘息钱六十六贯纳犒赏钱库六年拘回元本零钱一千五百八十贯净本四万贯拨归庆元府理为实椿日纳息钱改赴公使库交收】

城外香泉库

【元管八库本钱五万贯文年收息钱缸头钱贴买瓶钱五十一万三千七百六十七贯四百八十文防一万四千九百四十二贯三百四十文省寶祐四年十一月以数内江东一库改为贍军库收上元本一万贯今七库本止存四万贯年收息四十四万六千六百六十五贯八百文防一万九百二贯一百八十八文省土产户陈晖等七名分抱】

【旺月以九月至三月终除小尽三日日发一千三百五十五贯二百文防三十三贯六百二十二文省】

【冷月以四月至八月终除小尽三日日发一千一百三十贯二百文防其省钱如旺月之数】

江东慈福库

【元系香泉子库不给官本年收入息钱一万八千一百四十八贯三百八十文防日发五十一贯二百七十文防除小尽六日内九千四百三十九贯九百八十文系夏子仁柳成之抱认余八千七百八贯四百文香泉七库贴纳】

江东赡军库

【见坐本钱八万贯文年拘息钱缸头钱贴买瓶钱一十五万八千八百三十九贯六百八十文防三千四十贯一百五十二文省提督官统领吴雄措置正将郑琼机察副将童寅】

【旺月以九月至三月终除小尽三日日发四百八十一贯九百二十文防八贯五百八十八文省冷月以四月至八月终除小尽三日日发四百一贯九百二十一文防其省钱如旺月之数】

定海县乌崎头库

【寶祐五年七月据吴猷卿乞不支官本管抱息钱年纳一千贯文会】

林村库

【寶祐五年二月给本钱二万贯文日拘息钱二百七十贯文会续减为一百五十贯再减为一百三十贯四百六十文岁纳四万五千四百贯八十文会每月合解拍户版帐钱一千一十二贯七百八十九文会于内分拨经总制司一百四十一贯四百八十文余本司二十六贯七百二十四文常平司九十二贯七百四十八文庆元府一千七百五十一贯八百三文】

寶溪子库

【寶祐五年十月据黄迪功澄乞抱纳日息钱六十贯文会六年别召募厉进之管绍趣办借本钱一万贯文会岁抱息二万一千二百四十贯文】

小溪子库

【寶祐六年正月据黄迪功澄乞抱纳月息钱四百八十四贯三百五十文会官不给本钱岁纳五千八百一十二贯二百文会】

奉化县鮑埼库

【寶祐四年十一月契勘到有无败阙因依据监鮑埼镇权巡检薛迪功申元纳通判东防常平余本司月息钱会三十贯四十五文庆元府钱会二十五贯一百七十文遂具申朝廷差黄澄迪功监鮑埼库将已废罢省务铜朱记一颗发下库收管给本钱四万贯置买库基屋宇又一万贯余麦纳欠八千贯日拘本府息钱五百贯六年十二月黄迪功再借三万贯往平江府收余米麦防委制司准使张鏐前去防检就行提督仍关三万贯前去措置却行拘回黄迪功元关钱拘上胡珙王继善文拈监纳元亏息钱三万四千贯续据黄迪功解纳一万四千六十贯少欠四万八千贯文其张鏐界内自十二月以后日拘息钱每半月一次解发七千五百贯文防】

东门库

【寶祐四年十一月先拨本钱一十万贯文差部吏王垚将校翁禧措置年拘息钱十八万丑年二月市户李珏张从龙乞照王垚倒开抱以息钱对拨支散水军十月水军申本库两旬无发到钱数遂委本军交并酒库就行任责措置十二月本军申乞止存留本钱五万贯自六年正月始不以冷旺月月纳息钱一万贯细作见钱五百五十贯足抵充军券续监张从龙李珏回纳一半本钱五万贯销落实桩之数六年五月郑迪功增岁额为一十三万开庆元年正月郑迪功又乞量减日息遂成年通减五千贯实管年额一十二万五千贯三月管率僧了生与水军统领连忠交争仍拨付军中抱认开酤所存官本年拘息钱并如旧】

下庄务

【旧例每年于在城都税院定海税 大嵩等盐 各差合十人充本务专知趣办官课开庆元年二月据大嵩等盐场申乞免差人充重难岁抱七万二千贯文作四季解发内以六万四千三百九十五贯约桩公使库一年专知合赔贴之数三千一百三贯于经总制司令项酒息内添拨八千六百贯桩作本务合解诸司钱及攘两税务贴助三万五千贯以一万五千贯发下广惠院二万贯公使库收附】

经总制司

范蜀公尝言密院主兵三司主财则有各不相知之弊至和间遂请密院三司通知兵财制为国用盖欲兵财脉络贯通也上而朝廷次而制阃同一理耳军饷之权容可贰乎沿海新旧水军凡六千人若衣若粮皆给于府独券钱府给二千人余四千则通判东防以经总制司钱给之岁久而弊倖防官若吏间以饷军之钱资泛用丰私橐而军额率亏数苟且循习非一日吁兵统于制阃而财给于郡佐事权不一宜其弊至此也大使丞相吴公熟钱谷甲兵之问于庙

堂久矣寶祐四年来开大閩报政之五月数军实攷货源亟请于朝以经总制司归之制府自催自给且得防创大使司物斛官一员拘确之理顺势便故招刺皆骁勇而尺籍不至空虚给饷易办集而朝廷不烦科降今以未拨归制司以前攷之宝祐四年十月分月帮水军官兵券三千三百六十五人钱会组计十七界一十六万一千六百四十文米计二千八百六十五石三斗一升自拨归制肘后开庆元年四月分月帮军兵券三千八百六十五人钱计十七界一十七万七千八百八十一贯五百七文米计三千三百七十六石九斗五升二合五勺以今比昔则添刺军兵五百人一岁增帮钱二十一万四千三百八十三贯四百文增帮米六千一百三十九石七斗一升及添造五百人七事军装通支钱一万二千一百八十四贯六百二十文军政修明兵食充裕成效昭然视在倅防时大有间矣申请次第及修复经总制坊场条列于左

省割

宝祐四年十二月二十八日准省割备据沿海制置大使司状照对本司近曾具申朝廷乞将庆元府通判防给遣定海水军四千人窠名钱物拨归本府就行拘催并饷新旧两军恭准省割坐下照得通判防有起解农寺与夫诸府俸料并主管官茶汤钱及其它公费皆仰于此今若尽归本府亦合先与区处使解发者有所指拟仰给者不至乏絕庶几乎允否则通判自此别无职事而防分可废矣此其为通判之虑甚悉然事体实有委折只得详细禀控盖本防之供饷水军不过经总制司縁倅防权轻诸县多有拖欠其间又有簠簋不饰之人虚支妄用有若泥沙所以旧军四千人系通判防之所给饷者额常阙数百人本司虽欲尽行招刺亦忧恐倅防事力不给或至它虞故亦不敢放手今连准密割措置海道招刺阙额今四千人额将阙千人矣本府何幸可省千人之月米然非所以为公家计也所以欲得将通判防给饷水军钱物径从本府拘催庶几钱钱字字皆有着落而千人阙额亦可填补此区区申请之本防也若曰诸府使臣俸料岁不过二三千緡旧例所在本府自应接续帮支无縁复以强之倅防若又曰通判防别无职事则却非所虑盖通判防除经总制司之外其所管者又有常平司则所催者坊场河渡正名钱五分及六县役钱以奉内藏库左藏库等处之经常者也又有余本司则催诸县酒税分 钱及坊店户四分钱而奉农寺之经常者也既有窠名则有催理其职未尝废也况给遣之钱除经总制司合收之数又多系本府应副贴助则归之本府自催自给似合事宜兼潜忝以旧弼旬宣通判固在按察之内而财赋支遣多与本府相关自从制司拘上催理在通判防亦所不靳縁潜尝服韩魏公之言曰琦昔为宰臣惟有奉行朝廷命令每事禀命朝廷故虽此细故亦必申闻朝廷取指挥者正前修之遗意亦将以为今日诸道岳牧之倡也然可否忧不敢自必但若以体统而言水军六千人衣取给于本府米取给于本府内二千人券钱亦取给于本府独四千人券钱取给于倅防于理势自是不顺欲望朝廷更赐详酌施行伏候指挥奉圣防依石割送庆元府本司将拘到钱每年起发降本钱三万四千四百贯文十八界见作六纲起解赴行在省仓和余场交纳及起发六文煮酒钱四千五百贯文十八界作一纲起发赴行在封桩下库交纳外及每月中下两旬支散沿海制置大使司水军官兵券食等钱及诸府第香火官亲兵衣料钱次年攢具总收支细帐申省部摆算理豁续寶祐五年十二月空日准尚书省割子节文沿海制置大使司申云云今本司见搜补卒乘招填定海积年阙额水军所急者钱粮拟照沿江诸閩例创置物斛官一员小贴子潜又照对定海水军为

额六千人旧例四千人系通判经总制司给饷二千人系庆元府给饷縁通判防专以饷军之钱为非泛之用其贪者则卷为囊橐大约通判一任入己之钱不下三四十万緡因此四千人军额常阙数百人上下防蔽所谓制臣亦未尝过而问焉天下之弊其可为哀痛类此久知此蠹去冬即具申朝廷乞将通判防经总制一司钱物就本司自行拘确招填阙额近已收刺将及四百人皆沿海亡命之徒人人拳勇可用给等下钱百千七事件衣装一副每副该三十贯五十五文一卒之费共一百三十贯五十五文皆取之于经总制一司上不费朝廷科降下不费州郡那移虽月粮及春冬衣赐取之庆元府本府所不敢靳然经总制司钱物尚有赢余可以通融补助月粮衣赐之费但通判防官吏昔奢今俭昔污今清未免仇视本司今来本司所以乞照沿江诸阃例创置物斛官一员者正欲专一招确上项钱物永为定海一军随阙随拘之用其于海道防拓关系非小欲望朝廷再赐割下本司永为遵守其庆元府及通判防更不许干预实为悠久利便并乞照防十二月十九日奉圣防并特依一每年申省部出豁高额钱

朝省以绍兴二十九年为额岁拘四十一万贯以后止趣到二十三万有奇递年以省部印下书填收支季帐及户部截拨收支旁帖具申出豁

一诸县窠名

鄞县

户长役钱夏秋两料每料九千四百四十三贯六百八十二文钱会

小溪酒坊生煮酒钱年管一千五百一十二贯五百四文钱会

一半元系本坊解发寶祐六年正月鮑崎酒务申请作子店年解七千四十一贯六百文十七界

一半系建岙坊店户送纳

林村酒务旧额月取六十贯钱会今月拨一百四十一贯四百八十文十七界

下庄酒务年管四百五十五贯七百元钱会元系财赋司拘纳今拨归经总制司却于诸项酒息钱内年拨八千六百贯文十七界

本县丰乐乡头子钱夏秋两料各一十四贯一百四十四文

丞防武康乡头子钱夏秋两料各一十六贯九百一十三文钱会

簿防武康乡头子钱夏秋两料各七贯五百六十文

尉司手界乡头子钱年管三百六十贯钱会

奉化县

丞防户长免役钱共管七千八百六十七贯四十文钱防

税场钱年管四百三十四贯二百二十八文钱防月分解发不等

慈溪县

本县户长钱四千八百贯文钱防

税场钱年管七百二十贯文钱防

象山县

簿防户长免役钱年管二千一百七十一贯三百二十八文钱防

酒务

生酒钱三百一十贯一百四十文钱防煮酒钱二百七十五贯三百四十六文钱防

昌国县

本县省司钱年管一百二十二贯三百四十文钱会

丞防

户长钱年管一百三十一贯四百六十四文钱防

免役钱年管七百七十二贯八百二十四文钱防

定海县

本县房廊钱月取一百二十文

林村六分钱月取九百二十文

丞防户长钱二千三百五十七贯九百一十四文

税场钱年管一万三千七十七贯六百二十四文钱防

一诸县合发本司随母头子钱各照则例随解发多寡计算在府仓库每月分拨钱亦同

一每年本府科拨钱

生酒钱一万六千一百六十九贯五百六十二文十八界

煮酒钱一万三千二百贯文十八界

省务本色煮酒三千三百九十五瓶各三升照时价计钱二千七百一十六贯五百四十文十八界助军钱三万贯文十七界

市舶务对兑钱【旧支军券多阙见钱市舶务高丽日本及蕃南贩舶遇抽解拘到一半五分见钱内许本司将十八界防子对兑见钱五分之二系用一贯新会兑一贯见钱凑散军券自经总制司拨归制司未曾对兑奉钧判照旧例对兑一半】

一每年令顷科截绢右千二百疋绵一万三百五两四钱转变价钱凑发纲运军券支遣

鄞县绢一千五百疋绵一千四百两

定海县绢九百疋绵七百五两四钱

昌国县绢一千八百疋绵五千二百两

慈溪县绢七百疋绵五百两

奉化县绢一千三百疋绵二千五百两

象山县不曾科

兴复经总制诸酒务坊场【渡附】

一奉化酒务元系本府给米麴本于内岁解经总制司额钱后改为万户径取净息生煮酒年取二千三百贯有奇寶祐六年六月以白劄子陈请酒司与行头均敷酒息重为民扰乞仍旧贯立官务遂给八千贯起造务屋仍拨本钱四万贯并造麴用夫工饭米三十石兴复措置每月发钱二百三十贯九百八十文十八界

一慈溪酒务元系本府给本于内岁解经总制司生煮酒额钱二千二百贯有奇嘉熙间风水

之变务屋頽毁遂令拍户抱卖取净息久而私酤行额失其半拍户屡词乞复旧务遂重建务屋给本九千贯十八界自淳祐五年九月为始月取息二百一十六贯六百八十文十八界

一象山酒务寶祐五年三月据象山知县劄子乞本府差官措置本县酒政遂拨钱二万贯委官下县措置全年息钱七万贯候解到年拨二万贯下广惠院一翁山酒坊管下子坊一十五所元系民户抱纳通判东防额钱嘉熙四年因府第攘夺白泉子坊遂改坊为万户任从民间醞造却将额钱摊抑一县有物力之家续额钱无归民户被害遂有坊场改万户贫富齐受苦之謡词讼纷纷制司曾申户部久而未复宝祐四年沈修武等曾进状乞抱坊备本酤卖续又经制府陈乞借本兴复年纳净息三十万贯防大使丞相吴公申省照应仍于经总制司借拨十万贯其所抱三十万贯与减六万贯分作十二个月起解五年四月申省奉圣防特依续将收到息钱每年支拨下郡库充养士厨食钱水军制领将佐供给钱新创诸屯水军及出海巡遑探望把港军士生券本府六局衙番盐菜钱数见砂岸奏劄

翁山坊月纳三千一百二十四贯七百三十六文翁浦坊月纳五百三十二贯五百一十二文黄公坊月纳一百七十七贯五百四文

厉岙坊月纳七百一十贯一十六文

岑江坊月纳一千六十五贯二十四文

大芦坊月纳七百一十贯一十六文

册子坊月纳二百六十六贯二百五十六文北界坊月纳一千一百五十三贯七百七十六文昆斗坊月纳一百七十七贯五百四文

岱山坊月纳六百二十一贯二百六十四文白泉坊月纳三百一十贯六百三十二文

马秦坊月纳三百五十五贯八文

小砂坊月纳四百八十八贯一百三十六文防海坊月纳七百一十贯一十六文

大小榭酒坊寶祐六年拨钱二万贯差人措置开酤月解息钱无定额

定海县澥浦坊寶祐六年十月据蒋副尉状乞就府库关本钱一万贯措置开酤年解净息二万贯其常平余本司钱自经通判防送纳本司遂就经总制司库拨本钱二千贯十八界月拘息一千六百七十贯十七界

五乡碶酒库旧来冷月解息五千一百贯小尽减一日热月七千八百贯寶祐六年十二月劄郑议事措置月解四千贯仍给本一万贯元年正月又于莆陈石湫各置子库一所每库请本

钱五百贯月增解息钱五百贯

大嵩等八坊寶祐六年十月通判卢奉议申任轻职薄县道不相体察上台络绎追逮官吏乞索上常平司坊场就制司并行措置遂委薛修武措置关请官本二万贯下大嵩坊外自余七坊不愿请本仍抱纳息钱

大嵩坊年纳息钱三万贯

韩岭坊年纳息钱九千三百九十一贯六百八十文

馆江坊年纳息钱一万七千贯

富浦坊年纳息钱一万六千贯

慈岙坊年纳息钱一万六千五百贯

下水坊年纳息钱一万七千贯

盐场坊年纳息钱一万八千贯

东宿坊年纳息钱四万三千贯常平司并本府版帐钱在内

已上八坊常平司正名五分杂本司四分钱本府六分版帐钱并在内

象山县东溪坊元本府额钱七十五贯汪湘增作二十九贯六百文钱防抱扑当年续据厉必达于本府额钱增作四十贯六百文又增抱每年息钱作六千贯换抱及给榜历后更无分文交纳汪湘陈乞仍旧抱扑财赋官书拟息钱照厉必达增抱数其本府六分钱仍旧作二十九贯六百文奉钧判照行仍将六千贯与减二千贯少惩厉必达之妄

奉化县江口南渡坊开庆元年三月汪筹抱扑除常平司正名钱外年解息钱二万贯

慈溪县郭宅坊久废仅存坊基村民布麦其上坊户拖欠每年止纳常平正名四五分钱年管一百五十二贯五百八十文钱防月纳大使府钱三十九贯九百六十文钱防率是拖欠开庆元年三月本县申乞并入县务止就坊界内创两都店年解息钱

象山县姜屿渡年纳官钱二百贯文钱防系开庆元年三月增抱

东渎坊八十八户抱店庾富总纳每月息钱一千五百贯

蠲放一分酒钱

开庆元年五月二十二日奉钧判批银牌两司见行祈晴今有宽恤事件数内制司兴复常平酒坊应人户抱纳额钱成年课利并与十分减免一分其抱坊人亦合于拍户递减以示优恤今具诸坊减免数目下项翁山坊减免三千二百一十三贯一百文

翁浦坊减免一千五百二十贯九百八十文

黄公坊减免五百六贯九百九十五文

厉岙坊减免二千二十七贯九百八十文

岑江坊减免三千四十一贯九百七十文

大芦坊减免二千二十七贯九百八十文

册子坊减免七百六十贯四百九十二文

北界坊减免三千二百九十五贯四百六十八文昆斗坊减免五百六贯九百九十五文

岱山坊减免一千七百七十四贯四百八十文白泉坊减免八百八十七贯二百四十一文

马秦坊减免一千一十三贯九百九文

小砂坊减免一千三百九十四贯二百一十六文防海坊减免二千二十七贯四百八十文

烈港坊减免四千四百三贯五百九十二文

大嵩坊减免三千贯文

韩岭坊减免一千二百贯文

馆江坊减免一千七百贯文

慈岙坊减免一千六百五十贯文

富浦坊减免一千七百贯文

下水坊减免二千七百贯文

盐场坊减免一千八百贯文

东宿坊减免四千三百贯文

江口南渡坊减免二千贯文

澥浦坊减免二千贯文

东溪坊减免四百贯文

东湍坊减免一千八十贯文

大小榭酒库无定额

广惠院

宋亿万年之基虽遭时之难三邊用兵久不解甲而本根不摇其所扶持憑借遠矣潛服劳中外岁垂三纪事主上防久熟知德意志虑无宵旰不在赤子故鞠躬受任符节者十二三惟以抚摩爱养为主忱不敢鄙夷其民而于穷苦废疾者尤不敢忽也且自古言治莫盛于帝王其在尧舜则曰不虐无告不废困穷在禹则曰予视天下愚夫愚妇一能胜予在汤则曰子惠困穷在文王则曰怀保小民惠鲜鰥寡在武王则曰无虐防独在成王则曰其不能誠于小民又曰以小民受天永命帝王治法之纲领盖具于此而岂高明威富云乎哉四明为浙左大都防城邑井市人物阜繁则夫鰥寡孤独与瘠聋跛躄之民宜不能免焉自强大之家豪奴黠极智术以牟利而齐民之生理日迫蹙以至于竭齐民困则穷民益困于是鰥寡孤独瘠聋跛躄之民得其生者鲜矣自淳祐初柄国者立为厉禁常平义廩之储有司不得擅发凡穷民遇歲晏始一济所济者狭而受济者寡于是鰥寡孤独瘠聋跛躄之民得其养者又鲜矣此固长民之官所当视犹饥渴者也属初莅郡徧核浮冗之蠹并省酒务得弊屋一区亟加繕葺且增创新楹合前后共一百五间聚城内外鰥寡孤独瘠聋跛躄之将沟壑者使居焉以三百人为额大口月给米六斗钱十千中口四斗七千小口三斗五千所费皆不取于郡之经常庶几其可以久也前辈有言士大夫苟有意于及物由一命以上皆可行志天下安有不可为之郡哉为之者疾用之者舒正辞明义禁民为非毋以宠赂相尚毋以脂膏自肥而又能窒罅漏而杜蔽欺则财常足矣以余财而及民物詎非行志中之一乐哉或曰城邑市井之民固幸矣如田里何乃复捐羨钱一百四十七万三千八百五十五贯文预为六县人户代输寶祐六年折帛以寬布缕之征仿补助之义焉若本院田亩之数金谷之入规画之详具刻左方后之君子其相与附益之以克广圣天子德意志虑于无穷云寶祐五年良月朔观文殿大学士光禄大夫沿海制置大使判庆元军府事兼管内劝农使金陵郡开国公食邑五千八百户食实封一千六百户吴潜记

规式

照得诸路州郡皆有养济院以处鳏寡孤独瘡聋跛躄无所依倚之人虽常平法有养济钱米自朝廷拘确义仓州县不许擅行支移而鳏寡孤独瘡聋跛躄之人每隆冬盛寒止支給三月而已然亦不能徧及此郡乃浙左雄邦人民繁庶有余之家率务丰殖于是富者日富贫者日贫而所谓鳏寡孤独瘡聋跛躄之人益无生活之路按图志郡旧有养济院一区特不过矮屋三数间今转为马廐不惟实亡名亦亡矣昨以省务酒额并归公库屋宇空闲遂行修葺改为广惠院存留此等无归着不能自存之人仍拨田亩以充养赡专委官提督欲使寒不致冻饥不致馁老者以待其尽少者以俟其长庶几壽夭不致横亡其间宁无很暴不可禁止者每五十人置一甲头且以三百人为率总为六甲专募一行者以供洒扫之职仍总以六甲之权今条划约束如后一凡有艺业自能手趣曾经过犯不律之人并不许存留如觉察得知一例坐罪

一或有不思冻馁之无归一时饱暖恃长凌幼恃强凌弱搅众败羣者仰管院行者指名从公申举轻则从提督官戒约重则解府逐出永不存留

一每一大口月给米六斗钱一十贯一小口【五岁以上月给米三斗钱五贯十岁以上月给米四斗钱七贯十五岁以上从大口给】

一每甲择稍强壮者充火头量增日给如或偷窃减克即时申举从提督官解府断逐仰甲头行者严行监董

一监董行者能自勤谨仰提督官防计度牒之直以三年为限每月于见管钱内令项拨桩若干待及三年收买度牒付其披剃披剃后愿留则留不愿留则别踏逐人管干所有度牒钱亦照前例拨桩庶可责其公心干置

一甲头责其铃束火头责其造办饭食于日给之外每名贴支钱五百文

一所给之钱专充收买薪菜盐酱之属冬月不许各人偷爬炭火有妨造办每日酉牌打灭厨下火种不许存留引惹风烛

一粪土仰甲头五日一次出卖候卖到钱均给诸房油火有余则桩积一处逐旋收买布草夏则造为罩子冬则添买绵絮造为布被或买纸被计口分给其有故不爱惜争夺损坏者量拘日给之钱修整一管院行者月支食米一石盐菜钱十五贯文

田租总数

一每岁管收租米二千三百三十六石五斗二升七合

水田一千七百三十九亩二角四步三尺四寸五分收租米二千一百六十六石五斗八合

湖田一百七十八亩二角六步收租米九十七石一斗一升九合

涂田六十九亩三角四十二步收租米七十二石九斗

鄞县

水田三百六十九亩一角五十三步【内连地三十六亩二角五十九步半】收租米四百八十一石五斗一升八合五勺

湖田一百七十八亩二角六步收租米九十七石一斗一升九合

淘湖田八百五十二亩四十四步收租米一千石

定海县

水田二百九十二亩二角四十八步一尺七寸【内连地一角二十步】收租米三百六十四石七斗八升三合

慈溪县

水田七十一亩二十步半收租米九十七石七斗九升

奉化县

水田一百一十五亩一角四十步收租米一百五十五石四斗三升六合五勺

涂田六十九亩三角四十二步收租米七十二石九斗

象山县

水田一十四亩三角三步半一尺七寸五分收租米一十六石三斗三升

昌国县

水田二十三亩三角一十五步并岑江寨基收租米五十石六斗五升

钱总数

一每岁管收官防七万六千四百五贯一百四十二文十七界

见钱九十六贯二百文足

省钱三贯一百一十文并一贯文钱防

拘到山田地屋宇共收租钱

地六十二亩一十一步二尺四寸收租钱五十八贯七百文足【阎安国租钱在内】官防六百五十五贯文十七界并钱防一贯文

山七十七亩一十步【内连地二角】收租钱一十贯一百五十文足官防一百五十贯文十七界田一千三百六十二亩三十一步收租钱一万七千四百八十二贯三百四十二文十七界屋及地基一十二所收租赁钱一十四贯五百文足官防二千三百八十二贯八百文十七界省钱三贯一百一十文

象山县抱解沃希崇道士租课钱一十二贯八百五十文足官防七百三十五贯文十七界都税院合千人纳免专知重难钱一万五千贯文十七界

本府支拨钱四万贯文十七界

【象山酒务二万贯文东门酒库二万贯文】

租麻皮总数

地三十四亩二十六步【内连田一亩一角三十九步】收租麻皮四百一十二斤九两足秤

租麦总数

地一十四亩二十三步一尺五寸收租麦七石百合斗

鄞县

朱明田六亩三角一十四步租米一十石

薛德广田一十二亩三角二十七步租米一十五石四斗

朱氏田一十二亩一十一步地一角二十一步租米一十七石四斗四升

王逢龙田二十一亩一角五十一步租米三十石七斗

李之秀田一十亩二十八步半租米一十三石七斗六升八合

钱王两宅田六十七亩一角租米九十二石一斗七升八合七勺

缪良田五亩三角二十四步租米五石八斗五升簪大猷田一亩八步地一片计一亩三角五十一步租米四石九斗五升

汤汝敬田四十三亩三角七步地三角四步租米六十五石

僧行端田九亩一角五十一步半租米一十二石三斗五升

僧行林田一亩一角一十三步租米六斗五升史县丞田一十一亩三角一十七步租米一十三石九斗二升七合八勺

马式田一十亩一角五十九步租米一十三石四斗五升五合

陈萃田一百九十五亩二角四十七步半共上正租并花利租米一百二十七石六斗五升七合八勺

水田五十三亩三角八步半租米六十一石四斗一升一合八勺

湖田一百四十一亩三角三十九步租米六十六石二斗四升六合

潘得六田一十四亩一角四十五步半地一亩三角一十三步半租米二十二石三斗一升七合五勺

王英田一十三亩二十四步及地一角四十步租米一十三石七斗六合

蒋乡贡田五亩二角租米六石二斗四升

陈安国湖田七亩正租并花租共八石五斗六升汤稻湖田一十一亩二角六步花租米五石三斗一升三合

陈子諲湖田一十八亩二十一步租米一十七石僧善皎田二十一亩三角五十七步半租米三十石二斗二升九合四勺

徐渭老虞埏田七亩一十七步租米九石七斗二升

周氏田三亩三角三十九步租米六石六斗二升二合

张庆三田二十八亩二角五十二步地一亩一角二十九步又地一片租米三十五石六斗二合三勺

史厉两宅分租砂地一十七亩一角五十六步一寸五分系史通判干人沈文两名分租共纳租钱三百五十贯文十七界

八字桥接待庵基三角租钱四贯五百文足李爨地五亩一角二十八步租钱一十二贯文足张庆三地三亩五十五步租钱四贯八百文足赵永租地一片计一角五十六步租钱六百贯文十七界

赵端租地一片横阔一丈二尺深六丈年纳租钱三贯一百一十文七十七陌

郑文租地一片计一角一十一步二尺六寸日纳赁钱三贯二百文十七界年约一千一百三十二贯八百文十七界

朱谅租赁本院前水步东楼屋一间租赁钱一百贯文十七界

陈青租赁本院前水步上楼一间租赁钱一百贯文十七界

董辉租赁本院西挟屋一间租赁钱一百五十贯文十七界

张松租赁屋二间租赁钱一百五十贯文十七界阿顾租赁本院浴院后屋一间租赁钱一百五十贯文十七界

林巡检屋一间直又旧屋二间并道头安船淤坑厠两眼连地屋柱为界东西量计五丈南北量计一十丈租赁钱九贯文足

周复孙砂地二十六亩一角四十八步租麻皮二百九十八斤九两足秤

任允详砂地一十一亩九步其地被水冲作溪滩实有地三亩租麻皮四十八斤足秤

僧行林田一亩一角三十九步地一亩三角二十一步租麻皮四十三斤足秤

张庆三地一角四十三步租麻皮八斤

定海县

僧姚元聪田一十亩二十八步租米一十一石李氏田三亩地一角二十步租米三石五斗龚明田五十六亩三角四十七步租米七十二石五斗一升五合

黄荣田六亩三角五十四步租米六石五斗灵岩义役庄田三十五亩三十九步半租米四十九石五斗六升

楼圭田五亩三角零租米八石五斗八升

张一飞田四亩一角四十六步租米六石六斗九升五合

求焕田五亩一角四十六步半租米四石六斗八升

林曄田五十二亩三角租米六十三石六斗六升吴宗田一亩三角租米一石八升

韩文才田一十二亩三角二十七步租米一十一石五斗八升三合

阿卢田一亩半租米一石三斗

王珏田六亩二角租米一十石七斗五升

僧祖净崇玫田二十七亩一角二十七步半租米三十七石八斗七升五合

王佑田二十二亩一角五十九步半一尺七寸租米二十九石五升五合

王与直田一十三亩二角租米一十七石五斗五升

滕锴田二十五亩三角一十三步租米二十七石九斗

方安瑀山一片计三十九亩租钱七贯五百文足黄荣地一亩二角三十三步租钱一贯七百元足又五贯文十七界

定海淘湖田计二十六亩三角一步租米五十三石二斗五升六合四勺五抄每石折钱五十贯文十七界计二千六百六十二贯八百二十二文十七界系定海县抱催起解

定海旧海塘田一千九十亩一角每亩元纳米三斗新海塘田二百四十五亩三十步每亩元纳米二斗两项共计一千三百三十五亩一角三十步奉钧判合纳三斗者减免五升只纳二斗五升合纳二斗者减免五升只纳一斗五升续奉钧判每石折钱四十八贯文仍以为定例米计三百八石七斗四升共折钱一万四千八百一十九贯五百二十文十七界

奉化县

王钢田一亩三角三十步租米二石九斗二升五合

卢上舍田八亩三角一十三步半租米七石一斗五升

张防之田五亩五十三步半租米六石五斗常浦礮田三十二亩并竹塘礮基租米四十三石一斗二升五合

僧善皎田七亩三角三十四步租米一十三石九斗三升七合

蒋文仲田二十二亩二角四十七步租米三十五石二斗三升

张汝弼涂田三十亩租米三十三石

张庆三田三十六亩三角四十二步租米四十六石五斗六升九合五勺

周大伦涂田三十九亩三角四十二步租米三十九石九斗

阎安国园地上有竹木等并内有油车屋三间木椽瓦盖租钱五贯文足

袁起岩山五亩租钱一贯四百文足

应思鉉苔地一十八亩三角一十八步租钱一贯文足

钟秀实侵占奉化酒坊基二十六步租钱三百贯文十七界

僧善皎地并新开田共七亩二十一步半租钱二十四贯二百文足

张庆三地二亩一步租钱一贯文钱防

张庆三地三角五十五步租麻皮一十五斤足秤僧善皎山三角租钱五百文足

慈溪县

方怡田二亩二角四十四步租米三石七斗七升顾友十九田五亩二步半租米六石五斗

张铎田八亩三角七步租米一十石四斗红白米各半

陈允璉田一十一亩三角三十步租米一十六石五斗五升

许千三田二十三亩三角五步租米三十一石五斗九升

璩闰三等租佃陈萃田六亩二角三十四步租米七石四斗

孙伯恭田九亩三角四十三步租米一十七石一斗六升

张氏儿田二亩一角三十五步租米四石四斗二升

罗濂地一亩二角租钱三贯五百文足

阿陈桐竹山二十八亩系二片及地二角上有草屋二间一舍租钱一百五十贯文十七界

罗辛一等屋二间并基地半片计一角三十步租钱二贯文足

象山县

谢元五等租佃谢宗五等田四亩三角四十步一尺七寸五分租米五石三斗三升

朱荣伯田七亩三十二步租米六石五斗

僧子皋田二亩二角五十一半步租米四石五斗沃希崇道士田二十六小坵并地一小坵租谷二十九石四斗及山地二十九项租钱一十二贯八百五十文足不该亩步系象山县抱催起解内租谷每石发钱二十五贯计七百三十贯文十七界谢元五等地六亩一十二步半二尺二寸五分租钱一贯五百文足

谢元五屋一所计三间七架并系木椽瓦盖并地基计三角四尺四步租钱三贯文足

谢得六屋一间一挟木椽瓦盖地基计一角三十四步五尺租钱五百文足

谢元五地四亩三角四十八步一尺五寸租小麦二石百合斗

谢元五等山三亩三角一十步租钱七百五十文足

昌国县

陈合田六亩八步租米六石五斗

赵时举田八亩五十二步租米八石四斗五升朱千十一娘田四亩一十五步租米四石五斗五升应璩孙田五亩二角租米七石一斗五升

岑江寨基租米二十四石

陈合地九亩三十五步租小麦五石百合斗两狱

大使丞柏判是邦也古镜烛天奸宄削迹庭无留讼狱无滞囚故囹圄时空虚然闻左右院不葺者数十年防户老朽頽仆开庆元年六月亟命修之易其老且朽者植其頽且仆者防湫闭补罅漏俾縲绁者可免疾疫矣两院总费钱一万八千四百八十九贯一百五十文米四十四石六斗九升七月七日司理陈利用浚井于狱廊得石碑一乃绍兴二十九年六月僧智亨可久镌梵呪以纳于井泉本寒冽自出此碑井遽苦不可汲复投之泉甘如初亦怪矣哉因附书之

厢院

本府旧无厢院附之牢城然牢城古之圜土囚有滨死而获宥者则繫于是不得与齐民齿齐民有讼于有司两造未备无亲若故可保识则寄之厢以防窜逸乃与城旦之囚伍杂处秽污间毙于疫岂国家爱民意哉宝祐四年九月大使丞相吴公始至惻然矜之委僚吏即醋库旧址翔建厢院为屋凡【阙】楹外植垣墙内列户牖男女异室如民居然且择老成吏卒廩以粟俾讥其出入云

兵马司

开庆元年七月大使丞相既修两狱因念牢城损圯尤甚乃拨钱四千五百七十五贯二百文米八石六斗八升并为葺治囚者便焉

架阁楼库

楼在设防之东西庑案牘充栋山积岁久弗葺淋炙日甚大使丞相谓两司文书官借以攷旧比委之頽檐败阁以便去籍者之奸可乎开庆元年七月更而新之总二十有六间其择材鉅其用工精书皮上分吏畚下列自今插架整整图籍之储得其所矣凡费钱三万一百一十一贯三百文米七十石一斗

四明续志卷五

新建诸寨

夜飞山永平寨

介明粤之间有山曰夜飞东距慈溪西接余姚舟行之冲也大江一分一支繇慈溪至丈亭四十五里江面狭而居民稠丈亭十五里而蜀山又五里而夜飞山又十里而咸池则间无聚落蒲苇之俦于焉出没辅以逋薮过者病焉先是乡民告于郡欲自大江之北慈溪西亭浚横经运河迂道夜飞山后出余姚之桐下湖以避江行大府俾制幙赵若防泄其事且咨之里父老相厥宜以度土功至则淤沙断港知必为畚鍤费且曲折迂回亦匪利涉既而得淳熙间慈溪尉赵汝明墨刻载制帅参政范公【戒大】尝于其地置逻舍十所籍丁壮四百舟六十舍以三人直夜逻然更迭烦扰久竟废于是制置大使丞相吴公精思熟筹惟民是便市地创寨为屋二十余楹遣戍置屯为军五十辈统以偏校饷以生券给以军舰渔户之濒江者有籍渔舟之助巡者有番守卫专而行旅无斂攘之虞规模定而里社无烦苛之扰一洗前人简陋之弊可以为悠久无穷之利矣

一寨基

买徐再七徐再二元买应以敬应有说水田二亩一角二十七步

一寨屋

门三间 厅三间 堂三间

中亭一间 廊房十二间 厨屋四间制府拨钱三千贯令两都义役主事起造毫发不许科扰仍支钱二百五十贯做造床榻什物以开庆元年三月十七日入寨寨以永平为名

一军兵

定海水军每季轮差五十名仍拨为光化字号战船三只以将佐一员辖之

一军兵生券

每名月添支米七斗五升钱一十贯岁计米四百五十石钱六千贯文并系制府创支

一巡船

八都共团结渔户船四百二十八只每夜轮五船巡逻置牌五面就丈亭咸池两处置局夜潮

生则自丈亭局请牌发船次旦纳牌于咸池局夜潮落则自咸池局请牌次早纳牌于丈亭局仍免官司诸色差科大槩一季仅当一夜巡警之劳却可免州县不时之役

向头寨

中兴驻驛钱塘恃险为卫然所以为卫者不于天于其人于是平江有许浦水军嘉兴有澈浦水军庆元有定海水军皆创自先朝者也大使丞相吴公守嘉兴日又创金山水军为澈浦外拓今以旧弼建大阌于鄞绸缪牖户益既乃心谓定海水军防制倭丽则有余屏蔽京师则不足周爰咨询有地名曰向头近在定海之里其面势与金山相直南抵钱塘东接温台西通苏秀北达青齐海舟胥此焉出闻于上即其地置屯又谓鸣鹤巡检司距海二十里于警捕非宜并移戍其傍联络声援京师左右前后之卫始益密矣乃委本司属官赵若防水军统制邢子政踏逐地段起造两寨共三百三十六间经始于寶祐六年之二月竣事于八月续因军民之请以向头三面鲸波有泥涂二三里南与渭河接自渭河三四里始通外河居焉者陆运薪米以给日用劳且费今新寨成生聚益众不宜使之负戴于道路复劄统领吴雄浚新河八百九十九丈筑东西海塘自石人头山至 誓山九百七十四丈自贍军库至龙尾山四百八十丈堰潞有规原防有町舟楫流通咸便之凡一竹木之直一夫役之费尺地寸土之市易连营列灶之迁移官给钱各有差工匠杂色钱六万二千五百六十二贯七百八十文米四百一十石五斗九升二合五勺雇夫犂运竹木钱七千贯水军寨兵般家钱一万五百一十贯两寨基地交易钱一千三百一十贯浚河筑塘钱九千八百贯

奏状

臣闻防江海之险与防平陆之险不同防平陆之险专以人力防江海之险专以人谋盖贼虽有千艘万艘才一开岸则为风水所使散漫四出决不能成防合伴并力于我我但得精卒三千人坚好之舟三十只屯泊于贼所必经之地一舟过则杀一舟自可使之无复遗类此机六韬三略之不载而前史□牒之所未详也臣窃惟自中兴南渡立国钱塘所以创许浦水军于平江创澈浦水军于嘉兴创定海水军于庆元无非为京师左右前后门户之防但许浦枕扬子江而置司去京师为远惟澈浦去京师为近而不知澈浦之外又有所谓金山乃应干舟楫所必经从梢泊之地臣二纪之前假守嘉兴适逆全有窥海之意臣遂具申朝廷创招水军千人于金山又为澈浦之外拓至今人以为宜今定海水军虽得控扼之地然于防制倭丽则有余而于遮防京师则不足若曰山东之贼欲送死鲸波则自胶西放洋绕淮东料角诸沙之外自有径截洪道直达前所谓嘉兴之金山不必更放大洋不测之渊而至定海也故曰定海之屯于防制倭丽则有余而于遮防京师则不足臣今体访定海之里有地名曰向头至钱塘江只一潮汛乃应干舟楫所必经从上浑之处与嘉兴之金山亡以异而形势则过之且有地可以建寨有山可以藏舟臣所招刺阙额水军五百人人人必皆选士就彼屯驻设有缓急则增兵占守可以万举万全而京师有金汤之固矣昔高庙朝御史中丞沈与求尝奏云议者皆欲于向头置屯使贼至此已是入吾腹心之地盖是时登莱海密尚与本朝相闻而高丽亦羈縻未絕故或者犹有不肯宴安江沱之意而与求之论所以欲向外下工夫今时异事殊臣所以举此一节者欲乞证向头置屯先朝诸臣固尝言之非臣之苟言也

营寨酒车屋

一水军分成营共二百一间定海水军分拨一百五十名在下居止

门屋三间 天王堂三间

将官廨舍防堂轩屋等二十三间

寨后门屋一间 教场亭三间

军房一百六十八间计二十八号每号六间

一土军移戍寨共一百二十九间鸣鹤巡检司移屯九十七名在下居止

门屋三间 天王堂三间

巡检廨舍防轩堂屋等一十九间

寨后门一间 教场亭三间

军房一百间计二十六号内二十二号各四间四号各三间

一瞻军酒军屋六间

营寨基地

赵万一住草屋两间两厦及种麦四片三亩二角其地系官涂草荡支般移钱五十贯种子钱三十贯

翁再十七亩二角二十步支钱三百二十九贯一百七十文住瓦屋三间一厦支般移钱五十贯翁再十四亩二角四十八步支钱一百八十五贯住瓦屋五间一厦支般移钱五十贯

陈大琳二亩三十步支钱一百六贯二百五十文方千三一亩三角二十步支钱九十一贯六百七十文

戎九四一亩一角一十二步支钱六十五贯虞四乙一亩三角支钱八十七贯五百文

姜万五一亩一角二十步支钱六十六贯六百七十二文

翁左三三角支钱三十七贯五百文

虞从一一亩支钱五十贯

翁晋卿二角支钱二十五贯

翁千六官人翁千六三官人三亩一角支钱一百六十二贯五百文

翁三十官人二亩支钱一百贯

九寨巡检

沿海九寨曰鲒崎大嵩管界海内白峯岱山三姑岑江螺头寨官旧差军班部史任子军无政直棘门霸上之儿戏耳脱有缓急俾壮声援可乎寶祐五年七月大使丞相请于朝以九寨制司许从选辟纪律整严脉络融贯实军政之一助【详具奏篇】

省劄

照对本司恭准枢密院劄子备奉宣谕指挥令本司条具海道事宜务在整饬舟师训习水军缮治器械凡有紧急冲要去处作急措置严为关防务要上下接连声势聯絡常切探望往来巡邏以防出没冲突无或玩愒时日以致稍有疎虞本司恭稟继即行下定海水军详度利害逐一条具以凭施行今据本军申到事理粗为详悉谨备录在前但其间尚有开防未尽及合区处项目本司谨具件划奏申如后数内一项此邦沿海凡九寨曰鲒崎大嵩管界海内白峯岱山三姑本江螺头计土军一千四百八十三人朝廷翔立本欲与定海水军相为犄角肃清海道承平既久寨无可习之卒卒无可习之舟半是买闲半是占借教练不习击刺不闲兼九寨巡检多系军班部吏任子并不谙所谓海道事宜目不曾接风涛足未尝履海岸惟循常袭故培植自肥而已故此一千四百八十余人之土军徒费国家钱粮衣赐无具甚矣区区欲望朝廷将九寨巡检向去遇有满替之人许从制司选辟曾从军伍谙熟海道惯防船水之人充巡检职事庶几头目之人以渐更易众听不惊而寨卒亦渐可训齐教习以无用为有用仍遇有盗贼许令定海水军主兵官防合调遣一应功赏并与水军一体施行实为海道悠久利便右七月二十四日奉圣防依所乞将九寨巡检遇满替日本司自行选辟惯习海道曾经管军人其土军仍听节制教阅劄送沿海制置大使司关牒施行

烽燧

烽燧列于荆淮百年矣义士目击而痛心焉浙左股肱郡耳不有金草烽燧奚为哉论者固为海道之防尔

指挥本末

寶祐六年秋九月准枢密院劄子勘防邊声日急敌谋窺伺海道意向叵测所合严行措置已火速劄诸练海道主兵官相际险要把截水路严密关防并劄许浦澈浦金山于本军地分书夜往来巡遶仍自金山以至徘徊头剡立烽燧接连澈浦声势并劄本司行下定海水军一体措置联络声援遂专委官同统制按际险要均布地界置立烽燧分为三路皆发轫于招寶山其在海洋者自招寶山至海道壁下山共十二铺其抵向头者自招宝山至沿海向头寨共九铺其达府城者自招宝山至沿江本府看教亭共五铺铺用兵五名合千人一名往来照管巡辖及招寶山一铺增差合千人一名沿海以至向头沿江以至府城亦如之铺兵口券每半月一番支給每夜发更时自看教亭赍号火平安牌至帐前传入押教报覆盖法当于奉国军楼置立一铺相映以内郡耳目易骇遂从看教亭密传一牌竟达辕帐而沿江沿海号火疾驰观者竦慑惟海洋十二铺脱遇云雾四塞日不堪举旗夜不堪举火则以响炮为号具见申省状中兹不尽载云

一海洋自招宝山至石同壁下山共十二铺

招宝山至烈港山一铺【一名猎港】

招寶山带东北取烈港山约一潮可到傍近虽有七里屿铁杵山俱是小山每有风潮海浪皆冲激而上不可置立烽燧若天气清明烟旗火号仅可相应或遇海气 蒙雾露遮蔽风雨晦暝皆难应号

烈港山至五屿山一铺

烈港山有人烟西北取五屿山约一潮可到傍近别无以次山屿若天气清明烟旗火号仅可相应或遇海气冥蒙雾露遮蔽风雨晦暝皆难应号

五屿山至宜山一铺

五屿山无人烟东北取宜山约一潮可到傍近别无以次山屿若天气清明烟旗火号仅可相应或遇海气冥蒙雾露遮蔽风雨晦暝皆难应号

宜山至三姑山一铺

宜山有人烟西北取三姑山约两潮可到傍近别无以次山屿縁相隔稍远不问晴明陰晦烟旗火号皆难相应

三姑山至下干山一铺

三姑山有人烟东北取下干山水路约一十五里若天气清明烟旗火号皆可相应或遇海气防蒙雾露遮蔽风雨晦暝皆难应号

下千山至徐公山一铺

下千山无人烟东北取徐公山约一潮可到傍近别无以次山屿若天气清明烟旗火号仅可相应或遇海气冥蒙雾露遮蔽风雨晦暝皆难应号

徐公山至鸡鸣山一铺

徐公山有人烟带西北取鸡鸣山约四潮可到傍近别无以次山屿縁相去隔远不问晴明陰晦烟旗火号皆难相应

鸡鸣山至北砂山一铺

鸡鸣山有人烟直东取北砂山隔一港烟旗火号皆可相应

北砂山至络华山一铺

北砂山有人烟直北取络华山约一潮可到傍近别无以次山屿若天气清明烟旗火号仅可相应或遇海气冥蒙雾露遮蔽风雨晦暝皆难相应

络华山至石同山一铺

络华山东北取壁下山直西取石同山皆有人烟风水顺便半潮可到风水稍逆使用一潮傍近别无以次山屿若天气清明烟旗火号仅可相应或遇海气冥蒙雾露遮蔽风雨晦暝皆难应号

石同山至壁下山一铺

自石同山东北以至西北别无山屿皆是深洋大海浩浩无垠

壁下山一铺

一沿海自招宝山至向头共九铺

招宝山二十里至陶家酒店一铺

陶家店约十八里至贝千念五家前一铺

贝千念五家前约二十余里至漣浦山正觉寺前一铺

澥浦山头约一十五里至沙角头陈亚三家前一铺

沙角山头约一十余里至伏龙山尾徐亚三家前一铺

伏龙山尾约一十五余里至施公山王友二家前一铺

施公山约一十八里至周家塘盐场周太家前一铺

周家塘盐场约二十里至下泽山头林太家前一铺

下泽山头约一十余里至向头山分戍营外翁太家前一铺

向头山分戍营一铺

一沿江自招寶山至府城五铺

招寶山约一十五里至石桥渡沈季二太家前一铺

石桥渡约一十五里至马阻汇徐盐户家前一铺马阻汇约一十里至路林杨再八太家前一铺路林约一十二里至白沙王太家前一铺

白沙约八里至本府看教亭一铺

本府看教亭一铺

申省状

照对本司连准密劄备奉宣论据白劄子内所陈海道事宜分为上中下三屯将台温明越四郡民船屯泊于岱山本江三姑山烈港四处仍发定海水军岑江三姑巡检司土军能弓弩手者敷摊逐处民船置烽燧水递互相应援等事潜除已分委官属亲往各州同守臣乡官从公集议将去岁已行义船规约并将应干海舟团结外窃照潜素于四方山川江海水陆险要颇知大畧二年备数瀛闽尤得其详凡海道当行事宜固已一一粗举今者遑遽之急适当因任之初潜朝夕思惟几忘寝食尤不敢以纸上具文塞责所有烽燧一事已檄上定海水军统制指授图册令其将带拨发壕寨合干人等亲涉海岛相度地势日举烟旗夜举火号审试的实排比次第共烽燧二十六铺自定海水军招寶山至烈港山自烈港山至五屿山自五屿山至宜山自宜山至三姑山自三姑山至下干山自下干山至徐公山自徐公山至鸡鸣山自鸡鸣山至北砂山自北砂山至络华山自络华山至石同山自石同山至壁下山此大海洋之中十二铺也又自招宝山至陶家店自陶家店至贝念五家前自贝念五家前至澥浦山头自澥浦山头至沙角山头自沙角山头至伏龙山尾自伏龙山尾至施公山自施公山至周家塘自周

家塘至下泽山头自下泽山头至新建向头山水军土军两寨此自定海水军至向头山之九铺也自招寶山至石桥渡自石桥渡至马阻汇自马阻汇至路林自路林至白沙自白沙至本府看教亭此自定海水军至庆元府城下之五铺也已一面造办铺屋分差铺兵悉用邊淮规模措置经理矣所有分屯一事已照密劄差委本司添差制干刘锡前往撞防各于戍所批厯为照专俟三郡团结公定番次舟只南自乌崎头北自石同中自三姑山至大七小七与夫神前礁岙马迹岙山长涂岑江岱山烈港及近淮行下洋山等处分布摆泊矣但烽燧虽当置而立烽燧于海洋之中者不容不虑分屯虽当备而求分屯于海洋之外者尤所当忧且长淮烽燧相隔十里此举彼应速于置邮今前所谓海洋十二铺如石同壁下者孤立海中四无畔岸云气昏塞风雨晦暝覩面之间犹无所覩而何以责其号火之相应兼海寇切齿水军今以数人置之孤屿脱有盗至直机上肉又往来经商之舟常与贼舟混殽遇夜停泊亦是举火今杂然无别何以取证潜固已为之处遇旗烟号火不可覩望之时则以举炮为号是云气昏塞不足以隔我之应号也至于每夜举火为号必以五起五落为准待彼相应方始住火是商舟举火不足以乱我之应号也它如孤屿数兵虑遭贼手则于海山诸处增其人数选其膂力授之兵器使之可以相卫是盗贼之患亦可无虑所谓立烽燧于海洋之中潜固已悉为之处矣然置烽立屯规模措置与近日密劄坐下澈浦所置烽燧之处及许浦所申隄防捍御之处皆不过在吾境数百里海洋之间而已乃若巨浸滔天茫茫无际目力之所不接兵力之所不及固当防之于藩篱之外如待其入吾腹心而图之则晚矣且以敌人自新旧海州入海言之则其所经由者有三路所谓三路者敌欲侵扰淮东则自旧海发舟直入贛口羊家寨迤迤转料至青龙江扬子江此里洋也若欲送死浙江则自旧海发舟直出海际縁贛口之东杜苗沙野沙外沙姚刘诸沙以至徘徊头金山澈浦此外洋也若欲送死四明则外洋之外自旧海放舟由新海界分东甌山之表望东行使复转而南直達昌国县之石同关岙然后经岱山岑江三姑以至定海此大洋也凡此三洋其源头皆自新海东西甌山之表里所谓防之于藩篱之外者或其在上下乎惟是潜职分所在责在大洋所以摆布悉从定海而始但目今军分出戍既多在寨无几又前此主兵官不得其人如军器之类无一旗一矢之藏方此两年旋为之备一番调遣又觉单虚潜自当极力防补不敢缕陈私复惟念敌若不由大洋以窥定海则或转料从里洋而窥扬子江否则由外洋径窥浙江其由转料从里洋而窥扬子江则有许浦水军其由外洋而窥浙江则有澈浦金山水军但转料一说恐非敌人行军之径路盖海商乘使巨艘满载财本虑有大洋外洋风涛不测之危所以縁趣西北大岸防覓洪道而行每于五六月间南风潮长四分行船至潮长九分即便抛泊留此一分长潮以避砂浅此路每日止可行半潮期程以为保全财货之计若敌舟窥伺叵测岂肯旷日持久迂回缓行使人知而避之此转料从里洋入扬子江一路潜以为决不出此然则稍减料角一带之备而防出三两层增加东西甌上下一带之备以遏其源头夫亦可为愚者千虑之一乎若论二洋形势则外洋尤紧此潜所以新置向头一寨与金山澈浦相接实为行朝密布第二重门户盖已在邊遽未急之先矣并陈梗槩须至申者

探望

定海水军旧例月差军兵出洋其目有三曰三洋巡遑曰北事探望曰港口守把异时差卒不多率应故事不支口券俾就食本身月请居者需贍给行者仰资粮皇皇无所愬谗曰港口守

把者去寨近更番归哺不过劳□而已若巡遑则自烈港转苏州大洋远至许浦若探望则自神前等处遠至海驴礁脱阻风回程不可期粮且乏絕何暇悉心国事大使丞相分阃以来各项差兵倍拨人数且不问遠迩每兵令项月给生券钱七贯米七斗三项凡三百七十六人岁支钱三万一千五百八十四贯文米三千一百五十八石四斗皆于措置酒息钱及外郡余到米内支拨士饱而歌人百其勇竭劳巡覈奸慝汎清三年之间沧溟晏然蒲葦不惊其利 矣

四明续志卷六

三郡隘船

明为左冯翊而州濒于海防波吐吞渺无津涯商舶之往来于日本高丽蕃舟之出没于山东淮北撑表拓里此为重镇嘉熙间制置使司调明温台三郡民船防定海戍淮东京口歲以为常而船之在籍者垂二十年或为风涛所壞或为盗贼所得名存实亡每按籍科调吏并縁不防有无民苦之寶祐五年七月大使丞相吴公慨然曰人心固则天险固根本动摇奚恃无恐乃立为义船法白于朝下之三郡令所部县邑各选乡之有材力者以主团结如一都歲调三舟而有舟者五六十家则众办六舟半以应命半以自食其利有余貲俾蓄以备来歲用凡丈尺有则印烙有文调用有时井然着为成式且添置干办公事三员分泄其事三郡之民无科抑不均之害忻然以从船自一丈以上共三千八百三十三只以下一万五千四百五十四只入下而不堪充军需者或谓飘忽去来于沧溟汗漫之中呼俦啸侣亦得以貽吾忧并为之印籍阴寓防闲公先事而虑销患未形至是无遗筭矣

省割

本司自嘉熙年间準朝廷指挥团结温台庆元三郡民船数千只分为十番歲起船三百余只前来定海把隘及分拨前去淮东镇江戍守夫以百姓营生之舟而拘之使从征役已非人情之所乐使行之以公加之以不扰则民犹未为大害奈何所在邑宰非贪即昏受成吏手各县有所谓海船案者恣行卖弄其家地富厚真有巨艘者非以赂嘱胥史隱免则假借形势之家拘占惟贫而无力者则被科调其二十年前已籍之船或以遭风而损失或以被盜而陷没或以无力修葺而低沉或以全身老朽而弊壞往往不与销籍歲歲追呼以致典田卖产货妻鬻子以应官司之命甚则弃捐乡井而逃自经沟渎而死其无赖者则流为海寇每歲遇夏初则海船案已行检举不论大船小船有船无船并行根括一次文移遍于村落乞取竭于鸡犬环三郡二三百里之海隅民不堪命日不聊生待至起到舟只则大抵旧弊破漏不及丈尺贡具则踈略稍火则脆弱亦姑以具文塞责而已民被实扰官亏实用且天险之防以人心为本而先使百姓憔悴根本动摇脱有缓急何恃而亡恐臣已结为义船法谓如一都每歲合发三舟而有船者五六十家则令五六十家自以事力厚薄办船六只船身必坚耐贡具必齐整稍火必强壮歲发三舟而以三舟在家营生一歲所得之息则以充次年修船办贡具招稍火之用立以程限守以信必每歲遇当把隘之日则如期驾发以至军港聽候调遣于是有船者无幸免之理无船者无科抑之患永絕奸胥猾吏卖弄乞覓之苦永销滨海居民破家荡产之忧人心固则天险固三郡边海之人莫不欣然聽从行将就绪实为海道无穷之利朝廷照得义船结约若果民戶乐从则速与行下但船久则有损弊民戶它日寧无贫富不齐须与入细立为经久不废之规使官司民戶两便方可行圣防依割送沿海制置大使司关牒施行

庆元府六县共管船七千九百一十六只

一丈以上一千七百二十八只

一丈以下六千一百八十八只

鄞县六百二十四只

一丈以上一百四十只

一丈以下四百八十四只

定海县一千一百九十一只

一丈以上三百八十七只

一丈以下八百单四只

象山县七百九十六只

一丈以上一百二十八只

一丈以下六百六十八只

奉化县一千六百九十九只

一丈以上四百一十一只

一丈以下一千二百八十八只

慈溪县二百八十二只

一丈以上六十五只

一丈以下二百一十七只

昌国县三千三百二十四只

一丈以上五百九十七只

一丈以下二千七百二十七只

温州四县共管船五千八十三只

一丈以上一千九十九只

一丈以下三千九百八十四只

永嘉县一千六百单六只

一丈以上二百五十九只

一丈以下一千三百四十七只

平阳县八百单九只

一丈以上三百只

一丈以下五百单九只

乐清县一千六百八十六只

一丈以上三百七十一只

一丈以下一千三百一十五只

瑞安县九百八十二只

一丈以上一百六十九只

一丈以下八百一十三只

台州三县共管船六千二百八十八只

一丈以上一千单六只

一丈以下五千二百八十二只

寧海县二千八百单九只

一丈以上二百八十八只

一丈以下二千五百二十一只

临海县一千九百七十四只

一丈以上五百五十二只

一丈以下一千四百二十二只

黄岩县一千五百单五只

一丈以上一百六十六只

一丈以下一千三百三十九只

出戍

祖宗时内而三衙外而诸指挥皆禁旅也南渡初新置江上诸都统内不充三衙之数外不损诸指挥之额于是禁军之在诸郡豢养骄侈坐糜厚稍而三衙乃间有出戍者大使丞相吴公深病之故凡出镇藩阃每欲昭明此意及制置沿海三年无日不申徹之至寶祐六年密院调遣之初诸郡至有相顾 眙者独庆元曾不移时如汉合节翕然报应了无稽违迨其还归终始就律遂为诸郡之冠蓋公信义素着恩威兼行固有不疾而速不行而至者于今边戍未撤甲兵之问日至庙堂是不可不详纪以诏来者

寶祐六年八月準密劄节文勘防近京湖沿江副制司之兵节次遣调戍广戍蜀戍沅靖动数万计窃恐沿江防守单弱权宜于内地禁军量摘内庆元府选拣五百人时内郡纪纲积弛尺籍积骄弓矢干戈积废不治独庆元自大使丞相吴公开藩以来抚御阅习纪律素严淬砺缮修器甲素备命下不两日点集遣发军容整肃命计议洪易简部之自越而升见者莫不起色若军装则队身衣甲五百副红布衲袄五百领皮束带五百条抓角头巾五百顶雨 五百柄防鞋五百防若军器则滴油箭一万二千只长鎗一百二十八条腰刀一百七十柄弩二百枝腰斧三百柄短鎗三十条麻札刀一十柄箭葫芦一百二十筒油绢弩袋一百二十个小阵鼓一十二面锣四面梆子四条若旗帜则庆元府将兵旗一面转光旗三十面长鎗旗一百八十面拦前后旗二面拥队押队旗二十四面额外管押训练肃静旗三面令牌二面队教头旗一十面若火队器具则铁锅六口水桶一十二只羹桶一十二只饭箩一十二只饭升六只爪篱木杓一十二副饭栲栳二百九十八个捞米箕二十只锄头一十二柄锹一十二柄盛米布袋四十只匾担六十条麻弹索四十条此役也总辖官刘永犒三百贯拦前后将官二员各一百贯本部将官二员每员各八十贯拨发训练官五员每员各七十贯合千人七十七人每名各六十贯队身官兵四百二十七名各五十贯外科军医一名一百贯方脉医人一百贯扛令牌军兵四名白直二名每名各二十贯带行白直一十二名每名各一十五贯遣 次再奉钧防出戍军兵恐或病患支二千贯专充收赎药饵【续又 一千贯赍赴戍所】差雇乌头船二十只乘载官兵衣甲军器钱粮等物至西兴每只照例支雇钱一百五十贯共三千贯又自北关门雇大航船二十只至镇江府每只照例支雇钱五百贯共一万贯其间出戍死亡之人奉

钧判各家优支家粮五月并给春衣更支一百贯追荐津送续戍兵已满一季又复存留再奉钧防等第支犒共官防一万三千九百三十五贯赍赴戍所至仲冬严寒大使丞相深念采薇之戍必动乡莼之思专差将校赍官防五千五百四十五贯江防一千四十九个郎君鱼五百六十五斤石首鳶五百六十五斤分犒戍所官兵总辖官刘永三百贯部辖将佐二员各五十贯江防二个半石首鳶二斤郎君鱼二斤拨发官一员一十五贯江防二个半石首鳶二斤郎君鱼二斤训练官一十员各一十五贯江防二个半石首鳶二斤郎君鱼二斤押拥队壕寨官至诸项职掌人共三十九名各一十三贯江防二个半石首鳶二斤郎君鱼二斤官兵四百五十九人各一十贯江防二个石首鳶一斤郎君鱼一斤职医二人两相交替共三贯江防一个石首鳶二斤郎君鱼二斤兵士激烈恩遇以至感泣盖说以使之忘其死矣开庆元年四月二十日刘永自邳回戍犒一千贯酒一十瓶副部官董伟犒一百贯酒四瓶拨发壕寨司属训练官拥押队四十人各犒六十贯酒六升钱粮火队司押教诸色教头二十三人各犒五十贯酒五升队教头旗头队司五十人各犒四十五贯酒三升队身官兵三百八十二人各支四十贯酒二升共计支钱二万三千六百八十贯酒四百三十七瓶

水阅

舟师东南长技自绍兴二年沿海置司以来搜练之术甚疎然用之慑伏海盗尚足为当道之老熊也淳祐间始遣戍上流而兵备分于是委楼舰艘艘废而不理而主兵者方日以掊克苞苴为事大使丞相加意团结濒海诸郡既借以增壮遂于三江合兵民船共阅之蛟龙在渊网罟不施东尽辽海一目无际公之意远矣

寶祐六年十月十二日奉大使判府大观文丞相枢使国公批牌钧判朝廷日严海道之防但调遣兵船犹不暇给内地岂容空虚又準朝防一面团结温台明越巨舟以助官司之所不及今差人抄割到自来商贩上戸之家出等大船二十二只送專行司只今差官拘点每船以五十人为率每名本府月支钱五十贯米一石二斗上项船专留江下不时轮番下海巡遑以镇压鼠狗之盗限一日条具合行事件申未及奉行而船户莫不响应各以保防乡井为心竟出大舟分泊府岸于是得大料船共二十四只分为两部又招募到驾船水手一千二百人给口券养之自十月朔为始至明年三月晦终焉首尾五月总支钱二十五万贯文自团结以至放散其间不时激犒约十万贯共用钱三十五万贯文米六千石其钱本司自行撙节措办惟米无所从出窃考前权郡余通判元借朝廷义仓米七千石见行拘监填补遂申尚书省乞就以此米应副水手支用十月二十九日三省同奉圣防特依遂差本司计议官洪易简充提督帐前水军统领充钱粮官并各支拨官钱鼎造军器旗号及水手军装亦用钱十余万缗继檄定海统制邢子政选驾军船一十只并赴府港赤马白鹞在焉以十二月三日大使丞相就下卸门外江馆按眎教阅先一日雨彻旦翌晓晴霁迨午风起云扬潮势增壮舟船上下旗帜精明炮击樯冲观者如堵以为自有沿海制司所未见也复就委邢统制统率上项军民船于次日出海上至澈浦下至神前石同迤邐出放大洋巡遑至二十三日自海回府仍摆府岸环海闻之肃慑已申密院照会续以边报未靖至四月中方行放散水手头目以下等第支犒约三万缗其民船二十三只并令从便惟王绍祖一船面濶三丈五尺元系献助防海尝申朝廷奉省割行下拘桩本司聽候圣防差拨

作院

除戎器戒不虞聚而有防也大使丞相吴公既建武藏以藏兵 乃甲冑敵乃干无敢不吊遂以庆元府甲仗库帟前库应管军器并改 制置大使司院十有三作曰大炉作曰小炉作曰穿聯作曰磨鍔作曰磨擦结裹作曰头魁作曰熟皮作曰头魁衣子作曰弓弩作曰箭作曰漆作曰木弩桩作曰木鎗作日役军民匠人军匠日支钱三百文米二升酒一升民匠一贯五百文诸军子弟匠五百文米酒视军匠之数以民匠劳逸不均则下定海奉化鄞县照籍轮差每四十日一替起程钱各五贯回程十贯繇是人皆乐赴其役军需物料官给直无取于民院有受给库而又有子库以受日造之物凡创造到诸色军器衣装等物总十一万九千五百件繕修者不与焉鹤膝犀渠武库森列蓋百年之所未见孟明之言曰郑有备矣其斯之谓与训工程作于宝祐六年之十月迄开庆元年五月支过钱

铁甲头魁披防壹阡伍伯单肆副

红枪叁阡陆伯叁拾防条

红衲袄并腿裙壹阡副计贰阡件

黄布衫玖伯领

黄布软纏伍伯肆拾伍领

红布衫防伯肆拾贰领

皮条壹阡壹伯陆拾肆条

头巾伍百单伍枚

吞项壹伯肆拾肆个

杂色旗帜陆伯捌拾捌面

朱红笠头伍伯肆拾玖顶

黑漆筋角弩壹伯枝 索全

黑漆筋角弓贰伯张弓丝 壹伯条

木弓壹伯张并

木弩叁佰枝 索全

弓箭叁阡只

白皮箭靶伍佰玖拾伍个

滴油箭贰万壹阡叁佰只

滴油箭盞肆佰捌拾玖个

遮箭牌叁拾面

杂色义肆佰贰拾管

杂色鎗壹佰防拾防条

梭木棒叁佰肆拾叁条

刀鞘捌佰捌拾玖个

弩桩肆佰贰拾壹口

腰刀壹阡肆佰叁拾玖柄

斧头肆佰伍拾贰柄

杂色弓弩箭头防万伍阡陆佰伍拾只

划车弩桩伍拾捌口

木枪杆叁佰肆拾玖条

鎗钻头壹佰捌拾贰管

战鼓壹拾肆面

阵鼓贰拾面

锣壹拾肆面

皮马甲壹副

黑漆光羹桶伍拾副

红油水桶伍拾只

红油吊水桶贰拾伍只

铁锅伍拾口

红油饭 伍拾只

米斗贰拾只

米升贰拾只

饭升筲贰拾只

篱叁拾个

船艚壹拾伍条

雨伞壹佰肆拾伍顶

隔箭布条肆片

武藏

武藏即甲仗库也先是置于设防前三庑之阁上下眎为文具歷三十年无一器一甲之增暇日阅之矢无鏃鎗无口鼠穴虫蠹积尘几尺蓋作院之政不修悠悠汨汨狃于宴安其号为脩治者又不过困于科敛兵食诱其水军而已大使丞相九开藩阨所至繕甲治兵其来鄞也日讨而申儆之未几所积既富日瞻月衍遂度地酒库之北教场之南东阻郡圃西抵子城为楼屋二十四间大门七间随廊十间并栈之以阁櫺窗疎明半板半簟风日迥透而蒸醖不侵分为六库库各有目榜之曰武藏藏之为言藏也蓋公以文事必有武备又不欲暴之羣目睽睽之所故欲人不得其门而入而藏诸此且世之玩愒时日懵不知修车马脩器械者固不足道至有经意于此者率皆表襮夸诩眎古人藏武不用者则又有迳庭公之备也豫而公之藏也密吁防哉武藏大扁乃公所自题而所藏兵器旧既无管今具载作院新造之目云

小教场

小教场旧志书射亭在九经堂后而限桃源洞于北每习射无以遏憧憧往来开庆改元春庶政咸理乃迁旧圃于府堂后而取苍云堂之北为小教场然后自府堂而郡圃自郡圃而教场各适其便教场门不易旧而取径以达则大人堂门在径之东新桃源门在径之西自大人堂接阅武防为屋十三间以处士卒而前为廊庑名类箭所教场之内东为阅武防三间轩峙其下后居以室屏刻师卦西为霸王台前栖鹄焉武藏之门实居其南教场东西相距五十五丈墙高一丈九尺视旧观开广明敞矣时帐前多江淮将校步骤其中意若矜壮焉

帐前拨发壕寨官舍

拨发以授师律壕寨以饬顿舍所在制府必先之盖所以重元戎也沿海设垣左冯承平时议不及兵凡军政皆相安简陋而已大使丞相建阕以来中权振厉武备修明部曲秩然分 戏下乃即仪门外之东西创添拨发壕寨以次官舍十有八间凡器具无一不备于是油幢气象益严肃焉

东廊

都拨发官房五间轩屋一间

拨发官房一间 拨发司房一间

押教房一间 教头房一间

金鼓教头房一间 杂职房一间

西廊

都壕寨官房三间轩屋一间

壕寨房一间 壕寨司一间

制司将佐房一间 局兵房一间

四明续志卷七

排役

差役法肇于唐武德本朝因之以九等定役上四等则充下五等则免祖宗优恤下户之意槩可见矣自义役创于处之松阳天下多仿行之初意甚善歲久弊滋富民因以售利已害人之好此朱文公四弊之奏亦归之役首收田租排名次之不公也大使丞相吴公入相出藩凡田闾利病民情隱微不啻烛照 卜判庆元之明年目击六邑义役之弊其间有使细民执充一日半日而田连阡陌者反得免公谓非祖宗意昭揭晓示分委僚属覈物力之高下定征役之遠近或置庄率田或裒金鳩谷或雇募代役或随月轮充一界七年周而复始守之坚如金石行之信如四时富者不得以不义害弱者遂为邦民悠久无穷之利役籍藏于郡邑详且明此不复书

行移始末

宝祐五年十二月初三日奉钧判照对国家差役之法最为明备緣世降俗末人情奸狡诡计横生于是义役之说兴焉本所以救差役之弊不知义役乃所以大不义细民受害更重于差役此天下之通患而其患未有甚于庆元者大抵义役必有役首非各甲上户不能主役奈何只知利己更不恤人谓如一甲之中有上户二十家律以正差役法及倍法自合轮流充应却与此二十家结为一党派及下户有勒充一月者半月者十日者甚至有三日一日半日八分四分者不知出何条令县官惟胥吏之聽胥吏惟上户之聽私立甲簿视同官司文书小民只得俛首聽命间有经官陈诉者则上户率钱贿吏吏颐指县官或讯或杖或监廊或繫狱必使下民依应而后已不幸适有杀伤烟火盗贼及一切不测追捕之事役首又操纵其间随役户之嘱托事在昨日或移在今日事在上半日或移在下半日使当役细民应办官司支吾巡尉数亩之田不了货卖结拆数口之家不了抛离分散官吏肥上户肥而细民则日就穷困灭絕其强壮则流而为盗贼故所谓义役者特專为上户驛避差使之地而已不义孰甚焉且官司与上户所恃者民耳民困则上户亦岂能自立官司亦岂能自存胥吏正犹豺狼只欲借此吞噬固难责办如上户多是衣冠读书赴举仕族亦但知目前我有田园我有货财可以计防胥吏可以嘱托官员细民何异蝼蚁不妨尽尽欺凌实是不曾思量到底若见本府开说许多道理亦必省悟今本府痛察细民之苦合与扶持一番应民役义役各县委官重与整顿各仰先备榜晓示如民户无词即仍其旧如有不公不平去处即照本府约束将乡司寄收县狱责决配截手罪状从公开具各都各甲的实当充上户凡民役义役各与排定七年自新年为始上户照条充应一年其以次人户许两户或三户共充一年庶使七年之间细民得以安居田里安养生息其于国家根本关系不小各县风土事宜本府亦有未能尽知者仰条具甲闻务归于当以便百姓仍委各县知县提督并备榜府前市曹各县晓示续改委专官下县置局排结诸乡各都攒造籍册每都三本取押用印一留府一留县一留都以七年为一界役册则委司法防掌之

楼店务地

绍兴经界内该载楼店务地计二万九千九百三十丈二赤五寸及分等则令略具如后

第一等地

上则东安乡自府前街两岸取四明桥自能仁寺前市廊西街北岸至贯前巷口自贯前巷口市廊南北岸止永济桥

上则武康乡自能仁寺巷口市廊取东渡门南北岸及自税务桥阿满门首取鰲团内归西止团桥林保门前住井灵桥门直取宋端仁旧食店今施崇住及自车桥北巷口入两岸取郑允客店今吴猷可住

中则东安乡自贯前南西两岸取市心桥自南湖头西取旧酒务桥自四明桥南取行衙前至君奢桥并旧瓦子内自永济西街南北两岸直取朝京门住

中则武康乡自贯桥南东岸一带直取市心桥复回东向南北两岸至广惠寺桥曹承富门前住对南岸是周孚门首并自县南街东西两岸至大梁街巷口西岸系史武翼赁屋门前东岸街止天庆观桥及自丘家桥北至车桥南赵漳门前并自宋端仁旧食店门前取新排桥

下则东安乡自君奢桥南取仓桥自甬水门取威果营前细湖头至奉化桥自花行至饭行五通巷新瓦子自太保衙前宝云寺前至新排桥自贯前巷北法场东西岸至能仁寺西巷以王彦升门前直至寺前西岸西至东金判衙前庙住

下则武康乡自贯桥取东河下南北两岸直至盐蛤桥曲转取咸塘街东西两岸东至吴猷可客店元系郑允屋并自萧家桥南街东西两岸直取广惠桥下曹承富门前复转曲西取县学前南北两岸至巷林岳赁屋及林家小巷县西河下并自新排桥东取景福巷口

第二等地

上则东安乡自奉化桥北西岸至市心桥自旧酒务西曲取天寧寺桥自添差金判防鉴街西岸至鉴桥自渡母桥东岸北巷沿河东西两岸直至广仁巷口南岸住

上则武康乡自后团翁仲门前归东取南直至市舶司后桥住并自清水碶西取盖家桥曲北两岸至盐蛤桥西岸河下住油车巷及自市廊能仁寺巷陈康时门前东岸取北曲东西两岸直冲魏家巷肚并自市心桥南取新桥南王居隱赁屋及自塔下桥方安仁门前大梁街巷口方安仁赁屋

中则东安乡自四明桥下取竹行河下至章耆巷口曾家汇一带自蒋家带取福明桥及仓桥头自永济桥西岸北沿河下东西两岸直至东上桥自河利桥西岸北街两岸至方家桥自天寧寺后巷南北两岸方家桥至李明桥住

中则武康乡自广惠桥南戴述门前取东西两岸直至天庆观前止棺材巷并自广惠寺后桥蔡泾门前入小梁巷两岸至邋太丞屋后住及自陆博桥取东北两岸至新河头小洞桥住并隱仙桥下及天庆观后街取纪銳香店后住孔家巷口牢城营巷内许家小屋并新桥南杨从政赁屋前取楼宗博宅前并取塔下西岸黄卿赁屋及泥桥下取新河头戚新门前往

下则东安乡自章耆巷醋坊巷新桥南河下褚家巷自西岸至甬水门里河下北岸直取河一带止四明岭后自旧酒务西南街取保圣桥自广福巷取不 将营后取君奢桥能仁寺前巷东取西曲北取阮家桥并添差金判防后巷方家桥至西上桥孝文巷直至西河头南北两岸虹

桥五通巷东西两岸取壮城营王通判宅前周真家后天寧寺桥下南岸沿河取王参政府后曲南取州社坛并朝京水门

下则武康乡自姚家巷穿庵庙巷并自新桥南蒋璉廨宇屋头小巷屋底及自新桥南西壽昌巷入王中大廨宇屋自福明桥下直取楼宗博宅后巷自祥符寺前取景福寺鄞江门止丘家桥自戚喜门前止南寺后门周信门前自车桥下北取杨安常库前小桥下巷取全防营前

第三等地

上则东安乡自福明桥西取普照院巷至戒香寺县社坛自保圣桥取湖桥头自韩家桥里铸冶巷劳家桥自小头湖取水月桥自鉴桥东巷口取石礮头毛庆家住自鉴桥西至桃源洞后并州学西西河头林迪功宅西四家元系第二等下则无出入路降入此等

上则武康乡自魏家巷口入本巷西岸至巷防祝昉门前往自洗马桥东取北防营前桥下取新寺后门巷口直取西巷口自北八营前入缸井巷止南寺后门河头转取张童巷

中则东安乡自崇教寺巷一带鉴桥北巷并州学河东岸直至盐仓桥能仁寺东巷街西岸直至石礮头桥槐阴巷并河岸土地桥石版巷西曲取兴圣院东小路及曲取孝文巷取白塔巷西曲南至西河头两岸

中则武康乡自后市边家客店前西取县后至石礮姚振门前取南至能仁寺巷东住廊头草营巷自景清寺前东取兴教寺巷口西取景德寺后街巷口转取小巷魏璿门前北取泥桥下自波斯团止酒务营前转取丘家桥直取石版巷取白塔下朱惠屋后取程房门前取郁家巷

下则东安乡自保圣寺西河下取王参政府西取州社坛自圣功寺前取桥头西畔取袁登仕宅前自盐仓门西取达信门转取雄节营前曲取教场东巷至州后汇头自白塔巷西巷口北岸取郑堰门头东取旧法场威胜营前取东村富家后自杠桥北岸巷曲西小五通巷曲取应家巷宜秋巷自兴圣院东并院于后沿墙下直取郑堰门头

下则武康乡自陆家巷夏家巷张秀才巷并狮子桥取秋家巷后周信屋后转取奉圣院前曲取开元寺后

末则东安乡自观音寺前取鲍知府宅前自甬东门墙下延庆寺前自达信门里西沿墙取北郭旧法场自大教场后至此墙下自兴圣院前福田院直取应家巷宜秋巷头毛庆家至蟹池头

曲取盐仓桥

末则武康乡自石碶头取蟹池头资圣院园地曲东小路官城脚下自阴沟巷入取范□屋后自延庆寺水月桥南河城下取东曲转北

宝祐六年十二月有告于郡者以为本府楼店务地自来有租赁官司地段全不纳官钱而私以转赁于人白收赁钱者有止纳些少赁钱而影射者有十余丈地而岁纳官钱不能十数文者有坐据要闹之地三数十丈而分文不纳者有连薨接栋跨巷涉里号为府第之地而不敢过而问者遂使贫者日偿赁钱而富者白享厚利遂监楼店务吏取索自来纳钱底籍及所管等则并无稽考不得已行下诸厢抄具及防绍兴府例给由发下府西甬东两厢挨究总计二万四千四百六十四丈六尺一分四厘比绍兴经界实亏五千四百六十五丈六尺四寸八分六厘然绍兴经界初不具府西甬东二厢也今除府西甬东所得之数比绍兴经界实亏一万三千二百七十七丈一尺二寸九分六厘形势之家隐瞒胥吏相为茆匿百年之间亏折如许方欲行之见底则谤议所积如山经曰普天之下莫非王土又曰有土此有财有财此有用既居王土必输王赋此法也亦理也为有司者不过奉法循理而已今天下州郡王土有二一曰税地税地有和买役钱有本色折变有科敷差役一曰楼店务地并不输纳诸色官物亦无差科敷役等事止纳一项官地钱而已比之税地实为优轻若又隐匿规避则不复有人心矣大使丞相深烛其奸复宽其事大要欲使人知居王土则当输王赋非借是以图增衍也今据抄到地数较之绍兴年间亏折甚矣姑以邻郡等则给由输租每年共得钱一万三千七百三十八贯九百一十一文元系省钱续准钩判节文窃恐人户欺官匿赋之人不以本府为奉法循理而以为加赋苛征特从优防自上等以至末等其合纳官省钱并与作十八界输官以宜防而代输见钱公之仁心仁闻至矣民始信公非欲增课羨直欲正纪纲耳见钱折纳官防于官实亏十二万二百一十五贯四百九文十七界今具地段钱数于后

东南厢

总地三千五十三丈五尺六寸六分

年纳官钱一千九百四贯六百八十五文十八界

东北厢

总地六千一百八十丈四尺六寸三分

年纳官钱三千九百七十八贯三百九十三文十八界

西南厢

总地三千七百二十七丈九尺七寸三分年纳官钱二千五百二十二贯八百九十九文十八界

西北厢

总地三千七百五十一丈一尺一寸八分四厘年纳官钱二千二百六十二贯八百八十文十八界

府西厢

总地二千六百六十五丈四尺二寸三分年纳官钱一千五十五贯九百五十四文十八界

甬东厢

总地五千八十六丈五寸八分

年纳官钱二千十四贯一百文十八界

府仓斗斛

按周礼防氏为量必先改煎金锡不耗然后权之准之量之以为龠郑康成注谓四升曰豆四豆曰区四区曰鬴鬴六斗四升也郑盖祖晏子论陈氏豆区釜钟之說耳至班孟坚始有十龠为合十合为升十斗为斛然则斛即鬴也一谓六斗四升一谓十斗或者今世所谓省斗足斗之异欤然嘉量之铭曰时文思索允臻其极盖谓为民立法者作此以至于道之中也后世所在郡国取盈斛面虽曰听民自槩而加耗之数率是斗级簸弄手法以求羨余嘉量之意不复有存矣大使丞相吴公平昔践履大学絜矩均齐平一之义严揭榜示悉蠲仓敖苛取之弊不仰出剩不许朘撮如罚筹加防旧例一切禁截因旧斛脱壞不可用俾都吏揽户军头同共监造新斛【缺】只一依文思旧制且令人户自行防荡斗级等不得高下其手至如职田一项于晚增米内每硕蠲减一斗仍更不别添下数抹单钱九百文亦与除减四百此则宝祐四年十月之榜也

蠲放官赋

按四明志曰正税曰和买曰折帛曰折麦折盐实催绢四万四千三百七十九匹防五千六百五十九匹绵七万六千六百九十三两各有奇曰苗米曰折糯曰折盐实催九万八千余硕先是郡计不赡莫有宽之一分者大使丞相吴公建阍于宝祐四年之九月吏以元年后八料税色呈催公曰嘻岂以是朘吾民也哉乃首蠲鄞定象奉慈五县元年二料二年夏料共五十八万七千七百三十二贯四百八十文明年以季商肆皆有日除二年秋料三年折帛已陆续放免又先期住催六县三年夏秋绵绢役钱苗米湖田职田诸色价钱共四十万九千六百七十六贯五百一十二文九月以本任防剩到一百四十七万三千八百五十五贯文为六县官民预期代输六年折帛明年复住催五县四年二税等钱二十四万六千六百八十四贯四百一十九文开庆元年四县欠五年夏税钱八万五千七百八十二贯九百四十四文并从倚阁盖自公来镇于鄞弛以予民者无虚岁家至户到靡不被其泽益之象曰损上益下民说无疆县公有焉奏上玺书褒嘉恭录于左

宝祐四年九月十二日住催元年夏秋二料二年

夏料

鄞县三十二万八千二百三十三贯一百八十

四文

元年一十七万一千九百一十贯四百七十

七文

二年一十五万六千三百二十二贯七百七

文

定海县六万五千五百九十五贯三十文元年一万六千八百九十七贯五百六文二年四万八千六百九十七贯五百二十五

文

象山县五万三百一十贯七百五十二文元年一万七千五百三十三贯二十五文二年二万二千七百七十七贯七百二十八文

奉化县六万九千六百四十八贯五百七十三文元年一万九千一百五十五贯六百五十六文二年五万四百九十二贯九百一十七文

慈溪县七万三千九百四十四贯九百四十二文元年二万八千八百八十二贯四百四十四文二年四万五千六百二贯四百九十八文

宝祐五年七月十二日于明堂赦前两月先住催三年夏秋绵绢役钱苗米湖田职田等钱

鄞县一十八万八千六百八十九贯一百一十

二丈

定海县七万一千四十七贯一百三十八文象山县一万九千二百四贯二百四十五文奉化县五万三千六百三十三贯六百一十五文慈溪县七万七千八十二贯四百二文

昌国县二十贯文

宝祐五年九月十五日将本任内防到钱代为人户

积纳六年折帛

鄞县六万二千二百九十九贯文

定海县二万六千一百三贯五百文

奉化县四万二千二百三十五贯三百文慈溪县二万九千九百三十五文

象山县七千九百七十八贯八百文

昌国县一千一百七十八贯四百文

宝祐六年五月十日住催四年夏秋绵绢折帛苗米

湖田职田折价等钱

鄞县一十三万一千四十四贯六百三千四文定海县四万五千一百九十九贯四文

象山县七千二百二十三贯七百三十一文奉化县二万六千九百九十四贯七百文慈溪县三万六千二百二十三贯四十三文

开庆元年四月五日住催五年夏秋绵绢苗米湖田

职田折价等钱

鄞县六万五千一百四十八贯一百四十六文定海县八千七百八十八贯七百七十四文慈溪县九千三贯四百四十五文

象山县二千一百四十二贯五百七十九文奏状

证对臣一介庸陋夙误柬知自馆职而至宰辅尔来三十余年矣惟其事陛下最久故熟知陛下德意志虑念念在民是以臣屡分藩阃所至必以抚摩培植为第一义无非推陛下之德意志虑而致之民也岁晏力疲复被亲擢俾牧东藩感畏恩威罔敢辞避领郡之初即将宝祐元年二年四年四料苗税及三年折帛钱并与倚阁近又于明禋三月之前将三年苗税悉行蠲放以至存养鰥寡孤独扶持无告穷困亦曰不负所学以不负陛下而已然州县之弊日深吏胥揽户之奸滋炽前后所弛征赋虽几六百万犹恐在猾吏顽揽之家者多而及民者少若非将向去未起催官物预行宽恤则实惠岂能周徧田里臣祇役逾年苦身节用幸有余积契勘所管六县折帛钱一项以宝祐三年催到数目计之见钱十八界防子各计七万八千六百单五贯六十文共细计十七界一百四十七万三千八百五十五贯文臣见将本任内防到钱物拨出上项钱今桩库眼代为六县百姓输纳宝祐六年折帛钱一项庶几少副圣主惠养黎元之意而臣亦粗逃刍牧之责除已镂榜下六县晓示人户外谨录奏闻伏 勅防

褒诏

粤从分牧恪奉宽条既屡蠲往岁之逋租复代纳来年之常赋廉然后能无取公尔可见忘私良用叹嘉所请宜允

四明续志卷八

蠲放砂岸

砂岸者濒海细民业渔之地也浦屿穷民无常产操网罟资以卒歲巨室输租于官则即其地龙断而征之或兴或废宝祐四年秋大使丞相吴公之开阩也人谓砂岸废而民无统寇职以肆公因民之欲而奏复之越一年人又谓主砂者苛征而相吞噬者则滋讼公知其扰民也亟奏寢之或止或行悉因民欲民亦知公之心无他也旧所收砂租钱初以供郡庠养士贴厨水军将佐供给新创诸屯及出海巡遑探望把港军士生券本府六局衙番盐菜钱之费今砂租既蠲则以兴复翁山十五酒坊所收息钱补之

乞蠲砂租奏请

前岁之秋冒膺瀛阩上事之日适当海寇披猖之余遂行攷究本末多谓因沿海砂岸之罢海民无大家以为之据依因澥浦胡家渡税场之罢盗贼无官司以为纂节夺攘矫防因得自恣臣遂具奏闻乞行兴复就以砂岸税场所入岁计二十二万九千六十五贯八百单五文为庆元府帮支郡庠养士厨食钱十三万六千二百贯文为定海帐前水军帮支从阁制领将佐每岁供给钱九万二千五百贯为定海水军创支驾船出海巡连探望把港军士生券钱四万一千贯文为庆元府六局衙番帮支从阁每岁盐菜钱一万五千贯文为慈溪县管一新创夜飞山防遏寇盗屯戍水军岁支钱米五万六千六百贯文为象山县管一边海陈山东宿渡新创军船载渡民旅防遏寇盗水军岁支钱米二万一千一百二十贯文为定海县管下新创浹港防遏寇盗屯戍水军岁支钱米六千二百八十贯文已上共计三十六万八千七百贯文前所谓砂岸税场之入不足以当其半则以庆元府经常钱补之亦既逾年于此矣但臣始者之兴复砂岸税场不过欲为清海道絶寇攘之计今已将应千砂岸诸岙并行团结具有规绳本土之盗不可藏往来之盗则可捕又浹港既有戍卒则胡家渡澥浦一带不至空旷防闲备御粗为周密于是昨来兴复砂岸税场所入之课利仍可尽弛以予民矣但前来养士饷军之费一孔以上皆不可阙则臣见照常平条法召募土着上戸措置系额坊翁山等十五所岁入二十八万四千贯文又措置慈溪县系省官酒务岁收息钱七万三千贯文总两项为钱三十五万七千贯文以抵前诸项之费尚欠一万一千七百贯文则就本府醕酒库息钱内支拨庶几利之弛于民者可以徧及海陬而养士饷军之需又不至于违误而为庆元一郡经从之计臣除已一面备榜将砂岸及胡家渡澥浦税务照端平淳祐年间已降指挥并行住罢仍割庆元府将翁山等坊慈溪酒务每岁息钱专充前项养士饷军经常支遣外欲望圣慈降付尚书省给降省割付本司庆元府逐一遵守施行不许违戾谨録奏闻伏候勅防右割送沿海制置大使司照应宝祐六年五月空日

榜

当使前岁领郡之初人或谓近年海寇披猖如三山小榭等处有登岸焚劫之事皆起于罢砂岸而砂民无所统率之故遂具申奏及行兴复既复之后虽借所收钱物以助养士恤军等费

然或又谓大家上戸不能不因此掊克沿海细民又且词诉迭兴更相吞并殊失本司兴复之初意又胡家渡澥浦二税场人亦谓住罢之后官司更无纂节因此数十里之内莽为盗贼出没之区亦遂具申奏乞行兴复继而议者又谓于公家利益甚少而税场为民害者不费徐而察访言亦非虚当使于是复思变通之术将见措置翁山十五坊及慈溪县酒务岁收息钱抵偃所收砂岸钱及胡家渡澥浦两税场之入又将砂岸诸吞差官团结使本境之盗无所容外境之盗不可入则前所谓砂岸无所统率而盗贼纵横之事不必虑矣又于浹港置立小屯则前所谓数十里之内官司并无纂节而莽为盗贼出没之区者不必虑矣遂行具奏乞将砂岸两税场仍旧住罢庶几除害而弛利可以为此郡悠久之计今春□夏网已行了毕砂岸之家已收一年之利住罢正当其时其详备载之省符但岁支养土及诸屯券食并将校添给兵番盐菜等钱计三十六万八千七百贯文一孔以上不可违欠全借翁山十五坊及慈溪县酒务所入制司所当常加意点检使所入常足以支所出方无阙误案备榜府前市曹有砂岸县分及翁山诸坊慈溪县酒务张挂晓示

蠲免抽博倭金【收养飘泛倭人丽人附】

倭人冒鲸波之险舳舻相衔以其物来售市舶务实司之然借抽博之入以裨国计疏黄板木而已金非所利也倭金怀袖所携铢两几何而官吏之虐取牙侏之控扼卒使之干没焉非朝廷懷遠意大使丞相吴公力陈于上请弛其禁勿征愿代输之上可其奏取岁额之酌中者为準制司岁抱解三万六千五百六十六贯文于岁收市舶司回税钱内支拨就牒赴市舶司交管起

自宝祐六年始公又念倭人之流离于海上者多阻饥并请就本司人各日给米二升舶司日支钱一贯五百文候次年归国日止朝廷从之世未必有知公用意之深者

奏状

臣窃见朝廷行下仍放倭商赴市舶务抽博深得时措之宜但有一事于朝廷岁不过捐十七界万余缗之楮而可以深得遠人之心者不敢不以上闻照得倭商每岁大项博易惟是倭板疏黄颇为国计之助外此则有倭金商人携带各不能数两未免深藏密匿求售于人蓋其所贩倭板疏黄之属多其国主贵臣之物独此乃倭商自己之物殊为可念緣舶司例合抽解多为此间牙人啜诱谓官司有厉禁常为汝密行货卖遠人不察其伪多以付之奸牙辄为所匿且胁以本朝法令之严倭商竟不敢吐气常懷憾而去臣叩之舶务四年博买之利所收止八千余缗五年博买之利所收止万余缗朝廷以万余缗十七界之利而失遠人向化之心必有所不肯特前后官司未有以上达者尔臣除已关报市舶司今次倭船到岸免抽博金子如岁额不可阙则当以最高年分所抽博之数本司代为偿纳伏望圣慈即赐睿防行下舶务免将倭商金子抽博施行所损无毫厘而所益何翅丘山伏候勅防

申状

本司照得每岁舶务抽博倭金之利多者不过二三万缗旧楮而罗织漏舶之金极不过十数两惟宝祐五年分前官叶检阅体国生财之意太重比之常年检察倭商漏舶之金为数独多

遂有六万七千二百余贯无艺之入然在朝廷何翅万牛之一毛而使倭人怨之丽人 之其在四方承平之时尚可其在海道多虞之时则断断乎其不可也欲望朝廷特赐详察拖照前申罢倭人抽博之微息弛倭人漏舶之厉禁以示朝廷懷遠之恩其所关系实为不细仍乞速赐行下舶务及本司照应如朝廷未以为然即乞就其中择抽剥利息最高年分容本司抱解施行伏候指挥

再申

照对本司近具奏申乞将倭人之偶为风水飘流者本司日给白米二升市舶司日给十七界一贯五百文候次年归国日住支已防朝廷从申割下又一项乞免将倭金抽博以寬其一线营生之路以免其数十年为官吏牙佞欺骗之害朝廷歲失课利不过十七界一二万缗而可以收遠人之心未准朝廷竟行从申潜实非好异以损舶司课利益緣倭与高丽为邻已服属于鞑靼万一彼生奸狡谋我者无所不至风声扇诱转而至于倭则中国之忧实未可量所以小小羈縻微微存恤使知朝廷之仁心仁闻则遠人愈将向慕中国此正潜区区之微机也今准省割备坐提领所申每歲抽博倭金数目大率增擡且以舶务每岁官吏牙佞罗织倭人指为漏舶白行罚纳之金袞为歲课此正失倭人心之大者官吏不知大体积以为能特未有以告之朝廷者潜忝预旧弼况当海道警备之时而隱情不言其罪大矣况每岁正抽博之金实不过一二万缗课利而所谓骗取漏舶之金亦极不满一二万缗此何止千万牛之一毛哉谨别具状开申欲望朝廷详察事体亟赐行下本务免行抽博永以为例庶几海道密享懷遠之益忱非小补

省割

市舶所申准都省送下沿海制置大使司申【云云】奉钧判送所区处申本所契勘各年抽博漏舶实解到金分两价直并抽博净息钱数本所主管文字赵与毗拟照得庆元舶司每歲所收倭金除漏舶外抽博之数固自不多吴观文申乞免抽博就其中择抽博年分抱解欲照所申具申朝廷乞割下制司每岁倭船到舶照酌中年分宝祐五年抽博息钱从本司抱解三万六百五十六贯十七界令项解发施行割送沿海制置大使司从市舶所点对事理施行

收养丽人

公既请于朝收养倭人之流离者矣宝祐六年十一月水军申石同山有丽船一只丽人六名飘流海岸公命帐前将校取之来诘其所以张小斤三则丽之李枢密藏用家奴也金光正金安成金万甫卢善才则丽之万户土军也金惠和则丽之还俗僧也各因本国迁发把隘驾船往白陵县收买木植是年十月十三日在海遭风不知所向飘流至石同山具言自癸巳岁丽主避敌徙居海岛之江华县岛濶三百余里其去陆岸之程亦三百里仅存南计北计十七州敌歲一哨则事之以宝货间遣使至新都延之承天馆馈遗丰甚自戊申后敌使不屑渡海丽主躬帅其往承天府礼逆之祈免□掠彼必欲丽主复归旧都此惧其给已卒不从敌于是连年围海岸逼新都境土就荒米价翔踊银瓶一斤易粟三苦【准中国一硕】民殍死者众敌

退丽人始还旧巢采栗以充饥取松实以售商贾有崔令公世积金谷今年四月八日令公出礼佛丽主遣人乘间诛之尽发所藏赈军民国粗定又言有向上头目人洪服良因在边皆丽归敌今丽有贡必遣往服良所因以转致于敌自江华至服良所约七日自服良所至敌遂近则不可知也丽有三窟曰早窟曰山水窟曰袈裟窟俱为敌蹂躏兵弱昼不敢与敌战夜仅能偷劫势终弗支今兵船之在海岸者号三十九领领二只又都兵马大船十二只大船面濶三丈长亦如之状如箕织席为帆便于正顺风而已公以其事上闻且从本司日支六名米各二升钱各一贯及归国则又给回程钱六百贯米一十二硕公于懷遠御外周且密矣

收刺丽国送还人

开庆元年四月纲首范彦华至自高丽赍其国礼宾省牒 遣被掳人升甫马儿智就三名回国制司引问马儿者年二十六扬州湾头岸北里解三也十二岁随父业农秋时为防古掠去部长孟克叔 珠济达大王所拨 呼尔哈部下牧马剃作三搭髮取名马儿年十五时又见兵至一人即今升甫也升甫年二十四本姓冯名时临安府人生七岁父以庄田在淮安州盐城往居焉淳祐九年为兵所掠亦 呼尔哈智就者年三十八德安府人黄二也家市缣帛有庄在城外之西罗村十四岁金国投拜人杨太尉仕于德安阴结李全妻小姐姐贰于金以叛黄遂为兵所虏金主第三兄使往沙沱河牧羊凡三年异州种田凡十二年咸平府运粮凡六年宝祐五年七月头目人奇噜达领贰万人出军冯时解三皆以牧马从凡两月至丽界首东路屯于和尚城丽师不出及十一月从雨马多冻死人且馁冯解谋逸归本朝匿深山中师退丽人取以归寘岛上六年正月入丽京拜国主月给米养之旬余黄二亦至皆在汉语都监所宿食三月发入范彦华船又逾年三月船始归制司即备申朝廷以各人本贯并无亲属欲收刺厢军续准省劄从所申收刺解三取名解福冯时取名冯德黄二取名黄恩并收刺崇节指挥专充看养省马着役【丽国省牒附见于后】

【高丽国礼宾省牒上大宋国庆元府当省准贵国人升甫马儿智就等三人从被北人捉拏越前年正月分逃闪入来勤加馆养今于纲首范彦华俞昶等合纲船放洋还国仍给程粮三硕付与送还请照悉具如前事须牒大宋国庆元府照防施行谨牒已未三月日谨牒
注簿文林郎金之用注簿文林郎李孝悌 丞文林郎金光遠 丞文林郎潘吉儒
试少卿入内侍文林郎李軾 卿朝识大夫任柱
判事入内侍通议大夫三司使太子右庶子罗国维
判事正议大夫监门卫摄上将军奉君用】

賑济

富韩公镇青州廩民之老弱病瘠者活五十余万人人至于今称之大使丞相以韩公之心为心凡鰥寡孤独困穷賑贷无倦色宝祐四年九月至镇十月济一万七千六百九口支钱四万七千五百四十五贯米一千四百九十八硕八防五年十二月济二万三十四口支钱三万四千二百六十二贯文米一千七百一十三硕一防六年二月济衆一万七千六百五十口支米二千二百一十三硕开庆元年四月济二万四百三十九口支钱七万二千五百五十八贯文

米一千六百五十九硕九防公有实德于鄞歌之者曰膏雨吾土襦袴吾人其惟吴公乎

宝祐四年十月济惠字号人户

东南厢

大人二千五百八十一口每口钱三贯文米一

防

小儿一千二百四十口每口钱二贯文米五升

东北厢

大人二千九十一口每口钱三贯文米一防小儿八百二十一口每口钱二贯文米五升

西南厢

大人三千三百一十三口每口钱三贯文米一

防

小儿一千五百一十八口每口钱二贯文米五

升

西北厢

大人三千一百三十七口每口钱三贯文米一

防

小儿一千一百七口每口钱二贯文米五升

甬东厢

大人五百六十二口每口钱三贯文米一防小儿二百五十八口每口钱二贯文米五升

府西厢

大人六百四十三口每口钱三贯文米一防小儿三百三十八口每口钱二贯文米五升

宝祐五年十二月济惠字号人户

东南厢

大人二千四百八口每口钱二贯文米一防小儿一千二百七口每口钱一贯文米五升

东北厢

大人一千三百四十六口每口钱二贯文米一

防

小儿一千二十八口每口钱一贯文米五升

西南厢

大人三千九百六十六口每口钱二贯文米一

防

小儿二千二十九口每口钱一贯文米五升

西北厢

大人二千七百三十三口每口钱二贯文米一

防

小儿四百七十六口每口钱一贯文米五升

甬东厢

大人二千一百七十八口每口钱二贯文米一

防

小儿七百四十口每口钱一贯文米五升

府西厢

大人五百九十七口每口钱二贯文米一防小儿三百二十六口每口钱一贯文米五升

宝祐六年二月济衆敏字号人戸

东南厢

大人一千五百二十九口每口米二防

小儿六百三十口每口米一防

东北厢

大人一千八百九十三口每口米二防

小儿七百二十八口每口米一防

西南厢

大人二千二百六十七口每口米二防

小儿一千四口每口米一防

西北厢

大人一千七十二口每口米二防

小儿三百五十六口每口米一防

甬东厢

大人四千七十三口每口米二防

小儿一千四百六十四口每口米一防

府西厢

大人一千六百八十六口每口米二防

小儿九百四十九口每口米一防

开庆元年四月济惠字号人户

东南厢

大人二千二百六十口每口钱四贯文米一防小儿一千二百二十五口每口钱三贯文米五升

东北厢

大人二千三百口每口钱四贯文米一防小儿一千二十八口每口钱三贯文米五升

西南厢

大人四千九十七口每口钱四贯文米一防小儿一千九百二口每口钱三贯文米五升

西北厢

大人三千二百三十二口每口钱四贯文米一

防

小儿九百七十七口每口钱三贯文米五升

甬东厢

大人九百七十八口每口钱四贯文米一防小儿五百三十八口每口钱三贯文米五升

府西厢

大人六百四十四口每口钱四贯文米一防小儿四百八十九口每口钱三贯文米五升祈祷
【龙见附】

宝祐五年夏六月不雨大使丞相焦劳请祷靡所不至乃延广仁院白衣大士若灵应庙神祠山城隍诸像列公堂而祈焉一日亭午骄阳如焚公方露香祷于庭俄密云起南方有黑龙见蜿蜒飞动万目骇视雨随下如注四郊霑足岁事独稔于旁郡六年三月种未入土弥月旱亢人情皇皇公齐心祷祈如前望日迎天井山蜥蜴神虽间霖霖卒未大应公谓民命近止雨少

缓则不及事即齐宿真隱观设碧玉醪以告于帝时夜半焚章雷雨沛然彻旦未休黎明公还府夹道呼相公雨欢声如雷河流洋溢农皆荷锄乃亦有秋民不乏絕者公之力也开庆元年五月苦旱潦不止低田凡三蒔秧淹没而偃民搏手无防禱禳无所不用其极公曰虚文非所以格天也乃命僚佐决府县三狱讼出系囚尽蠲五年以上苗税減放诸酒库一分息着为额令下百姓鼓舞阴云解駁天日清明公又虑积水之害禾也委官周行田野徧启诸闸有碍堰所不能泄者则决之水既疏苗之仆者兴焉越两月雨复愆期公禱辄霁岁卒大熟蓋三年之间常旻苦雨无岁无之公一忱所格如响斯应民虽至迫切亦恃公以无恐公诗有云数茎半黑半丝髮一片忧晴忧雨心念虑未尝不在畎亩间也 曰闵雨者有志乎民者也喜雨者有志乎民者也其公之谓乎天井山蜥蜴神公为请于朝元年七月已侯封者加二字未封者悉侯之蓋以旌龙见之灵云

瑞麦

淳熙三年皇子魏王判明州时象山县麦穗两岐王闻于上刻石鄮山堂可攷大使吴公以旧弼判庆元府开庆改元四月奉化县圣姑亭山产三穗麦眎昔过之异瑞休祥惊燿羣目意者视饥由已天以是答今之后稷欤公虽偃藩每以四方水旱盜賊为 忧不言祥瑞蓋古大臣用心云

四明续志卷九

登镇海楼

鄮山深处古明州新有江南客 楼鳳阙天连便望日蛟门海宴不惊秋头颅已迫残年景身口聊为卒歲谋萧飒西风吹败叶满眶清泪自难收

对黄花

当年脱却戏衫回又被官差唤出来疾恶念轻緣练歷好名心 为衰摧莫愁白发家千里且对黄花酒一杯信美江山非我土 空凝竚更徘徊

呈萧山知县

【丙辰九月旦日絕江抵萧山老懷万感偶成唐律一首呈邑大夫】

八年两唤浙江船吳越青山相对妍长愧主恩难报答不知人事几推迁香浮菊桂秋将暮景迫桑榆歲可怜荒县今宵孤馆梦四千里外楚云边

分定

丁年曾授此东州 賸天得罢休七上八下忽九闰十洲三岛终一游人言官贵体当重自笑儿痴病未瘳只为君恩深莫报明年春尽得归不

自叹

门槌柏板久收藏又向棚头弄一 束防冠裳新上舍经营粥饭旧街方乱鶩啼处客回首落鴈声邊人防肠堆案文书销永日谁云燕寝凝清香

诸儿怜我太焦熬我把真机告汝曹外白内黄常抱守出朱入墨任纷挠治齐固有曹参逸理蜀宁无诸葛劳毕竟食焉而怠事天刑人祸恐难逃

阅城壁

内江外海四周围正是绸繆戶牖时北瞰登萊山不碍东渐倭丽汛难期未须鷁鷁增威势已觉狴𡔷受指挥敢谓虚名弹压得多应一念老天知

歲晏无聊收【缺】 氏讯

参成凋郡力难任雪上加霜两鬓侵四五更头猿鹤梦数千里外鹁鸽心老来倍觉光阴促休去方知意味深【休去禅家语】陶句邵诗消遣具晚牕无事且防吟

朝谒归省文书

面拥旌旗鼓乐随谁知锦被里疮痍吏那秋敛充春赋兵待朝输作暮炊缩手判支穷措大攒眉书準老沙弥此是履翁新活计鴈书多报故人知

喜雪

黄竹歌中百姓欢去天近处雪花干蔡洄事业方归度剡曲风流欲访安便觉光辉生万里定知润泽被三韩衰頹老守煨残芋白战犹堪上将坛

元防去歲失其官今歲谁云补过难谢院撒盐飞 隋堤剪帛散戈戈檐储宿肉喧山鹊路没遗踪走野豸管取明年书大有饱抄云子饭加餐

再赋喜雪

黑风剪水作瑰琦散落人间贱似泥万象直教还朴素千岐何幸尽平夷征人遶路昏投店戍士乘城夜守陴不识艰难惟党二销金帐底饮羔儿

夜深如水泼衣衾晓防皜皜冒碧岑以洁藏污窥物理由仁行义见天心但教南畝多呈瑞何必东夷屡献琛麦熟吾时归印绶不能者止念周任

喜雨

雷使巡行徧五方夹秋不怕旱为殃人间祥瑞三伏雨枕上吟哦终夕凉已卜晚青催出穗且将早赤急舂粮有司不损应言损随分蠲租助盖藏

莫嫌暴冻势如歎此是家家老饭盆雨足蛟龙应得谢秋登鸡犬亦防恩频年已喜稼无贼今歲尤欣禾有孙回首江南田谷口西风防防倍消魂

再用前韵

行雨龙公屡易方魑妖谁敢扇余殃田畴接得三年熟枕簟供来几夜凉更喜征夫无减灶定应行旅不赍粮寄声鄞土黄承事有粟何须更窖藏

不假焦仙把酒歎须臾澍雨若翻盆官应可了劬农事天岂终慳及物恩无复絶粮忧鲁叟何须进食念王孙只愁撩得秋声动老客他乡易防魂

再用前韵各赋三解

九天膏泽沛羣生尽扫螟蝗蝥□殃即刻焦烦成爽垞何时繁富换荒凉淅场定是多遗秉栖畝爰知有剩粮却笑茆门穷措大瓶罌脱粟正深藏

神虬卷水向空歔沟洫充盈到盎盆天上只消些小力人间知受几多恩江沱乐意鱼夫妇淇澳生涯龙子孙无限槁枯皆被泽阿香一击尚惊魂

密云能雨自西方不假巫尪解息殃地产固应滋物产天凉那更挟心凉未忧悬釜供苏爨何事量沙作糗粮临得顏公乞米帖从今歲歲只珍藏

赤米炊香两鼻歔白盐不用置牢盆家家已了收藏计物物何知造化恩衣褐寬来姑唤妇垣墉补处祖将孙江乡此际鸡豚社里舞村歌入梦魂

先生粗有辟邪方不怕鱖鱼解降殃今雨收功真溥博早秋得势已凄凉幽场栗栗方登谷汉甬陈陈可峙粮此是邊筹居第一贾生表饵且韬藏

牀头酒熟气蒸歔嘉饭何妨置瓦盆醉饱不知身世事思量难报后皇恩垂髫牧子行牵父戴白山翁坐拥孙却笑东征西讨客龙堆万里欲飞魂

喜雨

古佛炉前一炷香神龙夭矫挂空苍人间祥瑞六月雨枕上吟哦终夕凉不待白渠纷畚鍤俄惊赤卤屹仓箱自慚太守无功德帝力惟知荷圣皇

西抹东涂老不禁芙蓉洲畔更浮沉数茎半黑半丝髮一寸忧晴忧雨心乌糞且欣将淅玉红莲何翅已抽簪小臣献谷防尝了深密山林可访防

晚上危楼望碧岑云烟开阖弄晴陰见前鸥鹭移心法何处防梟过耳音好雨十分催暑驾凉风一宿动秋砧谁怜老子思乡泪滴向鄞江未是深

再用喜雨韵

古説云香雨亦香天工岂是色苍苍寸瓢假手何烦靖斗酒开眉不换凉 □已欣登杵白绶絺渐可纳巾箱拟赓周雅鱼丽什堆案文书未暇皇

热恼烦蒸正不禁火轮忽向半空沉屯中信有云雷象复处方知天地心便拟新秋先上印何须晚歲始投簪江山信美非吾土栗里时从蝶梦防

雨脚如犇冒遠岑須與六合变层陰坐回物物昭苏意想见村村喜笑音翁詫稻梁营米栈妇思裘褐拂衣砧定知一熟酬诸愿击壤歌中此感深

三用喜雨韵

雨缶云瓶剖阿香弥漫何处辨 苍衰翁顛顚忧三伏古佛慈悲赐一凉但愿有緣乘欸段岂应无梦驾偏箱西风谷口秋田熟休问奇章与赞皇

虬龙未必要呵禁从喝无緣便陆沉未遂明农归老计且寬忧国愿丰心披襟雅称琉璃簟散发何消玳瑁簪只怕门前多襜褕文书衔袖苦相防

电掣金蛇跨列岑秋阳翕忽转秋陰俄惊石鼓无停响坐聽檐花不防音玉秫已堪供瓮酿紫螯渐可付庖砧一年好处相将近分外乡情此际深

四用喜雨韵

园林过雨宿荷香犹挂轻綵佩水苍老去只应休去好秋来方是晚来凉倦翎网已离三面病顚车难服两箱多幸时和歲丰美只将心念报虚皇

背人歲月苦难禁乌兔相迫互起沉防检平生如梦事保全晚节是真心围腰減削那胜带种发萧疎不上簪从悟盈虚消息理香山莲社拟追防

北岑飞雨过南岑遠嶂晴明近嶂陰老桧婆娑方午色孤桐摇落忽秋音庭稀鴈鷺飞符檄海絕鲸鲵伏斧砧此是老臣聊报国仁声敢谓入人深

五用喜雨韵

黯云泼雨土生香不解琮黄与璧苍天道从来關感应人间此际换炎凉青灯可近聊凭案緗帙堪翻漫启箱牕外 虫声急出坐看斜月照堂皇

痴风肯雨骤难禁撼壁掀牕夜向沉百种已灰当世念一团都是故乡心伏駕扑墮牀头幔饥鼠衔翻镜上簪闲打无为坐空寂譙楼五鼓已侵防

家家获稻积如岑不问山椒与谷陰沽去村醪醺醪味吹来陇笛箎 音舖儿喜笑迎郎罢馐妇謹欣就藁砧雨玉雨珠无此景须知造物用情深

六用喜雨韵

午牕随分理残香扫地關門付小苍连夜月无

昨夜色今朝雨有几朝凉白头怅望家千里黄

耳寄归书一箱徧问西畴全熟否还乡百口免

忧皇

毋烦符祝不祥禁并遣商羊旱魃沉自媿何關

太守力谁知最切老婆心苦身见説汤诛髮沾

体曾闻禹堕簪干溢两无年大有君王德泽海

千防

云霾几日障危岑户牖绸缪要背陰又是撩空孤鴈唳那堪穴壁乱蛩音潘郎寂寞嗟轻箠楚女凄凉起防砧大抵人生嫌老大一回秋思一回深

七用喜雨韵

鼻观初闻九里香小山幽桂老尤苍纵然有少残零热自是无縁顿段凉似觉衣襦嫌楚葛便教牀榻卷巴箱虬龙雨足当休谢谁与飞牋叩玉皇

頽年寒暑不能禁休较 枵与实沉自古难消儿輩口从来幸契老天心农登稼穡多储寶盗息萑蒲罕窃簪持此効君强曝背庶几三径许归防

防干小倚望遥岑晓霁朝朝换午陰越鰲已收天外影吴鸿尚帶雨中音海濒客子秋衔袖塞上征人夜拊砧都是一般无意绪闵劳争奈主恩深

八用喜雨韵

饭抄云子得能香秋赛村村答上苍雀集田畴营宿饱牛闲篱落卧新凉栖栖底用干邻粟翼翼惟应咏我箱一稔居然寬百虑不须禹稷更皇皇

残暑如蒸尚不禁坐邻三鼓斗杓沉雨调可是月离毕时熟元来歲在心筋力不堪凭几案头颇惟便卸冠簪呼童火燎焦防种投隙藏虚未易防

砾石何分埠与岑神功且幸景多陰愿闻庆义空中语喜听子期岩下音南圃壁悬居士杖西邻牀撼女郎砧消磨乡思凭杯酒力不能任莫放深

九用喜雨韵

何消黍稷荐馨香三尺 头即昊苍雨缶决来如此溢风车输与自然凉问他金玉堆成防更使珠玑积在箱逢却年饥堪煮否移民移粟定旁皇

倒瓮翻盆势莫禁旱滩焦磧尽低沉定知此喜非常喜只是将心去比心人乐和丰方卖剑谁贪遗滞忽亡簪村翁曳杖前山去丁祝孙来酒户防

家乡千里隔千岑想见飞鸣鹤在陰留滞又烦山寄檄平安且幸竹传音漫夸斋静香凝寝但觉檐高响发砧若把悲愁情绪较蚤秋不似暮秋深

十用喜雨韵

江南九月菊花香猎子牵黄与臂苍歲幸丰登连楚越地非饶薄比渠凉雨收甘泽归三印雷斂神功入五箱作解功夫都了毕不须赤子更回皇

喜极夫何恨不禁五更霜角夜声沉滴残塞北征夫泪防碎江南游子心从客情懷愁似织休官时 梦非簪寶陶老子相怜否苦海应援纆万防

览辉仪鳳下高岑有道朝廷决决陰宣室礼成

熙洽象明堂乐奏治安音嘉祥已庆连金穎盛

事还祈献石砧只道太平无以报谁知尧德舜

功深

劭农

朝廷差下劝农官同向郊原防检看 圃事兴杷杷冗田畴功毕桔槔残上租郎主丘丘定输米官司粒粒干虽是太平今有象愿陈七月述艰难

因见他乡黍稷收令人乡思转悠悠新篘白酒鸡豚社旋摘丝莼鲈鴈洲好处光陰长是客老来情绪更逢秋尧夫六十三休致前輩风流可继不

名园乘兴小留连洛社风光在眼前突兀楼台多占水陰翳花竹小窥天建封已去悲春燕樊素何之咽暮蝉人事废兴浑若此凭栏对景一凄然

出郊用劭农韵

连樯载米去输官只得将为乐土看
饷互豚蹄秋愿了饱均鸡犬午春残
门前扫刮犁锄净屋上铺添稊秸干
识字田夫充长吏了知图易在思难

水光山色尽兜收老子穿林兴尚悠
眼底有诗皆锦野心头无事即瀛洲
鸚鵡岂较物和我螭蛄何知春与秋
所谓人生行乐耳如斯逝者可追不

怕见书空鴈字连可堪清泪落尊前
谩因上澣休闲日出见初秋莹净天
人正慕羶争似蚁谁能换骨蛻如蝉
细思回客吾徒尔而我何为独不然

闻同官防碧沚用出郊韵

碧沚堂前瞰水官只应唤作玉壶看
颇闻秩秩玳筵展莫遣匆匆银烛残
酒付别肠宁怕窄诗由广舌不忧干
老夫孤坐三更月欲往从之良独难

万顷蟾光浩不收花汀竹屿思悠悠
黄公所隐知何地贺监宜归乞此洲
良夜最佳惟午夜今秋偏好是中秋
举杯酒露月同吸仰面青天可问不

暝色偏宜水色连横陈好景向尊前
是人享用无遮月谁子装褊不染天
细阅人生幻泡影了知世事雀螭蟬
赏心乐事休空掷邂逅相逢不偶然

出郊再用韵赋三解

此时尉候迭专官木落郊空最好看
海桧不为时节改岩花未觉色香残
明堂柱下捐橐散清庙笱中荐豆干
天地无私能物物飞蚤终自负山难

山朋水友讯频收怪我明农事转悠
南墅麋猿专一壑东溪鳬鹭据三洲
人间顛倒舟移夜客里凄凉坐阅秋
六十余翁何所恋金鸡赦了可归不

见説蓬瀛上界连谁知只在眼睛前
但须牢踏脚根地更要放开心里天
世事可怜旋磨蚁人情争慕集冠蟬
但教禁齋曾知味不似鱼羹饭泰然

平生惯作牧民官不作朱幡 防看
惟有寸心存惻隱谁怜只手补创残
树蔬人要哇哇润种麦农便陇陇干
乍雨乍晴都恰好老天谁道叫呼难

空绡图画几曾收楼外苍林遠更悠
日暮羣乌投栎社天长数鴈落芦洲
爲谙世上空花景最喜山中落叶秋
官事渐稀农事了携壶挈榼可容不

水聚山环旺气连荣华富贵各揜前
劫从无始认为我数到有终还是天
晓月园林空唳鹤晚风亭树谩鸣蟬
寄言世上耽迷者所美当知非美然

老大头皮捉出官转头重九又看看莫愁客里黄花负只恐尊前白日残喜得赐封天燧息合教入塞敌心寒【闻敌人有南犯淮堧之报故云】丰年喜色眉尖上一笑相携肯作难午香一缕篆烟收欹枕方牀此景悠便觉梦防桃叶渡不知身在菊花洲簿书堆里挨排日砧杵声中防送秋坏户蛰虫犹识候人生知觉似渠不

牕草池莲乐意连一防直到太虚前拈来瓦砾无非道触处鸢鱼共此天鶉固珍羞元是鼠口虽秽物却为蝉神奇臭腐相更禅妙理谁知所以然

再用出郊韵似延庆老

菩提只在摄心官日观元同月观看万种因縁都是结一花根蒂几曾残祖师曾誓疮脓坏讲主能参屎橛干百硕麻油摊树上得来元不见艰难

工夫全在放时收鷄过新罗路太悠世网爱河千渤泡人寰苦海一浮洲要知坐卧并行住只在春冬与夏秋昨日亭前柏树子分明説法听闻不

普殊难叶一钩连勘到释迦文佛前口里巴巴縁十地眼中盼盼是诸天泥涂烂处藏头鼃高树梢头脱殻蝉各自身躯各自性谁知各自本同然

登延庆佛阁用出郊韵

东西南北幸同官休作班荆解后看一笑喜逢粳秫贱相攀莫待菊茱残沙鸥防防投波没檐鹊声声带日干美景良辰同赏乐四并谁道古来难

高阁都将万象收凭栏睇望兴何悠张郎遁世谁家谷孙子成仙何处洲风雨喜无临九日江山幸有答三秋年丰市井多欢笑老子婆娑亦可不

遠峰近嶂似环连拥翠排青到面前可圣可贤桑落酒不寒不暖菊花天吐吞湖海酌金甌批判烟云挥玉蟬此客坐中应不欠逢何惜一趺然

再用出郊韵

父老休惊作长官只将田畯一般看汝应西墅功将毕我亦南柯梦向残夕照拖云枫影乱秋风扫地叶声干瀛仙岛客知何处防杖相从正不难

遠山空处防云收一段秋光野思悠鷹隼不妨侵碧落鱼鳧自觉得沧洲桑榆晚景能多日桂菊他乡又一秋聊记清尊浇眊矂兹游还可再防不

屈曲蜂房蚁户连秦箏羯鼓緑牕前尽教迫窄无余地谁道虚空有剩天是处画堂余燕雀几

家高屋画貂蝉闲堦细草蛩声急极目烟波正渺然

三用出郊韵

从来此地出高官绮屋连云画里看十里湖光多様好百年人事几回残菰蒲带露枝犹湿防
防逢晴把便干乐歲何妨歌乐职簿书纏缚敢辞难

高桥第一战功收从此江沱歲月悠顾我壮懷成槁木令人老泪落荒洲西风何处鸡豚社东
里此时鱼蟹秋一笑回头便今古赏心乐事可重不

金屋无人唤阿连碧桐依旧綠阶前境瞞眼处非關物事换头时即是天秋水岸邊凝鹄鹭晚
风枝上沸蜩蝉静中阅动浑如此描画何须倩巨然

四用出郊韵

慙愧曾尸一品官如今已作倒盆看但干驰逐心都歇只有登临兴未残欲扫云烟忧笔秃拟
浇尘土怕壶干旁人莫把衰翁笑追趁跻攀尚不难

四望青山宿雾收白鸥浩荡意悠悠红旗不用穿三市画舸何妨访十洲台榭装成多様景水
云占却几分秋洛阳耆旧名园记般入明州志可不

一望平湖万顷连恍如身在鷺峰前筑涂成宅难移地叠石为山欲夺天綠萼枝方停晓鳳白
杨树已咽寒蝉達人大观綠如此万事都来付且然

五用出郊韵

寄语头衔水利官隄防莫作等闲看田畴虽幸收成早沟洫犹疑灌溉残劝课农桑心独苦丁
宁父老吻应干米从布袋痴儿事我輩须知稼穡难

看他南畝十分收归去来兮事尚悠梦里便防青栎社生来几过白苹洲向前七袞无多歲更
后三朝即半秋如电如陰如幻境还知生熟路头不

防鸿本拟与鸡连一笑西风沆□前放步退来元有地从头算去莫非天可怜高举抟风翮争
似低飞饮露蝉若使危机能彻底盈虚消息岂其然

劭农翠山赋唐律二首

小队旌旗上翠岩松风十里鎖禅關水深水浅高低涧春淡春浓遠近山乡思猛随苍鸟去客
心暂与白云闲天公已是多情杀特把淋头雨放慳

老守忧民若已伤三回奉诏劝耕桑周家绵远农开国汉室兴隆谷腐仓麦绿少地锄山种水
怕多流彘石防田里熙熙如乐土更祈四表共平康

梅花小吟

难唤林逋伴客游占春亭畔独夷犹一花两蕊意方遯三岛十洲香已浮清晓园林霜似练黄
昏栏槛月如钩若还説着和羹事只恐渠侬笑不休

占春亭即事

桃花几片隔墙飞独自危楼徙倚时目送防鸿云外没东风吹泪落天涯

见他门户插垂杨懊恨江南客子肠春梦谁云无準托连宵合眼是家乡

薄雾轻烟柳际浮堦前细草绿初抽年年春事年年恨一担担来是白头

乡举鹿鸣劝驾【戊午】

上苑春光已探来诸公逸驾莫迟回防头定有文惊坐烧尾何妨酒吸杯自是功名难躡避须
知气节要壅培老夫亲手传衣鉢来歳图经用再开

诸路发解劝驾

东郡衣冠盛南宫榜帖新诸科唐取士数路汉得人鸣鹿殷勤意攀龙变化身若为明主献忠
説要披陈

和景回胡计院数字韵就送其行

与君托乡间东野连西墅谁知俛仰间各各歳年暮当时同队鱼十已九捐故君抱珪璧姿方
获展寸步梁栋须羣材榱桷共支柱生从匠石园一一居王所何必効鸱鳬江湖任来去但须
饱读易细玩奇耦数问之何将迎终然抱璞素砥柱三门津波澜自流注

窥园

后园梅树老槎牙初放枝头一两花便是春光先漏泄其如暮景已横斜西湖处士吟情在东
里先生心事賒清足亭前无限好五更魂梦定还家

小至三诗呈景回制干并简同官

六十三余七十翁颇从静里得些工
陰阳理向尘尘见天地心于物物同
荔挺生来元不死葭灰塞处自能通
古今宇宙浑如此康节何烦企下风

莫嫌一防稚阳微化育工夫自此推
履袜已无亲可献黍羔犹与俗相宜
数千里外萦心事四五更头欹枕时
恳恳对天香一炷定知人愿必天随

劝君莫望楚云飞一片云飞雨泪垂
去歲尚传鸿鴈信今年空念鹳鸪诗
大刀折处心尤苦半臂添来体更羸
鼓笛谩将厅事聒谁知里面有人悲

喜雪用禁物体【丁巳十二月六日】

傍海风痴剪水难偷他瑞叶散云端
可须滕巽同宣力坐使颿防不旷官
衣【去声】被麦苗揜腊到装褊花
树借春看明年定赛今年熟野老心
腴更体胖

一帐谁将罩太虚但怜鴈字不堪书
江山尽在光华里宇宙真成混沌初
险地岂容呈坎荒林无复露空踈休
将入蔡功名詫思播新闻却众狙

再用前韵

剪水工夫入细难筛臣屑未粲豪端
司寒便合修年谱凌室何妨践世官
惠可立时师受记焦先卧处众争看
只緣一窍丹成熟四体那拘瘠与胖

中夜懷归梦趣虚奈无黄耳寄家书
高人不问闭门后征士应思遣戍初
压栋排檐能拉朽穿入隙解乘踈遥
知山谷皆封路食絕肠饥有怒狙

三用喜雪韵呈同官诸丈不敢辍禁物之令也

不用忧他道路难浑沦宇宙杳无端
齐腰若未能逃佛灭迹何妨且弃官
节士挺身松柏比田翁满眼稻粱看
明年饱吃宣州饭管取便便此腹胖

光浮暗室不因虚冻笔难呵且罢书
可是羞明宜夜后何妨等伴到春初
累茵合念闾阎苦返棹非于故旧踈
堪笑老禅功用狭但能分食饲猿狙

四五用喜雪韵

不数元真与木难也休剪防綴林端
五车自有神朝阙万寶非因贾送官
老大已残洄曲梦推敲且作防陵看
忍寒袖手青灯畔解字闲书胖【去
声】与胖

富贵家家遣五虚不须乞米効顏书
垢除与物重更始朴散于今暂复初
狡兔迷藏置谩设游

鱼潜伏网应踈此恩个个当沾被莫逐林间窃芋狙

战退妖狐是不难飞毛散羽息争端瓮眠但愿为逋客靴没何湏慕大官化化形形随物付平平坦坦与人看闭门独有袁夫子穷饿难磨气象胖

覆盖无分实与虚太平有象史官书园林底用夸未至山水惟应访遂初润到青蔬尤脆美老添苍桧更扶踈是中广莫天同大【缺】何妨有傲狙

六用喜雪韵

白战从来号令难不知此令孰抽端开仓自有齐相国排户何烦汉县官坐觉阎浮尘世隔便同佛度化城看遥思苏武囚深窖气力虽防志自胖

梵宫楼阁正横虚俯瞰平畴一幅书宿鸟投林迷所自野獾防穴失其初茅柴熟处功非细榴柑烧来计未踈回首少年观校猎忽飞一骑射山狙

七八用喜雪韵

不持寸鐵事应难何止空空竭两端远麓遮藏山被檄轻冰裁剪水能官将梁兔苑瀛洲比把蔡鹜池台阁看独羨当年灰袋客雪埋气宇更充胖

麀贼邪川正瞰虚庚牌裹雪发军书光摇阙角更传后色觚棱月上初大抵衣裯须早戒莫教户牖有时踈喜闻庸蜀羣彪吠辟易何分獮与狙

也知天女散花难束帛戈戈几足端富贵何妨还白屋繁华亦欲傲苍官梁山操里声愁听湘水图中景喜看争似寒炉煨芋者身心何处不休胖

有年呈瑞厌【入声】孤虚不用东封更献书鴈背严凝能备预鹊搜储蓄善谋初并衣左伯情何厚穿履东方计莫踈闻説山林皆冻合獮狙无处覓雄狙

九十用喜雪韵

不用韩非骋雪难异同坚白谩多端恍迷千界现梵国骈集万妃驱女官要得彘生将罟没恐他鼃怪作城看道人宴坐蒲团上外景常如内景胖

腊中三白瑞非虚不虑无水鲁史书藁长新蔬防赐后根舒宿麦受恩初凭陵败絮寒能重扑防斜牕晓渐踈林杪穷猿应禁口獼孙乞食向公狙

今歳麀寒亦大难裁裘制褐费无端旋添酒兴嫌工正旁索诗材喜稗官见睨未消亭午待加

霜更洁翌朝看遥怜扫巷欢娱辈大体何知小体胖

陈年古屋瓦浮虚穿漏时将被覆书集谢曾陪上相后映孙难防秀才初塶花似镂多奇异檐
柱如排少濶踈吏卒报衙天未晓老身牵强类冠狙

十一二用喜雪韵

水泼衾裘夜卧难也休暖足唤端端平生自是水为氏此际何妨火纪官无色圖从天地展有
声画与古今看忽思十万边兵冷肤体相關岂独胖

片片穿帷解捣虚夜明细字亦堪书五车现瑞从今后一尺呈祥复古初暖室温轩人起晏遠
坊穷巷客来踈茅山见說黄精熟山友迷踪履黠狙

长安贫者再炊难臠肉苍头饫舌端食雪自应还猛将饮水只合付清官尚兴塞外鸣 想臄
欲江头把钓看只恐逢他吹铁笛骨寒股战失吾胖

只堪闭户着潛虚欲作遨头畏简书乍密乍稀云冻后半融半落雨收初封条正恐观梅错漬
谷犹疑学稼踈却喜明朝春税驾气苏 与狙狙

十三四用喜雪韵

安西都防肯辞难不怕天骄起怨端节义士知堪作使神僊人岂恋为官寒肩此际如楼耸
眼当年似席看百丈山中谁筑室是中非隘亦非胖

瑞气应纏牛女虚坐令三白厯家书竹寒不用歌周末粟腐行将纪汉初蟠际混同能广大方
圆成就更通踈狐猿夜半疑通晓叫起攀林挂树狙

普博谁云仁道难剪裁妙巧智之端都将凡物换英物尽欲热官成冷官色即是空随手灭恩
生于害转头看三千界里毫光彻稽首惟应礼屈胖

雪边好景說涵虚欲徃从之掣簿书王道平平须有象皇风浩浩恐无初举遮正恐渠难耐罢
扫縁忧彼作踈翠浪黄云来歳事已应痴望到鼯狙

和史司直韵

南方一佛放圆光散作阎浮薈葡香便把此花为賛祝更将何物献休祥建中圣主平平荡钊
福明王简简穰共喜太平今有象新年好上万年觞

疑怪虚牕彻夜明晓看积雪与堦平虽知乐歳无捐瘠尚恐祁寒有怨情天地浑沦方返朴国

家霈泽正哀惻【近方剏慈防院】 区区甚愿祈三白只怕人间忌满盈

滕翁只道老非才不料穷冬雪壮哉拟拨寒蔬防早韭试防玉树索寒梅孤汀错认鷁为鹭四
野偏宜牟与来闻説广鞬西北走将军已自播州回

空中万鹤舞盘旋飞向西天祇树园一幅缯绡包宇宙连城珪璧委郊原水笳莫弄两三曲鐵
甲犹联百万屯痛痒不知惟党二至今浪有姓名存

世間傳假不傳真丞相可曾城換銀巷掃他家難敵富氍毹之子未為貧也知東郡行春守便
作南溪釣雪人指礪為瑤慚興寄恨無一縷引千鈞

四明续志卷十

和袁尚书韵

珠琲无烦费斗量家家泼撒不珎藏浑疑入腊梅花放已卜来年稻颗香万感固知由气类一根元只自心秧天怜老子忧民切将变荒州作富穰

同前

【防需黄芽且拜名制馈药次韵不敢偏废也】

寂喧相去几由旬禽戲何妨小屈伸退步自应行步穩识心安用捧心顰又看桃板迎新歲定是蒲轮访旧人粒粒金丹分二百祝公丈六现金身

和赵知録韵

黒风吹海屑银涛莫辨秦魂与楚瑶煮水煎茶还我輩灶烟文武火须调

甫能乞得六花飞又要忧它褐与衣争似烟江渔钓侣卖鱼沽酒唱歌归

造物从来害是恩由它珪璧委千门梅梢已露春消息小向涵虚驻客轩

再和赵知録韵

妖蜃吹城匝海涛也疑瀛岛产琨瑶老滕解把眞成妄郢曲如今始再调

只道梅花已乱飞何须防缀谢庄衣独欣冻死安西虏载取狐巴马上归

何烦洛令市私恩有客甘贫自闭门恰似明州前録事清高直可傲羲轩

钱赵物斛【戊午五月十七日】

九折羊肠路险巇险巇过了始平夷风霜雨露无非教菌槿椒兰各有时退步元来天地阔扞心自是鬼神知莫嫌载月舟如洗赢得清名满海涯

同寅两载意何倾不是人间儿女情嫉恶吾方欠隱忍鉏奸君亦太分明是非烈日秋霜劲利害浮埃抹电轻临别一言何所赠做人须做十分成

精义无穷在邳籤更须于易倍深拈阳奇【读作羈】陰偶机难测徃屈来伸理可占有谓宣

尼夫乃佞或云仲子乌能廉圣贤言行多参考美疢犹应用石砭

喜雨和赵右司

车水耕田正闵农夜来好雨一犁通相近可是须羣望陟降元来即上穹击壤何曾知帝力观风谁与达天聪见他东作思南墅愁杀江南桑苎翁【相近读作禳祈】

喜雨和史司直

六丁海面揭封回天上屯云撮得来连月不曾聽澍雨今年方始见轰雷定知水畝移秧插底用泥涂把谷栽闻說君王勤露祷固应妖魃不为裁

檐溜终宵稍慰心更须三日始为霖云雷尚觉经纶狭暑雨犹疑咨怨深不假溟鲲能激水何须埳鸛解知陰回头谷口耕樵侣辜负盟言愧断金

秋思一首寄方君遇

西风黄叶堕堦前秋思撩人已可怜身渐衰来非一日心都懒处是今年爱憎毁誉何關我消息盈虚要识天六十四翁凡百足只祈君相放归田

寄丁丞相

今年快活好重阳君相都俞尽主张飞语不容轻防污细书那更极揄 无风无雨稻粱熟有酒有螯橙橘香只待防冬平静了来春衣锦又还乡

喜雨预卜淮寇之遁口占小诗呈同官【下元节】

敌寇逋诛尚不庭敢驱铁骑瞰边城滂沱无此十月雨攘郤过如百万兵毳幙纵张淋易透马蹄虽澁滑难行只愿皇天相佑助皇天佑助亦人情

景回兄和篇甚佳信笔再用韵

犁扫终当尽穴庭将军夫岂但婴城何妨水潦威曹贼应以风声慑晋兵中立运筹飞凯奏昌黎吮笔草歌行开年东作吾何在野老相携话故情

昨日大雨昼夜不止因再用前韵赋成一

律

狝狸索死离龙庭堪笑披猖欲背城釜为水悬忧后爨弓因雨弱失长兵突三千人如电扫诛
两万户若风行又报广南腾露布太平从此慰皇情

和丁丞相

外国为陰中国阳岂容防扈更鸱张防书一纸来从广凯奏连旗至自 尽瘁元臣食放箸媮
安老守寝凝香但怜此土非吾土歲晚天寒忆故乡

和惠检阅送胡计院韵

小借园林一饷间相携送客上天關頽龄晚岁凄凉里今日明朝聚散间极目烟云方渺渺满
溪桃李正斑斑老来尚被冠裳缚坐对渔舟亦厚顏

行小圃偶成唐律呈真翁自昭叔夏【巳未二月二十六日】

今年花信已成空白白红红苦雨中老境摧頽春更好愁城高耸酒难攻一生当号知非子万
事都归亡是公巴得新晴天亦笑东风吹梦过江东

和刘右司【震孙】见寄六絕一律

老子谁知密度關却支筇杖访荒园故应我辈钟情别佳话真堪诏子孙

撩我归心更欲归綠英已是换红菲分明不似高空鸟无弋无矰到处飞

鹊绊晴丝柳絮干金沙玉李鬪开顏此时此景此中意付与仙翁一饷间

 釀万玉吐幽香芍药千红防綠裳好景只供人借看防思百计是归强

小儿亦解挽公留知有人间第一流老我相思无尽藏临风一日几搔头

愁来只是向无何浮圣沉贤共一波若见江南烟钓侣寄言好与晒渔蓑

我家碧云畔中有最高亭阅世已头白看山犹眼青谁能环北辙那更徙南溟归计天须许烦
占处土星

送十二知军领郡澄江

门户喜方兴送儿五马行君恩天樣大家法水能清但务平平政何须赫赫名也休扳汝父皂
白太分明

老父如汝年监州尚折旋后生何闻望小郡亦藩宣申浦秋潮落君山暮靄连菊时吾去此访汝击羣鲜

古风一首送常明仲还里社

黠轩吾石友相从三十年舌本多文献胷笥皆简编脊梁硬于铁虽贫不言钱古井波愈静老干骨尤坚眨眼七十翁酡颜映银髯辞我归旧隱从此将终焉我怀虽惻楚君意难弃捐顾我亦歲徂华髮防其顛君王念帷盖高车防当悬尔汝一蘧庐日月双弹圆合离与聚散暮景必复然以兹强排遣送君鄞水边空江涨夏潦遠山生夕烟野鸟投林飞渔舟冲浦还万物各有适人生且随緣江东企西浙道里无半千幸反身强健尚可相周旋所愧韩魏公不能官老泉

明仲小侄归浙江钱之西渡有感

黠轩从此入山深阿阮同途反旧岑老大分携朋友意死生契阔弟兄心碧云怅望家千里白髮飄零酒一斟歲晚情怀易感触不堪衰泪忽沾襟

宿秧青碧穉秧黄长叶抽苗势已张田就再耘秋有准水收积潦旱无伤老牛引犊挨篱卧新燕将雏贴水翔一壑一邱吾亦有谁怜留滞尚他乡

钱郑宗丞

烟靄晚将合湖山景致嘉谁为千里别客负一年花心事违春事年华上鬢华扁舟何日发回首水云賒

天宁长老新斋堂请转语

慧公幻出一斋堂巨栋危梁压十方更有心堂无量阔阔中别有好思量

因藏主持此稽首诸山如有小小寺院保明出世

牛背牵来一牧儿要从古道去 辉莫学当年只履客无人秋采却西归

代为大川重說偈言

无流无 亦无源粝食充饥衲御寒直下承当直下了有何佛祖有何传

僧若珪求短偈

黄连甜兮甘草苦这些滋味许谁知宰官具足端严相毕竟元无病可医

山偈寄无声老师

闻师遭遇善知识布衲时闻罗绮香照管为他眼景转投胎托舍没思量【前辈老古锥多有此等事醒醒着】

又山偈就寄善知识

传语当年白侍郎住行坐卧只防常须弥山子才翻却便是人天大法王

题暗香疎影词后用潘德久赠姜白石韵

人生浮脆若菰蒲四十年前此丈夫拟向西湖酌孤魄想应风月易招呼

苦雨吟十首呈同官诸丈【巳未五月二十七日】

旧雨连今雨南鸠唤北鸠声声肠寸防防防泪交流歷耳风来处凝眸天尽头 情如此苦造物亦怜不自春爰及夏多雨少曾晴积压兼旬潦弥漫四泽盈稚苗忧冒没矮岸恐頽倾急遣洪宾佐代余省尔氓洪穴隄九九泄水注之江荷锄来如织奔湍去若撞雨声虽防续潦势已宾降想见鱼秧泛沙汀白鸟双早晚遣长须行田西北隅稻禾都旺否庐舍莫淦无高仰为何硯低防是某都水痕如退落分寸要相符正直三神列慈悲一佛尊须知真实念是谓吉祥门巨浸旋归壑顽云渐散屯更凭驱日驭挥霍照乾坤田官决水归喜若溃重围晚种禾头出新耘稻本肥已如云气勃只恨日光稀安得驱夸父塘开万里辉海乡多下田潢潦易纏绵云脚晚希露天心朝望穿壤蚯方恶出穴蚁又忧迁翻覆陰晴证愁肠日几旋连朝雨水淹燕寝似穷阎无处可就燥何时得附炎频占季主卦屡乞鲍君籤千里人知否心香日夜添五鼓立中庭疎星一二明转头云复合移步 还倾感召虽人事怨咨奈物情号空犹未应隱痛痛无声老守最忧农往来思虑忡半时半刻里一饭一茶中饥溺真犹已恫瘝在厥躬天高元听下一念岂难通从雨喜晴检阅计院纪以春容之篇敬用韵为谢【夜来坐客有蜀人邓君莘起勉余为全晚节计故未句云然】

乐天何爱咏尧夫非好吟愧乏康济术粗怀饥溺心弥旬雨翻屋耄倪泣苍旻防臣职当牧痒痛入肌深行若负刺芒坐如隱羶针再拜告【入声】神明寸心秉坚金蠲租还已债议狱并弛刑但求讲实政何暇竞虚名天威咫尺临昏翳忽开明宿苗既丰硕稚秧靡飘 𦏧阿香亦効灵排陰吐洪音推出太阳辉天外旋收声老守寬近忧浊醪呼客斟客有劝翁归前身岂傳霖

賡刘自昭出郊佳什【巳未六月十七日西郊观稼】

倦听衙官报两衙出门山水即吾家浅深碧綠湖田稻浓淡红黄野岸花草草人生知有限悠悠客恨自无涯凉飈特为驱袞暑白鸟青天万里賒

出郊偶赋【巳未六月十七日】

聊驱小队出郊圻天遣凉风却午曦 脚似披千疋练山容如障数层帏并岸低畴苗颌长近
坡高陇稻头垂因他景物思吾土还是黄鸡白酒时

高桥舟中【巳未四月初六日】

小队旌旗西郭头笋舆缓步看农畴十分田有九分辟今岁人无去岁忧贴水新秧头欲起连
云宿麦颌都收天怜老子勤民瘼赐与丰年不待求

小麦青青大麦黄海乡风物亦江乡篮铺蚕种提归急肩夯牛犁出去忙春涨半篙波防灏晓
山一带色防茫东风客子思归切不待啼防也防肠

水云乡和制机刘自昭韵【巳未四月六日】

不禁归梦五更长出见宽闲若故乡天外惨舒云黑白陇头大小麦青黄水虽四泽无芦苇地
不多山少柘桑却有一般堪爱赏虬髯老桧郁苍苍

问君身世欲如何付与渔翁欸乃歌未酩酊时须酩酊得磨驼处且磨驼声名草木知谁是功
业旂常在古多百尺危桥聊吊往薰风首夏正清和

水高只合泛归舟老大何须说壮猷乐事尚堪葵麦 丰年已兆黍禾秋西曹从负平平老东
郡今称上上州不待子规相劝督衰翁何止四宜休

和谢惠计院

插种如云四月头代它田峻阅耕畴意行不敢烦君重诗到偏能写我忧占谷喜看连岁熟丽
琛曾说十分收各家官事随宜了尊酒相过莫外求

千林新绿褪萎黄人在它乡某水乡白鸟闲闲疑冷看苍鹰扰扰正干忙阿婆涂抹情何在老
子瞢腾视已茫二顷良田元不欠一声布谷防人肠

寄樗寮张寺丞

春来物物搅愁肠排遣惟应闯醉乡无奈督邮风味恶桃花流水愿分尝

舟檣娥祠敬留二绝【宝祐丁巳夏五中干前一日】

孝娥何意要垂名重在天伦一命轻若订汉家彤史传淳于公女尚偷生

虽然墟墓一拳土泰华衡常未必侔感动行人忠孝泪沧江不防水东流

口占酬翁处静

年来户外故人踈慙愧新词解起予贺监本家明与越扁舟来访问何如

君异郑兄出示旧诗盖绍定初所信笔也俛仰三十年矣戏成口占复归之

弹指江湖三十年淋漓旧墨尚依然人生未必坚如纸心事凄凉雪满颠

和翁处静赋木香【已未三月二十日四明堂】

黄蘂檀心衬绿衣细成碁架四方齐只缘鼻孔撩天去特遣清香起自低

喜雨二解【呈检阅同官诸文已未七月】

乌□新春玉粒堆齐头 □又相催高田犹怕夹秋旱上界俄闻发水雷几日云车停野外今宵雨旆入城来须防檐溜如奔峡枕上吟哦一快哉

湏知造化自心生风雨云雷特践形人在两间元有事天于万物岂无情焦枯蒙润物苏醒昏【去声】闷得凉身泰平晚夜桃笙时便背定应收卷向金茎

中秋无月和曾仪言制干

见說琼楼忒煞寒云衣特地护宵端也应齿发十分老自是嫦娥一笑难此夜不妨留客醉明年未卜共谁看归与丘壑无穷趣何惜相从乐且盘

赋惠计院允堂

荆溪惠子鬓鬕髻义理钻研到粹精允矣名堂由意实漫云从仕但心亨一牕春草无穷意四壁秋蛩不防声若向此中能领防始知持敬造存诚

谢惠计院分饷新茶

乾坤正气清且劲长挟春风作襟韵不惟散满诗人脾还入灵根茁苔藓顾山仙人昼滞家带春搜摘黄金芽捣碎云英琢苍璧旋防玉【缺】浮白花半瓿和露沾喉吻甘润绕肌香贯顶孔光贤处不脂韦长孺直时无苦梗平生腐儒汤饼肠不堪八饼分头纲多君乡味裹将送谓我诗情应得尝分无蛾眉捧玉碗亦乏撑腰五千卷活火新泉防啜来俨若少阳人覩面饮散登台嗅老香却忆家山菊径荒明朝便作玉川子两腋乘风归故乡

四明续志卷十一

沁园春【丙辰十月十日】

夜雨三更有人欹枕晓檐报晴筭顽云痴雾不难扫荡青天白日元自分明权植油幢聊张皂纛坐听前驺鼓角鸣君休诧岂宣申南翰成旦东征鸿冥哽噎秋声正万里榆关未罢兵幸扬州上督为吾石友荆州元帅是我梅兄约束鲸鲵奠安鼯鼠更使嵎夷海晏清连宵防怕天狼隐耀太白沉枪

同前【戊午自寿】

笑指頽龄循环雌甲卦数已圆叹蜀公高洁休官去岁温公耆旧入社今年底事崎岖苍颜白发犹拥貔貅护海堧君恩重筭何能报国未许归田遥怜宛句山前正水涨溪肥繫钓船纵葵榴花闹菖蒲酒美都成客里争似家边寄语儿曹若为翁寿只把鸥盟更要坚翁还祝愿櫓枪日静防防云连

同前【己未翠山劝农】

二十年前君王车顾诏牧此州念昔时豪杰犹难辟阖如今老大却更迟留四载相望【平声】三春又半邂逅【音翹】农得纵游田畴事是桑条正长麦含【音汗】初抽悠悠身世何求筭七十迎头合罢【音败】休谩绕堤旌纛牵连鹁鸢喧天鼓吹防送龙舟翠巘层边碧云堆处一担担来天外愁如何好且同斟绿醕自课清讴

寶鼎现【和韵己未元夕】

晚风防动净扫天际云霞绮将海外银蟾推上相映华灯辉万砌看舞队向梅梢燃昼丹焰玲珑玉蘂渐陆地金莲吐偏恰似楼台临水老子欢意随人意引红裙钗寶钿翠穿夜市珠筵玳席多少吴讴联越吹绣幕卷散缤纷香雾笼定团圆锦里认一防星毬挂也士女桃源洞里闻說旧日京华般百戏灯棚如履待端门排宴三五传宣禁侍愿乐事这回重见喜庆新开起瞻圣主齐寿南山势拱东南百二

昼锦堂【己未元夕】

绮縠团成珠玑擲就极目灯火楼台七子八仙三教耍队相挨管箫笙簧相间鬩远如声韵碧霄来环千炬寶絳纱云毬雾袞交加千里人笑乐游妓合脂尘香藹笼街尽道今宵节物天与安排晚来风阵全收了夜防还放月儿些休辞醉长愿每年时候一樣情懷

贺新凉【丁巳歲寿叔氏】

未是全衰暮但相思昭亭数曲水村烟墅只比儿儿额上寿尚有时光如许况坎子常交离午
须信火龙能陆战更驱他水虎蟠沧浦昆仑顶时飞度东皇暮向昆仑遇道如今金阶玉陛待
卿阔步犹恐荆人攀恋切未放征防高举怕公去狐狸嗥舞江汉一诗谁作者想声声赞祝明
良聚天下久望霖雨

同前【和翁处静桃源洞韵】

拍手阑干外想回头人非物是不知何世万事情知都是梦聊复推迁梦里也幻出云山烟水
白白红红虽褪尽尽倡条浪蘂皆春意时可醉醉扶起瀛洲旧說神仙地奈江南猿啼鹤唳怨
怀如此三五阿婆涂抹徧多少残樱剩李又过雨亭臯初霁惭愧故人相问讯但一回一见苍
顔耳谁念我鷓鴣志

同前【再和】

宇宙元无外问当年渠縁底事强逃人世争似刘郎栽种后长恁元都观里何用羨武陵溪水
一见桃花还一笑领春工千古无穷意儿女恨且收起洞中空【去声】阔多闲地但人间羊
肠九折未能知此我已衰翁君渐老那复顛张醉李看翻覆雨陰风霁捱得清和时候了舣扁
舟只待归来耳惟处静解吾志

同前【三和】

了却儿痴外撰园林亭台馆榭谩当吾世红楯朱桥相映帶人在百花丛里更依约垂杨衬水
桧柏芙蓉桄桂菊也还须收拾秋冬意闲坐久忽惊起繁华寂寞千年地便渊明桃源记在几
人知此双手上还银菟印趁得东风行李看鄮领鄞江澄霁从此归欵无一欠但君恩天大难
酬耳嗟倦鸟投林志

同前【和赵丞相见寿】

雪鬓难重緑但翛然黄庭境界抱藏六也向无何乡里去白堕舟边漾緑箬种种尘縁都足
争那名缰犹系绊尽辜它猿鹤双溪曲时又夏暑将溽虚舟飘瓦何烦歎奈羊肠千歧万折近
来纯熟怅望老仙烟水外惟把江云送目想裴墅碧梧金竹安得结庐相近傍买闲田数畝躬
耕筑已梦防大槐国

同前

【夜来梦游一所园林台榭甚饒数羽流在焉余与语相酬酢有言诗者有言词者须防以酒
见酌中有一人举令云各和古词一首且目余云相公和叶石林睡起流莺语余素熟此词成
诵遂援笔赓之掷笔而寤枕上记忆不遗一字亦异矣以词意详之余三上丐归之防君父其
从欲乎因録呈同官诸丈恐可为他时一段佳话云】

燕子呢喃语小园林残红剩紫已无三数綠叶青枝成步障空有蜂旋蝶舞又寶扇轻摇初暑
芳沼拳荷舒展尽便回头乱拥宫妆女惊歲月能多许 家山占防鳬鸥渚最相宜嵐烟水月雾
云霏雨三岛十洲虽鐵铸难把归舟系取且放我渔樵为与从此细斟昌歆酒况神仙洞府无
邀阻何待结长生缕

同前

【因梦中和石林贺新凉并戏和东坡乳燕飞华屋】

碧沼横梅屋水平堤双双翠羽引雏偷浴倚户无人深院静犹忆碁敲嫩玉还又是朱櫻初熟
手揜提炉香一炷黯消魂竚立防干曲闲转步数修竹 新来有个眉峯蹙自王姚后魏都褪只
成愁独鳳带鸾钗宫样巧争奈腰圈倦束漫困倚云鬟堆綠淡月帘栊黄昏后把灯花印约休
轻触花烬落泪珠簌

同前【和刘自昭俾寿之词】

寶扇驱纖暑又凄凉蒲觴菰黍异乡重午巧索从来无人系惟对榴花自语也何用讴秦舞楚
生愧孟尝换一日叹三千客汗挥成雨如伯始漫台傳 循环浩劫无终古但坤牛干马抽换是
长生谱安得賤天天便许归炼金翁木父问海运争如穴处一笑流行还坎止筭陈陈往事俱
灰土南墅鹤相思主【田文胡广皆生于五日】

暗香

【犹记巳卯庚辰之间初识尧章于维 至巳丑嘉兴再防自此契阔闻尧章死西河尝助诸
丈为殡之今又不知几年矣自昭忽錄示尧章暗香疎影二词因信手酬酢并赓潘德久之诗
云】

晓霜一色正恁时陇上征人横笛驿使不来借问孤芳为谁折休說和羹未晚都付与逋仙吟
笔筭只是野店疎篱樵子共争席 寒圃众籟寂想暗里度香万斛堆积恼他鼻观巡索还无最
堪忆萼綠堂前一笑封老榦苔青莓碧春漏也应念我要归未得

疎影

佳人步玉待月来弄影天挂星宿冷透屏帟清入肌肤风敲又听檐竹前村不管深雪闭犹自
绕枝南枝北筭平生此段幽奇占压百花曾独 闲想罗浮旧恨有人正醉里姝翠娥綠梦防魂
惊几许凄凉却是千林梅屋鸡声野渡溪桥滑又角引成楼悲曲怎得知清足亭邊自在杖藜
巾幅【梅圣俞诗云十分清意足余別墅有梅亭扁曰清足】

暗香【再和】

雪来比色对淡然一笑休喧笙笛莫怪广平鐵石心肠为伊折偏是三花两蕊消万古才人骚
笔尚记得醉卧东园天幕地为席 回首往事寂正雨暗雾昏万种愁积锦江路悄媒聘音沉两
空忆终是茅檐竹户难指望凌烟全碧憔悴了羌管里怨谁始得

疎影

寒梢砌玉把胆瓶顿了相伴孤宿寂寞幽牕筛影横斜宜松更自宜竹残更蝶梦知何处只在
昭亭山北问平生雪压双溪得似老枝擎独 何事燕脂防染认桃与辨杏枝叶青綠莫是水姿
改换红妆要近金门朱屋繁华艳丽如飞电但宛转防歌零曲且不如藏白收香旋学世间邊
幅

暗香

【仪真去城三数里东园梅花之盛甲天下 嘉定庚辰辛巳之交余犹及歌酒其下今荒矣园
乃欧公记君谟书古今称三絕犹忆其词云高薨巨桷水光百景动摇而下上其寬闲深靓可
以答逵响而生清风此前日之頽垣防堑而荒墟也嘉时令节州人士女啸歌而管弦此前日
之晦防风雨颼颼鸟兽之嗥音也令人慨然】

淡然絕色记故园月下吹残龙笛怅望楚云日日归心大刀折犹怕冰条冷蕊轻防污丹青凡
笔可怪底屈子离騷兰蕙独前席 深院宇更寂正月断古防暮靄凝积何郎旧夢四十余年尚
能忆须索梅兄一笑但矫首层霄空碧春在手人在远倩谁寄得【末段懷故人】

疎影

嗤琼笑玉向画堂可肯风露邊宿耐冻禁寒便瘦宜枯前身莫是孤竹从来不上春工谱夢不
到沉香亭北筭只消淡影疎香伴个幽栖人独
莫待痴风駉蝶倩青女捺住多少红綠落鴈寒芦翠鸟冰枝近傍三间茅屋

【缺】 想这般夷旷襟懷眇视干员坤幅

暗香【用韵赋雪】

九垓共色想洛滨劒客吹呼长笛争豸老松别树平欺烂柯折应是千官鹤舞腾贺表谁家椽
笔赐宴也内劝宣来真个是瑶席 休怪巷陌寂有一种可人扫了还积悲饥闭户僵饿袁安我
偏忆凝望天童列嶂谁大胆偷藏遥碧待问信清友看怕难认得

疎影

千门委玉是个人富贵才隔今宿冒栋摧檐都未商量呼童且伴庭竹千蹊万迳行踪灭杳不

认溪南溪北问白鸥此际谁来短艇钓渔翁独 偏爱山茶雪里放红艷数朵衣素裳绿兽炭金
炉羔酒金钟正好笙歌华屋敲冰煮茗风流衬念不到有人洄曲但老农欢笑相呼麦被喜添
全幅

水龙吟【戊午元夕】

十洲三岛蓬壶是花锦一团装就轻车细辇绮罗香里夜光如昼朱户笙箫 楼 幙有人回
首想金莲灿烂星毬缥缈那风景年时旧
应念白头太守怎红旗六街穿透铺排玳席追陪珠履且酹春酌楚舞秦

讴半慵莺舌叠翻鸳袖把千门喜色万家和气祝君王寿

永遇乐【巳未元夕】

和气薰来这般光景管无风雨 栋朱甍锦坊绣巷娘子将嫖母星毬高挂灯楼趲出良夜正
消增五遨头事牙旗铁马且还那时鄞府 甘泉见説防书频奏渐次不烦鼙鼓双凤云间六鼇
海上祝赞齐手舞三呼声里君王万寿岁岁传柑笑语便都把升平旧曲腔儿旋补

同前【再和】

天上人间这般光景管无风雨绣户珠帘锦坊花巷戏队将嫖母月扇团圆星毬粲烂路遍市
三街五升平事牙旗铁马且还旧家藩府 三陲见説凯歌频奏渐次不烦鼙鼓双凤云间六鼇
尘外想见都人欢舞火城春近金莲地匝消夜果邊曾语【元宵宰执赐消夜果】如今但梅
花纸帐睡魔欠补

同前

祝告天公放灯时节且收今雨万户千门六街三市绽水晶云母香车宝马珠帘翠幙不怕禁
更敲五霓裳曲惊回好梦误游紫宫朱府 沉思旧日京华风景逗晓犹听戏鼓分镜圆时防钗
合处倩笑歌与舞如今闲院蜂残蛾褪消夜果邊自语亏人杀【去声】梅花纸帐权将睡补

隔浦莲【和叶编修士则韵】

兰桡环城数叠雾雨侵帘箔翠竹交加苍树幽鸟声声如答苇岸游绿鸭暮山合天际浓云罨
水周匝
提携一醉浊贤清圣欢洽瀛洲美景尽道东南都压今日愁颜回笑颊飞屣且将萱草归插

同前【防老香堂和美成】

扇荷偷换羽葆院宇人声窃独步亭臯下防干并栖幽鸟新雨抽嫩草檐花闇一片萍铺沼燕雏小

书空底事那堪手版持倒今来古往几见北邙人晓乡号亡何但日到休觉陶然身世尘表

水调歌头【出郊翫水】

小队旌旗出 鹢倚篙行青秧白水无际中有一犁耕听得田翁相语今歲年时恰好眨眼是秋成老守何能解持此报皇明望家山千里外楚云平良田一顷非村非郭枕柴扃况有蒼林香透更有杨堤陰合魂梦每宵征巴得西风起吾亦问前程

同前【小憩袁氏园用前韵】

老圃无關鎖放客意中行颇欣天地开阔烟钓与云耕荷长亭亭翠盖竹长森森翠葆景致闇装成几树榴花发映水色偏明绮楼空金屋静恨难平鼓笙箫笛谁怜冷落暗尘扃回首百年人事转眼几番今古日迈月俱征且尽一杯酒退步是前程

同前【夜来月佳甚呈景回自昭二兄戊午八月十八日】

过了中秋后今夜月方佳防来前夜圆满才是阙些些扫尽乌云黑雾放出青霄碧落恰似我情懷把酒自斟酌脱畧到形骸问渠侬分玉镜防金钗少年心事不知容易鬓边华千古天同此月千古入同此兴不是旋安排安得高飞去长以月为家

同前【戊午九日偕同官延庆阁过碧沚】

重九先【去声】三日领客上危楼满城风雨都住天亦相邀头右手持杯满泛左手持螯大嚼萸菊互相酬徙倚防干角一笑与云浮望平畴千万顷稻梁收江澄海晏无事赢得小迟留但恨流光抹电假使年华七十只有六番秋戏马台休问破帽已飕飕

同前【再用前韵】

天宇正高爽更躡最高楼长风为我驱驾极目海山头不用牛山孟浩不用齐山杜牧人景自堪酬举酒酌空阔汗与漫为游撚黄花怜白首恨难收頽龄使汝能制何待更封留眼底朱甍栋往往人非物是蟋蟀自鸣秋万里一搔首无处着萧飀

同前【喜晴赋】

屯结海云阵奋击借雷公忽然天宇轩豁杲日正当空照出榴花丹艷映出梔花玉色生意与人同闭纵一翻手造化不言功想平畴禾黍黍黍芄芃老农拍手相问相劳【去声】笑声中办取黄鸡白酒戴了山歌村舞等得庆年丰此际莼鲈客倚楫待西风

二郎神【巳未自寿】

者希近也是六十五翁生日恰就得端阳艾人当户朱笔书符大吉卦气周来重新起怕白髮苍顏难必随见定信緣餐饥眠困喜无啾唧 盈溢书生做到能高官秩况碌碌儿曹望郎名郡叨冒差除不一积世主恩满家天禄婚嫁近来将毕还自祝愿早悬车里社始为收拾

同前【再和】

近时厌雨喜午日放开天日不用辟兵符从今去也管定千祥万吉已报甘泉新防到况更是丰年堪必任景物换来蛙鸣蝉□耳边 唧 阳溢尽教愿乞兵厨闲秩防恰好园池随宜亭榭人道瀛洲压一旦恁浮沉奈何衰悴惟怕牧之名毕安得去占却三神絕顶瑞芝同拾

传言玉女【巳未元夕】

众乐亭前都是郁葱佳气越姬吴媛粲珠钿翠珥红销粉褪几许麝桃凡李连珠寶炬两行缙骑 自笑衰翁又行春锦绣里禁肴宫醞记当年宣赐休嫌驼逗且向 堂频醉从今开庆万欢千喜

满江红【戊午二月十七日四明防赋】

芳景无多又还是乱红飞坠空怅望昭亭深处家山桃李柳眼花心都脱换蜂须蝶翅难沾缀谩相携一笑竞良辰春醪美 金兽爇香风细金鳳拍歌云膩尽秦箫燕管但逢场尔只恐思乡情味恶怎禁寒食清明里问此翁不止四宜休翁归未

同前【再和】

聊把芳樽殷勤劝斜阳休坠吾老矣难从仙客采丹丘李且趁风光一百五园林尚有残红缀更怱怱百舌对般春声能美 鸾钗绊游丝细鸳袖惹香尘膩想吴姬越女踏青才尔争似江南樗枿社俚歌声拂行云里又枝头梅子正酸时莺知未

同前【戊午二月二十四日防碧沚】

楼观峥嵘浑疑是天风吹坠金屋窈几时曾贮麝桃凡李镜防钗分人去后画栏文砌苍苔缀想当年日日醉芳丛侯鯖美 春水涨鳞鳞细春草暗茸茸膩筭留连光景古犹今尔椿菌鸿鵬休较计倚空一笑东风里喜知时好雨夜来稠秧青未

同前【碧沚月湖四用韵】

一笑相携且休管兔升乌坠那更是可人宾客未饶崔李金叵罗中醺醪莹玉玲珑畔歌珠缀

望湖光一片浸韶光真双美云絮襞能纖细云防聚能粘膩料出山归岫等闲间尔碧沚风流
人去后石牕景物春深里筭邯郸客梦几经残炊犹未

同前【二园花卉仅有海棠未谢五用韵】

问海棠花谁留恋未教飘坠真个好一般标格娉梅奴李怯冷拟将苏幕防怕惊莫把金铃缀
望铜梁玉垒正春深花空美非粉飴肌肤细非涂泽胭脂膩恐人间天上少其伦尔西子顰收
初雨后太真浴罢防暄里又明朝杨柳插清明防归未

同前

【景回计院行有日约同官数公酌酒于西园 吕居仁满江红词对一川平野数间茅屋九
字分韵以饯行色盖反骚也余得对字就赋】

把手西园有山色波光相对金马客明朝飞棹水肥防驶问我年华旬并七异乡时景春巴二
最堪怜游子送行人垂杨外聊小小旌旗队聊且且笙歌载正冥蒙烟雨许多情态南北枝头
犹防缀东西玉畔休避待莼鲈归思动西风相携未

同前

【苍云堂后有桂树为冬青遮蔽低垂将陨矣戊午八月呼梓人为伐而去之赋】

斫却凡柯放岩桂出些头地从此去引风披露畅条昌蘂待得清香千万斛且饶老子为知己
趁今宵新月驾空来浮觴里刘安笑淹留耳吴猛约何时是想故山深处翠垂金缀须信人生
归去好他乡未必江山美问钗头十二意如何非吾事

同前

【戊午秋半偕胡景回刘自昭二兄卜饮待月】

试问平生几番见中秋明月今老矣一年似一年时节底事层陰生障碍不教玉界冰壶彻
莫姮娥嫌此白头翁心肠别风动处浮云揭云绽处清光泄倩何人扫荡大家澄澈且掉悲欢
离合事相逢只怕尊中竭教儿曹今夜上清霄探蟾穴

同前【戊午八月二十七日进思堂赏第二木樨】

丹桂重开向此际十分香足最好处云为幕防雨为膏沅树杪层层如寶盖枝头防防犹金粟
筭人间天上更无花风流独玉坛畔仙娥簇玉梁上仙翁掬叹吾今老矣两难追逐休把淹留
成感慨时间赏翫时间福怕今宵芳景便凋零高烧烛

同前【戊子九月七日碧沚和制几韵】

歲歲重阳何曾是两般时景人自有悲欢离合晦明朝暝日月湖边来往艇楼台水底参差影
又何妨时暂狎沧波轻鸥并 闲顿放朱门静新结褵朱帘整尽百年人事移 换境欲插黄花
身已老强倾綠醕心先醒羨游鱼有钓不能收钩空饼

同前【郑园防梅】

安晚堂前梅开尽都无留萼依旧是鐵心老子故情堪托长恐壽阳脂粉污肯教摩诘丹青摸
纵沉香为榭防为园难安着 高节耸清名邈繁李俗麤桃恶但山樊輩行可来参错六出不妨
添羽翼百花岂愿当头角尽暗香疎影了平生何其乐

同前【再用韵懷安晚】

犹记长安共攀折琼林仙萼人已去年年梅放怨怀谁托和靖吟魂应未醒补之画手何能摸
更堪怜老子此时来愁难着 云昼晚烟宵邈春欲近风偏恶早防干片片飘零相错邂逅聊
花底醉迟留莫管城头角且起居魏卫国夫人闻安乐

同前【戊午十二月八日赋后圃早梅】

问讯江梅渐推出红苞綠萼堪爱处平生怀抱歲寒为托瘦骨皱皮犹老硬孤标独韵难描摸
怕东君压住等春来鞭先着 止渴事风烟邈和羹事风波恶想翠禽啁哳笑他都错争似花开
顏醉玉月天更引霜天角便一年强作十年人山中乐

同前【上已后日即事】

寒食清明叹人在天涯海角饶锦绣十洲装就只成离索歲去已空莺燕侶年来尽负鸥鳬约
想南溪溪水一篙深孤舟泊 天向晚东风恶春向晚花容薄又酴醾架底綠陰成幄舴艋也闻
钲鼓鬧秋千半当笙歌乐问山公倒载接防无都休却

同前【巳未四月九日防四明牕】

钉短残花也随分红红白白綠底事春才好处又成轻别芳草萋迷归路遠子规更叫黄昏月
倚防干触处是浓愁凭谁說 我不厌樽罍挈君莫放笙歌彻自河南丞相有兹宾客一笑何曾
千古换半醺便觉乾坤窄怕转头天际望归舟江山隔

同前【巳未庚李制参直翁俾寿之词】

午枕神游晓鸡唱城闕偷度俄顷里笋舆伊轧征夫前路路入江南天地濶黄云翠浪千千畝

有蟠翁三五喜相迎邻田父 旋防杖防幽圃旋挈榼陈高俎疑此身归去朱陵丹府布谷数声
惊梦防纱窗小阵梅黄雨把人间万事一般看投芳醕

同前

拟卜三椽问何处水廻山曲朝莫景清风当户白云藏屋更得四时瓶贮酒未输一品腰围玉
待千章手种木成陰周遮緑 且休殢陶令菊也休羨子猷竹筭百年一梦谁荣谁辱唤客烹茶
闲话了呼童取枕闲眠足但晨芣一炷谢天公时丰熟

同前【和刘右司长翁俾寿之词】

回首家园竹多屋水还多竹那更是千峯凝翠一溪凝緑多谢故人相问讯奚奴步步收珠玉
叹暮林飞鸟也知还防归宿 徧歷了岳与牧事过了官与禄筭平生万事尽无不足争奈乞身
犹未可只縁欠种清闲福想瞿硎仙子亦相思山之奥

念奴娇【咏白莲用寶月韵】

一般妙质笑乐天夸诧小蛮樊素万柄参差罗翠扇金队西方靓女不假施朱也非涂碧所乐
【去声】惟幽浦神仙姑射筭来合共游处 一任冶妓秣姬采莲歌里尽是相思苦花气荷馨
清入骨长傍银河东注月澹风轻雾晞烟细忽洒霏防雨此时心事美人泽畔停佇

同前【再和】

为嫌涂抹向万红丛里澹然凝素非粉非酥能樣别只是凌波仙女隋沼浓妆汉池冶态争似
沧浪浦净鸥洁鹭有时飞到佳处 梦绕太华峯顚与天一笑不觉跻攀苦十丈藕船游汗漫何
惜浮生孤注午鼓惊回依然尘世扑蔌疎牕雨起来寂寞倚栏一饷愁佇

同前【三和】

白苹影里向何人可话平生心素月魄冰魂凝结就犹薄湘妃洛女吴沼芙蓉陈陂菡萏散入
女珠浦采花蜂蝶雾深都忘【去声】归处 堪笑并蒂霞冠双头酡脸只为多情苦空遣隔江
游冶子撩乱心飞目注同出泥涂独标玉质不是曼陀雨风清露冷有人长自迟佇

同前【四和】

天然皓质想当年此种来从大素一防红尘都不染罗列蟾宫玉女色压蒼林香欺兰畹肯向
闻笳浦灵 千歲有时游漾其处 应念社结庐山翻嗤靖节底事攒眉苦纽叶为盘花当盏有
酒何妨频注太液波邊昆明池上岂必沾金雨从教同辈为他皦皦疑佇【大素国名出荷花
】

同前【戏和仲殊已未四月二十七日】

午飈褪暑向綠陰深处引杯孤酌啼鸟一声庭院悄日影偷移朱箔杏落金丸荷抽碧筩景物
挨排却虚檐长啸世緣茵簟笈箴 休问雪藕丝蒲佩兰钿艾旧梦都高阁惟有流莺当此际舌
弄笙簧如约短棹双溪么锄三径归计犹难說料应猿鹤近来多怨离索

八声甘州【賡叶编修俾寿之词】

向鄞江面熟是薰风吹燕麦鳬葵頼君王洪福河清海宴物阜人熙想见拏帷使者随处采声
诗 羨高禽矰弋离【去声】贴天飞飞到苍云深处便敛收毛羽望暮林归可以人不若划地
挂征衣且招呼麴生为友对槐陰时唱两三卮今宵好如钩桂月放出光辉

感皇恩【和广德知军韵】

老去最难禁流光如水甲子从头试指年年生日怕被傍人拈起若攀儿额頽龄犹未
方丈瀛洲蓝溪碧沚转眼鲈莼便秋意君王定许整顿江头行李角巾归去也休里第

谒金门【枕上闻防赋】

纱幮晓杜宇数声声悄真个不如归去好天涯人已老欹枕欲眠还觉犹有青灯残照谩道惜
花春起早家

山千里杳

同前【和赵参谋】

停画鹢天外水澄烟碧莫看遨头人似织今年都老色最苦今朝离夕未卜今年归日生怕晚
风销酒力愁

城难借一

同前【和刘制几】

山客野新把朝衙书寫应想江南樗枿下踏歌鸡黍社休问坤牛干马大率人生且且聊唤玉
人斟玉斝莫

辞沉醉也

同前【和自昭木香】

风韵彻满架平平铺雪贾女何郎盟共结睡浓香更冽春去情怀怎説却喜不闻啼鵲月下时
来闻蹀躞故

园三载别

四明续志卷十二

浣溪沙【巳未元夕】

庆赏元宵口愿晴天公每事秤能平管教檐溜便收声三市海巡那惜夜九街社火亦争名权
将歌酒作工

程

同前【和谦山】

春岸春风荻已芽推排春事到芦花只应推上鬓边华投老未归真左计从陰得霁且舒怀红
红白白有残

葩

同前【再用韵】

海棠已绽牡丹芽犹有东君向上花不须惆怅怨春华装缀园林新景物推敲风月旧情怀也
饶浪蘂与浮

葩

同前【三用韵】

正好江乡笋蕨芽他乡却看担头花只将蝶梦付南华万事纷纭都入幻一杯邂逅且忘怀年
年秋卉与春

葩

同前【四用韵】

雨过池塘水长芽放开晴日正宜花十洲三岛撰繁华水畔丽人唐客恨山陰佳客晋人怀可
怜云蘂与风

葩

同前【巳未三月二十五日赏茶防】

最好茶防白间黄消他蜂蝶采花忙春残红粉厌梳妆毕卓正思身夜瓮刘章底用令秋霜今宵帏枕十分

香

同前【再赋】

宫额新涂一半黄蔷薇空自效颦忙澹然风韵道家妆可惜今宵无皓月尚怜向晚有繁霜何妨手撚一枝

香

海棠春【已未清明对海棠有赋】

海棠亭午霏踈雨便一饷胭脂尽吐老去惜花心相对花无语羽书万里飞来处报扫荡狐嗥兔舞濯锦古江头飞景还如许

同前【再用韵】

嫩晴还更宜轻雨最好处欲开未吐一防聘梅心千古凭谁语脸霞晕锦娇人处肯浪逐红围翠舞银烛莫高烧春梦无多许

同前【三用韵】

苍龙夭矫停今雨正不待云吞雾吐絶笑大夫松今古闲言语清光冷艷侵人处漏月影婆娑自舞拟作歲寒人此愿天应许

霜天晓角【和叶检阅仁叔韵】

倚花傍月花底歌声彻最好月筛花影花月浸香奇絶双溪秋月洁桂棹何时发客里明朝送客多少事且

休說

同前

此花此月一段风流彻更好参横斗转更漏防人声絶有谁秋共洁篱菊相将 留取歲寒心事待此际向

君說

同前【和刘架阁自昭韵】

杯中吸月桂树飞琼屑莫道胡床老子怕风露向凄冽回首云蛾折老大成痴絕且醉今宵光景莫容易向

人說

同前

为花问月谁把金瑰屑犹有残英賸藥秋向老香逾冽且莫都攀折有个人愁絕纵使姮娥念旧星星鬓如

何說

同前【和赵教授韵】

新词唱彻字字珠玑屑更有张顛草圣何止是成双絕金粟如蜚雪扫地为芳席且领诸公一笑怕明夜无

此月

同前

小山幽彻徧地堆香屑只恐今宵入梦梦到处魂孤絕八公头已雪淮南分半席莫道淹留何事且长啸对

佳月

同前【戊午十二月望安晚园赋梅上银烛】

梅花一簇花上千枝烛照出靓妆姿态看不足咏不足便欲和花宿却被官身局借问江南归未今夜梦难

拘束

同前【巳未五月九日老香堂送监簿侄归和自昭韵】

夜凉佳月扫尽轻衫热便欲乘风归去冰玉界琼林阙不须持寸鐵孤吟风惜别且唱东坡水调清露下满

襟雪

同前【再和】

举杯吸月一洗烦襟热想见摩诃池上星斗转挂银阙金吾传漏鐵此时滋味别堦砌寒蛩声细携手处人

如雪

蝶恋花【和处静木香】

澹白轻黄纯雅素一段风流欹枕踈牕户夜半香魂飞欲去伴他月里霓裳舞消得留春春且住不比杨花轻作沾泥絮况是綠陰成幄处不愁更被红妆妬

朝中措【和刘自昭韵】

春空一鸟落云干只遣客心酸芍药牡丹时候午牕轻暖轻寒流光冉冉清樽易倒清镜难看谩道华堂深院谁怜鳳只鷕单

同前【再用韵】

可人想见倚庭干嚼句有甘酸休问沈腰潘鬓何妨岛瘦郊寒时光转眼兔葵燕麦又是防防谁念衰翁衰处春衫晚际尤单

同前【三用韵】

杨花撩乱与云干春事可悲酸况是雨荒院落江南但有春寒鷀残燕嬾蜂慵蝶褪谩等闲看不是无情描貌奚奴且放安单

同前【四用韵】

夜来梦绕宛溪干啼鵲梦中酸过了他乡寒食白鷗划地盟寒云溪雨壑月台风榭借与人看得似野僧无系孤藤杖底挑单

同前【五用韵戏呈】

兰臯彻夜树旄干战渴望梅酸想有歌姬半臂更深自可麤寒
敲门寄曲惊回蝶梦旋篝【去声】灯看坛下已收防将火牛不用田单

同前【老香堂和刘自昭韵】

衰翁老大脚犹轻行到净凉亭近日方忧多雨连朝且喜长晴
漫防欢笑翠涛杯满金缕【缺】清况有兰朋竹友柳词贺句争鸣

虞美人【和刘制几舟中送监簿韵】

东风催客呼前渡宿鸟投林暮欲归人送得归人万叠青山罗列是愁城
谁家台榭当年筑芳草垂杨绿云深雾暗不须悲只绿盈虚消息少人知

鹊桥仙【已未七夕】

馨香饼饵新鲜 果乞巧千门万户到头人事控抟难与拙底无多来去
痴儿妄想夜看银汉要待云车飞度谁知牛女已尊年又那得欢娱意绪

秋夜雨【和韵刘制机立秋夜观月喜雨】

不嫌天上云遮月雨来正是双绝雷公驱电母尽收卷十分袞热三更又报初秋了少待他西
风凄冽灵悟话头莫说且唱饮刘郎一阕【灵悟四明日者自号众推其术】

同前【客有道秋夜雨古词因用其韵而不知角之为阁也并付一笑】

云头电掣如金粟须臾天尽帟幙一凉恩到骨正骤雨盆倾檐角
桃笙今夜难禁也赖醉乡情分非薄清梦何处托又只是故园篱落

同前【再和】

单于系颈须长索防书新上油幙尽沉边柝也更底问悲笳哀角
衰翁七十迎头了先【去声】自来声利都薄归计犹未托又一叶西风吹落

同前【已未八月二日新桃源和韵】

吴翁里第还巾角不妨天地席幙家僮归报道快酿酒休教醅薄
相逢聚散应搔首且趁时一笑为乐人世大都濩落更莫问是非今昨

同前

西风半入孤城角人生归燕巢幙倦翁衰甚也又不是官卑禄薄
收防卷索今番稳尽一丘一壑足乐还是遠空雁落报宛句溪光犹昨

同前

晚来小雨鸣櫓角又还烟障云幙四明牕透荡渐夜永練衫轻薄
候虫但要吟教苦不管人老欠欢乐闲看烛花烬落浮世事转头成昨

生查子【已未八月二日四明牕和韵】

坐临芳沼邊荷气侵衣湿唧唧暗蛩鸣防防流萤入人生歧路中底用杨朱泣一咲倚栏干頽
玉当风立

同前

夜来云气浮带得香烟湿万 本无情一一秋声入须與离合间应笑儿曹泣新雨涨鄞江明
日桅檣立

西河【和旧韵】

都防地东南盛府堪记蓬莱缥渺十洲中雉城拥起凭高一盼大江横遥连沧海无际
壁同众山翠倚赤龙白鷁争系风防指顾便青齐势雄万垒越栖吴沼古难憑兴亡都付流水
画堂绮屋锦绣市是洛阳耆旧州里富贵荣华当世问昔年贺老踈狂何事轻寄平生烟波里

桂枝香

三年海国又荏苒素秋天净如流凄砌寒蛩暗语杵声相续梧桐一叶西风里对斜阳好个图
簇老香堂畔苍然古桧无限心曲 叹石室棊方半局便时换人非光景能蹙千古鸱夷尚恐欠
些归宿倚空笑把轮云事付坤牛干马征逐且巴重九昭亭句溪杖藜巾幅

南乡子【和韵已未八月十日郊行】

野思浩难收坐看渔舟度遠洲芦苇已雕荷已败风飈桂子飘香八月头
归计这回鷗犹及家山一半秋虽则家山元是客浮休有底欢娱有底愁

同前

野景有谁收只在苍鷗白鹭洲风树飘摇云树暗衣飈目防青天天际头
壮志世难酬丹桂红蕖又晚秋多少心情多少事都休载取江湖一片愁

行香子【开庆已未八月十夜同官小饮逸老堂李直翁制参中示东坡题钓台行香子吏笔和韵】

世事尘轻宠辱何惊不须更问君平一防客棹几曲渔汀正年华晚露华澹月华明
休论烟阁莫説云屏筭惟堪 种东陵驹陰短景蜗角浮名但歳难留身难健鬓难青

秋夜雨【依韵戏赋傀儡】

腰棚傀儡曾悬索龕瞞憑一层幙施呈精妙处解幻出蛟龙头角
谁知鲍老从旁笑更郭郎摇手消薄歧路难準托田稻熟只宜村落

唐多令【答和梅府教】

鸥鹭水中洲夕阳天际流倚西风底处危楼若使中秋无好月虚过了一年秋
举眼望云头蟾光一线否想嫦娥自古多愁安得仙师呼鹤驾将我去广寒游

南乡子【答和惠计院】

黄耳讯初收为説鸥汀与鹭洲争问主人归近逺飏飏定是登高九月头
有酒且相醺莫管西风满鬓秋今日是今明日古休休转首鄞江防别愁

防 情【和韵】

今宵分破鹊论秋孤客兴何悠要向云中邀月真个是猷头
风阵 电光流雨声飏嫦娥应道未卜明年是乐还愁

水调歌头【已未中秋无月】

今歳月和桂不肯作中秋一年惟此佳节底事白教休我已侵寻七袞况复轮囷万感合恨更
分愁先是无聊

頼雨意得能稠【缺】 何处老难游痴云如妬不知 管可吹不安得风姨扫荡推出团圆月
姊便遣桂香浮世事十常九不使展眉头

水调歌头【和晦翁韵预赋山中乐已未中秋中澣书于老香堂】

已是三堪乐更是百无忧山朋溪友呼酒互劝复争酬钓水肥鲜鰢鳊采树甘鲜梨栗防防一
齐收树底飞轻盖溪上放轻舟笑鸱夷名已谢利还谋蜗蝇些小头角何事被渠钩春际鹭翻
蝶舞秋际猿啼鹤唳物我共悠悠倚棹明当发归梦落三洲